


周

易

6488



一

#811.2  
1017



周

易

上

卷

四部叢刊經部

#811.2



周易十卷



四部叢刊經部

上海涵芬樓景印宋  
刊本原書版匡高營  
造尺六寸七分寬四  
寸八分



周易上經乾傳第一

王弼注



乾上

乾下

乾元亨利貞

初九潛龍勿用

文言

九

二見龍在田利見大人

上出潛離隱故曰見龍處於地

不偏雖非君位君之德也初則不彰三則乾九三君子終

日乾乾夕惕若厲无咎

乾四則或躍上則過亢利見大人唯二五焉

在天未可以安其尊也下不在田未可以寧其居也純脩下道

惕猶若厲也居上不驕在下不憂因時而惕不失其幾雖危而

勞可以无咎處下卦之極愈於上九之亢故竭知力而後免於

无咎

悔坤三以處下卦之上故免亢龍之災九四或躍在淵



退无常之時也近乎尊位欲進其道迫乎在下非躍所及欲靜

其居居非所安持疑猶豫未敢決志用心存公進不在私疑以

為慮不謬於九五飛龍在天利見大人在不行不躍而

果故无咎也九五飛龍在天利見大人在乎天非飛

如何故曰飛龍也龍德在天則大人之路亨也夫位以上九亢

德與德以位叙以至德而處盛位萬物之觀不亦宜乎上九亢

龍有悔用九見羣龍无首吉九天之德也能用

義焉夫以剛健而居人之首則物之所不與也以柔順

而為不正則佞邪之道也故乾吉在无首坤利在永貞彖曰

大哉乾元萬物資始乃統天雲行雨施品

物流形大明終始六位時成時乘六龍以

御天乾道變化各正性命天也者形之名也健也

物之累也有天之形而能永保无虧為物之首統之者豈非至

健哉大明乎終始之道故六位不失其時而成升降无常隨時

而用則乘潛龍出則乘飛龍故曰時乘六龍也乘變化保

而御大器靜專動直不失大和豈非正性命之情者邪保



合大和乃利貞

不和而剛暴

首出庶物萬國咸寧

萬國所以寧各以有君也

象曰天行健君子以自強不息潛

龍勿用陽在下也見龍在田德施普也終

日乾乾反復道也

以上言之則不驕以下言之則不憂反復皆道也

或躍在

淵進无咎也飛龍在天大人造也亢龍有

悔盈不可久也用九天德不可爲首也文

言曰元者善之長也亨者嘉之會也利者

義之和也貞者事之幹也君子體仁足以

長人嘉會足以合禮利物足以和義貞固

足以幹事君子行此四德者故曰乾元亨



利貞初九曰潛龍勿用何謂也子曰龍德

而隱者也不易乎世

世不為世俗所移易也

不成乎名遯世

无悶不見是而无悶樂則行之憂則違之

確乎其不可拔潛龍也九二曰見龍在田

利見大人何謂也子曰龍德而正中者也

庸言之信庸行之謹閑邪存其誠善世而

不伐德博而化易曰見龍在田利見大人

君德也九三曰君子終日乾乾夕惕若厲

无咎何謂也子曰君子進德脩業忠信所

以進德也脩辭立其誠所以居業也知至



至之可與幾也知終終之可與存義也

體之極是至也居一卦之盡是終也處事之至而不犯咎知至者也故可與成務矣處終而能全其終知終者也夫進物之速者義不若利存物之終者利不及義故靡不有初鮮克有終夫可與存義者其唯知終者乎

是故居上

位而不驕在下位而不憂

居下體之上在上體之下明夫終敝故不驕也

知夫至至故不憂也

故乾乾因其時而惕雖危无咎矣

惕怵惕之謂也處事之極失時則發懈怠則曠故因其時而惕雖危无咎

九四曰或躍在淵

无咎何謂也子曰上下无常非爲邪也進

退无恒非離羣也君子進德脩業欲及時

也故无咎九五曰飛龍在天利見大人何

謂也子曰同聲相應同氣相求水流濕火

就燥雲從龍風從虎聖人作而萬物覩本  
乎天者親上本乎地者親下則各從其類  
也上九曰亢龍有悔何謂也子曰貴而无  
位高而无民下无陰也賢人在下位而无輔賢人在

下而當位不為之助

是以動而有悔也

盡陳其闕也獨立而動物

莫之與矣乾文言首不論乾而先說元下乃曰乾何也夫乾者  
統行四事者也君子以自強不息行此四者故首不論乾而下  
曰乾元亨利貞餘文皆說龍至於九三獨以君子為目何也夫  
易者象也象之所生於義也也有斯義然後明之以其物故以  
龍叙乾以馬明坤隨其事義而取象焉是故初九九二龍德皆  
應其義故可論龍以明之也至於九三乾乾夕惕非龍德也明  
以君子當其象矣統而舉之乾

潛龍勿用下也見龍

體皆龍別而叙之各隨其義

在田時舍也終日乾乾行事也或躍在淵



自試也飛龍在天上治也亢龍有悔窮之

災也乾元用九天下治也此一章全以人事明之也九陽也陽剛直之物也夫

能全用剛直放遠善柔非天下至理未之能也故乾元用九則天下治也夫識物之動則其所以然之理皆可也龍之為德

不為妄者也潛而勿用何乎必窮處於下也見而在田必以時之通舍也以爻為人以位為時人不妄動則時皆可也文王

明夷則主可知矣仲尼旅人則國可知矣潛龍勿用陽氣潛藏見龍在

田天下文明終日乾乾與時偕行與天時俱不息或

躍在淵乾道乃革飛龍在天乃位乎天德

亢龍有悔與時偕極與時運俱終極乾元用九乃見

天則此一章全說天氣以明之也九剛直之物唯乾體能用之純剛以觀天天則可見矣乾元者

始而亨者也利貞者性情也不為乾元何能通物之始不性其情何能

乾元者始而亨者也利貞者性情也

又行其正是故始而亨者必乾元也利而正者必性情也乾始能以美利利天下

不言所利大矣哉大哉乾乎剛健中正純

粹精也六爻發揮旁通情也時乘六龍以

御天也雲行雨施天下平也君子以成德

爲行日可見之行也潛之爲言也隱而未

見行而未成是以君子弗用也君子學以

聚之問以辯之以君德而處下體資納於物者也寬以居之仁

以行之易曰見龍在田利見大人君德也

九三重剛而不中上不在天下不在田故

乾乾因其時而惕雖危无咎矣九四重剛



而不中上不在天下不在田中不在人故  
或之或之者疑之也故无咎夫大人者與  
天地合其德與日月合其明與四時合其  
序與鬼神合其吉凶先天而天弗違後天  
而奉天時天且弗違而況於人乎況於鬼  
神乎亢之爲言也知進而不知退知存而  
不知亡知得而不知喪其唯聖人乎知進  
退存亡而不失其正者其唯聖人乎

䷁

坤下

坤元亨利牝馬之貞

坤貞之所利於牝馬也馬在下而行者

也而又牝馬順之至也至順而後乃亨故唯利於牝馬之貞

君子有攸往先迷後

六三

坤上

六三

坤上

六三

坤上

六三

坤上

六三

坤上

得主利西南得朋東北喪朋安貞吉

西南致養之地

與坤同道者也故曰得朋東北反西南者也故曰喪朋陰之爲物必離其黨之於反類而後獲安貞吉

彖曰至

哉坤元萬物資生乃順承天坤厚載物德

合无疆含弘光大品物咸亨牝馬地類行

地无疆

地之所以得无疆者以卑順行之故也乾以龍御天坤以馬行地

柔順利貞

君子收行先迷失道後順得常西南得朋

乃與類行東北喪朋乃終有慶安貞之吉

應地无疆

地也者形之名也坤也者用地者也夫兩雄必爭二主必危有地之形與剛健爲耦而能永保

无疆用之者不亦至順乎若夫行之不以牝馬利之不以永貞方而又剛柔而又圓求安難矣

象曰地勢

坤

地勢不順其勢順

君子以厚德載物初六履霜堅



冰至

始於履霜至于堅冰所謂至柔而動也剛陰之爲道本於卑弱而後積著者也故取履霜以明其始陽之爲物

非基於始以至於著者也故以出更明之則以初爲潛

象曰履霜堅冰陰始凝

也馴致其道至堅冰也六二直方大不習

无不利

居中得正極於地質任其自然而物自生不假脩營而功自成故不習焉而无不利

象曰

六二之動直以方也

動而直方任其質也

不習无不利

地道光也六三含章可貞或從王事无成

有終

三觀下卦之極而不疑於陽應斯義者也不爲事始須唱乃應待命乃發含美而可正者也故曰含章可貞也

有事則從不敢爲首故曰或從王事也不爲事主順命而終故曰无成有終也

象曰含章可貞

以時發也或從王事知光大也

知慮光大故不擅其美

六

四括囊无咎无譽

處陰之卦以陰居陰履非中位无直方之質不造陽事无含章之美

括結否閉賢人乃隱

象曰括囊无咎慎不害也六

五黃裳元吉

黃中之色也裳下之飾也坤為臣道美盡於下夫體无剛健而能極物之情通理者也

柔順之德處於盛位任夫文理者也垂黃裳以獲元吉非用武者也極陰之盛不至疑陽以文在中美之至也

象曰

黃裳元吉文在中也

用黃裳而獲元吉以文在中也

上六龍戰

于野其血玄黃

陰之為道卑順不盈乃全其美盛而不已固陽之地陽所不堪故戰于野

象

曰龍戰于野其道窮也用六利永貞

用六之利利永

也象曰用六永貞以大終也

能以永貞大終者也

文言曰

坤至柔而動也剛至靜而德方

動之方正不為邪也柔而又圓

消之道也其德至靜德必方也

後得主而有常含萬物而化光

坤道其順乎承天而時行積善之家必



餘慶積不善之家必有餘殃臣弑其君子  
弑其父非一朝一夕之故其所由來者漸  
矣由辯之不早辯也易曰履霜堅冰至蓋  
言順也直其正也方其義也君子敬以直  
內義以方外敬義立而德不孤直方大不  
習无不利則不疑其所行也陰雖有美含  
之以從王事弗敢成也地道也妻道也臣  
道也地道无成而代有終也天地變化草  
木蕃天地閉賢人隱易曰括囊无咎无譽  
蓋言謹也君子黃中通理正位居體美在

其中而暢於四支發於事業美之至也陰

疑於陽必戰

辯之不早疑盛乃動故必戰

為其嫌於无陽也

為其嫌於非陽而戰

故稱龍焉猶未離其類也

猶未失其陰類為陽

所滅故稱血焉

猶與陽戰而相傷故稱血

夫玄黃者天地之雜

也天玄而地黃

䷂

震下坎上

屯元亨利貞

剛柔始交是以屯也不交則否故也乃大亨也大亨則无險故利貞

勿用有攸往

往益也

利建侯

得主則定

彖曰屯剛柔

始交而難生動乎險中大亨貞

始於險難至於大亨而後全正

雷雨之動滿盈

故曰屯元亨利貞

皆剛柔始交之所為

天造

造始之時也造物之始始於冥昧

草昧宜建侯而不寧

屯體不寧故利建侯也屯者天地造始之時也造物之始始於冥昧



故曰草昧也。處造始之時。象曰雲雷屯。君子以經

所宜之善。莫善建侯也。綸君子經初九磐桓。利居貞。利建侯。處屯之初動則難生

不可以進。故磐桓也。處此時也。其利安在。不唯居貞建侯乎。夫息亂以靜守靜。以侯安民。在正弘正。在謙屯難之世。陰求於陽。弱求於強。民思其主之時也。初處其首而天下焉交備斯義。宜其得民也。象曰雖磐桓志行

正也。不可以進故磐桓也。非為宴安棄成務也。故雖磐桓志行正也。以貴下賤。大得民

也。陽貴而陰賤也。六二屯如遭如。乘馬班如。匪寇婚

媾。女子貞不字。十年乃字。志在乎五不從於初也。難之時正道未行與初

相近而不相得。困於侵害。故屯。遭也。時方屯難。正道未通。涉遠而行難。可以進。故曰乘馬班如也。寇謂初也。无初之難。則與五婚矣。故曰匪寇婚媾也。志在於五。不從於初。故曰女子貞不字也。屯難之世。勢不過十年者也。十年則反常。反常則本志斯獲

矣。故曰十年乃字。象曰六二之難乘剛也。十年乃字。

反常也六三即鹿无虞惟入于林中君子

幾不如舍往吝

三既近五而无寇難四雖比五其志在初不妨已路可以進而无屯道也見路

之易不揆其志五應在二往必不納何異无虞以從禽乎雖見其禽而无其虞徒入于林中其可獲乎幾辭也夫君子之動豈取恨辱哉故不如舍往吝窮也象曰即鹿无虞以從禽也君子

舍之往吝窮也六四乘馬班如求婚媾往

吉无不利

二雖比初執貞不從不害已志者也求與合好往必見納矣故曰往吉无不利

象曰

求而往明也

見彼之情狀也

九五屯其膏小貞吉大

貞凶

處屯難之時居尊位之上不能恢弘博施无物不與拯濟微帶亨于羣小而繫應在二屯難其膏非能光其施

者也固志同好不容他間小貞之吉大貞之凶

象曰屯其膏施未光也上

六乘馬班如泣血漣如

處險難之極下无應援進无所適雖比於五五屯其膏不



與相得居不獲安行无所適窮象曰泣血漣如何可

長也

䷃ 艮上 蒙亨匪我求童蒙童蒙求我初筮

告再三瀆瀆則不告筮者決疑之物也童蒙之來求我欲決所惑也決之不一不知

所從則復惑也故初筮則告再三則瀆瀆蒙也利貞蒙之所

能為初筮其唯二乎以剛處中能斷夫疑者也利貞利乃利

正也夫明莫若聖昧莫若蒙蒙以養正彖曰蒙山下有

乃聖功也然則養正以明失其道矣險險而止蒙

退則困險進則陽山蒙亨以亨行

時中也時之所願唯願亨也匪我求童蒙童蒙求

以亨行之得時中也我志應也我謂非童蒙者也非童蒙者即陽也凡不識者求問識者識者不求所告闇者求明明者不諮

於闇故蒙之為義匪我求童蒙童蒙求我也童蒙之來求我志應故也初筮告以剛中也

謂二也二為衆陰之主也無剛決中何由得初筮之告乎再三瀆瀆則不告瀆蒙

也蒙以養正聖功也象曰山下出泉蒙

出泉未知所適蒙之象也君子以果行育德

六發蒙利用刑人用說桎梏以往吝

其上故蒙發也蒙發疑明刑說當也以往吝刑不可長象曰利用刑人以正法

也

刑人之道道所惡也以正法制故刑人也九二包蒙吉納婦吉子

克家

以剛居中童蒙所歸包而不距則遠近咸至故包蒙吉也婦者配己而成德者也體陽而能包蒙以剛而能居象曰子

有躬无攸利

童蒙之時陰求於陽晦求於明各求發其昧者也六三在下卦之上上九在上



卦之上男女之義也上不求三而三求上女先求男者也女之  
為體正行以待命者也見剛夫而求之故曰不有躬也施之於  
女行在不順故勿用取女而无收利象曰勿用取女行不順也六四

困蒙吝

獨遠於陽處兩陰之中闇莫之發故曰困蒙也困  
於蒙昧不能比賢以發其志亦以鄙矣故曰吝也

象曰困蒙之吝獨遠實也

陽稱實也

六五童蒙吉

以夫陰質居於尊位不自任察而委於二付  
物以能不勞聰明功斯克矣故曰童蒙吉

象曰童蒙之

吉順以巽也

委物以能不先  
不為順以巽也

上九擊蒙不利為

寇利禦寇

處蒙之終以剛居上能擊去童蒙以發其昧者  
也故曰擊蒙也童蒙願發而已能擊去之合上

下之願故莫不順也為之扞禦則物咸附之若  
欲取之則物咸叛矣故不利為寇利禦寇也

象曰利用

禦寇上下順也

䷆

乾下坎上

需有孚光亨貞吉利涉大川彖曰

需須也險在前也剛健而不陷其義不困

窮矣需有孚光亨貞吉位乎天位以正中

也謂五也位乎天位用其中正以此待物需道畢矣故光亨貞吉利涉大川往有功

也乾德獲進往輒亨也象曰雲上於天需君子以飲食宴

樂童蒙已發盛德光亨飲食宴樂其在茲乎初九需于郊利用恒无咎

居需之時最遠於難能抑其進以遠險待時雖不應幾可以保常也象曰需于郊不犯難

行也利用恒无咎未失常也九二需于沙

小有言終吉轉近於難故曰需于沙也不至致寇故曰小有言也近不逼難遠不後時履健居中以待

其會雖小有言以吉終也象曰需于沙衍在中也雖小有言

以吉終也九三需于泥致寇至以剛逼難欲進其道所以招寇



而致敵也猶有須焉不陷其剛寇之象曰需于泥災在

外也自我致寇敬慎不敗也六四需于血

出自穴

凡稱血者陰陽相傷者也陰陽相近而不相得陽欲進而陰塞之則相害也穴者陰之路也處坎之始居

穴者也九三剛進四不能距見侵則辟順以聽命者也故曰需于血出自穴也象曰需于血順

以聽也九五需于酒食貞吉

需之所須以待達也已得天位暢其中正

无所復須故酒食而已獲貞吉也

象曰酒食貞吉以中正也上

六入于穴有不速之客三人來敬之終吉

六四所以出自穴者以不與三相得而塞其路不辟則害故不得不出自穴而辟之也至於上六處卦之終非塞路者也與三為應三來之已乃為已援故无畏害之辟而乃有入穴之固也三陽所以不敢進者須難之終也難終則至不待召也已居難終故自來也處无位之地以一陰而為三陽之主故必敬之而後終吉象曰不速之客來

敬之終吉雖不當位未大失也

處无位之地不當位者也敬之

則得終吉故雖不當位未大失也

䷆

坎下乾上

訟有孚窒惕中吉

窒謂窒塞也皆惕然後可以獲中吉

終

凶利見大人不利涉大川彖曰訟上剛下

險險而健訟訟有孚窒惕中吉剛來而得

中也終凶訟不可成也利見大人尚中正

也不利涉大川入于淵也

凡不和而訟无施而可涉難持其焉唯有信而見塞

懼者乃可以得吉也猶復不可終中乃吉也不閉其源使訟不至雖每不枉而訟至終竟此亦凶矣故雖復有信而見塞懼猶不可以為終也故曰訟有孚窒惕中吉終凶也无善聽者雖有其實何由得明而令有信塞懼者得其中吉必有善聽之主焉其在二乎以剛而來正夫羣小斷不失中應斯任也象曰天與水違行訟君子



以作事謀始

聽訟吾猶人也必也使無訟乎無訟在於謀始謀始在於作制契之不明訟之所以生也

物有其分職不相濫爭何由興訟之所以起契之過也故有德司契而不責於人初六不永所事

小有言終吉

處訟之始訟不可終故不永所事然後乃吉凡陽唱而陰和陰非先唱者也四召而應見

犯乃訟處訟之始不為訟先雖不能不訟而了訟必辯明也

象曰不永所事訟不

可長也雖小有言其辯明也九二不克訟

歸而逋其邑人三百戶无眚

以剛處訟不能下物自下訟上宜其

不克若能以懼歸竄其邑乃可以免災邑過三百非為竄也竄而據強災未免也

象曰不克訟

歸逋竄也自下訟上患至掇也六三食舊

德貞厲終吉或從王事无成

體夫柔弱以順於上不為九二自下訟上

不見侵奪保全其有故得食其舊德而不失也居爭訟之時處兩剛之間而皆近不相得故曰貞厲柔體不爭擊應在上衆莫

能傾故曰終吉上壯爭勝雖可象曰食舊德從上吉

也九四不克訟明也復即命渝安貞吉初辯也下可以

改慶者也故其咎不大若能反從本理變前之象曰復即

命渝安貞不失也九五訟元吉處得尊位為訟之主用其中正

也上九或錫之鞶帶終朝三褫之以剛居上

訟而得勝者也以訟受錫榮何象曰以訟受服亦不

足敬也

三三坤下師貞丈人吉无咎丈人嚴莊之稱也為師之正丈人乃吉也與役

動衆无功罪也象曰師衆也貞正也能以衆正

故吉乃无咎也



可以王矣剛中而應行險而順以此毒天

下而民從之吉又何咎矣毒猶役也象曰地中有

水師君子以容民畜衆初六師出以律否

臧凶爲師之始齊師者也齊衆以律失律則散故師出以律律不可失失律而臧何異於否失令有功法所不赦故

師出以律否臧皆凶象曰師出以律失律凶也九二在

師中吉无咎王三錫命以剛居中而應於上在師而得中者也承上之寵爲師之

主任大役重无功則凶故吉乃无咎也行師得吉莫善懷邦邦懷衆服錫莫重焉故乃得成命象曰在師

中吉承天寵也王三錫命懷萬邦也六三

師或輿尸凶以陰處陽以柔乘剛進則无應退无所守以此用師宜獲輿尸之凶象曰

師或輿尸大无功也六四師左次无咎得位而无

應无應不可以行得位則可以處故左次之而无咎也行師之法欲右背高故左次之

象曰左次无

咎未失常也

雖不能有獲足以不失其常也

六五田有禽利執

言无咎長子帥師弟子輿尸貞凶

處師之時柔得尊位陰不

先唱柔不犯物犯而後應往必得直故田有禽也物先犯己故授不得主則衆不從故長子帥師可也弟子之凶固其宜也象曰長子帥師以中

行也弟子輿尸使不當也上六大君有命

開國承家小人勿用

處師之極師之終也大君之命不失功也開國承家以寧邦也

小人勿用非其道也

象曰大君有命以正功也小人勿

用必亂邦也

䷇

坤下坎上

比吉原筮元永貞无咎不寧方來



後夫凶彖曰比吉也比輔也下順從也原

筮元永貞无咎以剛中也處比之時將原筮以求无咎其唯元永貞乎夫

羣黨相比而不以元永貞則凶邪之道也若不遇其主則雖永貞而猶未足免於咎也使永貞而无咎者其唯九五乎不

寧方來上下應也上下无陽以分其民五獨處尊莫不歸之上下應之既親且安安則不安

者託焉故不寧方所以來上下應故也夫无者求有有者不求所與危者求安安者不求所保人有其炎寒者附之故己苟安焉則不寧

方來矣 後夫凶其道窮也將合和親而獨在後親成則誅是以凶也象

曰地上有水比先王以建萬國親諸侯萬國

以比建諸侯以比親初六有孚比之无咎有孚盈缶終

來有它吉處比之始為比之首者也夫以不信為比之首則禍莫大焉故必有孚盈缶然後乃得免比之

咎故曰有孚比之无咎也處比之首應不在一心无私吝則莫不比之著信立誠盈溢乎質素之器則物終來无衰竭也親乎

天下著信盈缶應者豈一

象曰比之初六有它吉

也六二比之自內貞吉

處比之時居中得位而繫應在五不能來它故得其自內

貞吉

象曰比之自內不自失也六三比之匪

人

四自外比二為五貞近不相得遠則無應所與比者皆非己親故曰比之匪人

象曰比之匪

人不亦傷乎六四外比之貞吉

外比於五履得其位比不失賢

處不失位故貞吉也

象曰外比於賢以從上也九五顯

比王用三驅失前禽邑人不誠吉

為比之主而有應在

二顯比者也比而顯之則所親者狹矣夫无私於物唯賢是與則去之與來皆无失也夫三驅之禮禽逆來趣己則舍之背己

而走則射之愛於來而惡於去也故其所施常失前禽也以顯比而居王位用三驅之道者也故曰王用三驅失前禽也用其

中正征討有常伐不加邑動必討叛邑人无虞故不誠也雖不得乎大人之吉是顯比之吉也此可以為上之使非為上之道



象曰顯比之吉位正中也舍逆取順失前禽也邑人不誡上使中也上六比之无首

凶

无首後也顯卦之終是後夫也親道已成无所與終為時所棄宜其凶也

象曰比之无首

无

所終也

三三

乾下小畜亨

不能畜大止健剛志故行是以亨密雲不雨自

我西郊彖曰小畜柔得位而上下應之曰

小畜

謂六四也成卦之義在此爻也體无二陰以分其應故上下應之也既得其位而上下應之三不能陵小畜之

義健而巽剛中而志行乃亨密雲不雨尚

往也自我西郊施未行也

小畜之勢足作密雲乃自我西郊未足以為雨

也何由知未能為雨夫能為雨者陽上薄陰陰能固之然後承而為雨今不能制初九之復道固九二之牽復九三更以不能

小畜

卷之二

小畜

二

小畜

復為劣也下方尚往施豈得行故密雲而不能為雨尚往故也何以明之夫陰能固之然後乃雨乎上九獨能固九三之路故九三不可以進而與說輻也能固其路而安於上故得既雨既處若四五皆能若上九之善畜則能雨明矣故舉一卦而論之能為小畜密雲而已陰苟不足以固陽則雖復至盛密雲自我西郊故不能雨也雨之未下即施之未行也彖全論一卦之體故曰密雲不雨象各言一象曰風行天上小畜君子

以懿文德

未能行其施者故可以懿文德而已

初九復自道何其咎

吉

處乾之始以升巽初四為已應不距已者也以陽升陰復自其道順而无違何所犯咎得義之吉

象曰復

自道其義吉也九二牽復吉

處乾之中以升巽五非畜極非固已者

也雖不能若陰之不違可牽以獲復是以吉也

象曰牽復在中亦不自失

也九三輿說輻夫妻反目

上為畜盛不可牽征以斯而違故必說輻也已為陽

極上為陰長畜於陰長不能自復方之夫妻反目之義也

象曰夫妻反目不能正



室也六四有孚血去惕出无咎

夫言血者陽犯陰也四象於三近不

相得三務於進而己隔之將懼侵克者也上亦惡三而能制焉志與上合共同斯誠三雖逼己而不能犯故得血去懼除保无

咎象曰有孚惕出上合志也九五有孚攣

如富以其鄰

處得尊位不疑於二來而不距二牽已攣不為專固有孚攣如之謂也以陽居陽處

實者也居盛處實而不專固富以其鄰者也

象曰有孚攣如不獨富也

上九既雨既處尚德載婦貞厲月幾望君

子征凶

處小畜之極能畜者也陽不獲亨故既雨也剛不能侵故既處也體巽處上剛不敢犯尚德者也為陰之

長能畜剛健德積載者也婦制其夫臣制其君雖貞近危故曰婦貞厲也陰之盈盛莫盛於此故曰月幾望也滿而又進必失

其道陰疑於陽必見戰伐雖復象曰既雨既處德積

載也君子征凶有所疑也

夫處下可以征而无咎者唯泰也則然坤本體

下又順而弱不能敵剛故可以全其類征而吉也自此以往則其進各有難矣夫巽雖不能若艮之善畜猶不肯為坤之順從也故可得少進不可盡陵也是以初九九二其復則可至於九三則輿說輻也夫大畜者畜之極也畜而不已畜極則通是以其畜之盛在於四五至于上九道乃大行小畜積極而後乃能畜是以四五可以進而上九說征之輻

三

乾下

履虎尾

不咥人

亨

彖曰履柔履剛

剛

也說而應乎乾是以履虎尾不咥人亨

凡彖者言

乎一卦之所以為主也成卦之體在六三也履虎尾者言其危也三為履主以柔履剛履危者也履虎尾而不見咥者以其說而應乎乾也乾剛正之德者也不以說行夫倭邪而以說應乎乾宜其履虎尾不見咥而亨剛中正履

帝位而不疚光明也

言五

象曰上天下澤履

君子以辯上下定民志初九素履往无咎

處履之初為履之始履道惡華故素乃无咎象曰素履



之往獨行願也九二履道坦坦幽人貞吉履道尚謙

不喜處盈務在致誠惡夫外飾者也而二以陽處陰履於謙也居內履中隱顯同也履道之美於斯為盛故履道坦坦无險厄也在此而象曰幽人貞吉中不自亂也六三眇

能視跛能履履虎尾咥人凶武人爲于大

君居履之時以陽處陽猶曰不謙而況以陰居陽以柔乘剛者乎故以此爲明眇目者也以此爲行跛足者也以此履危見

咥者也志在剛健不情所履欲以陵武於人爲象曰眇能

視不足以有明也跛能履不足以與行也

咥人之凶位不當也武人爲于大君志剛

也九四履虎尾愬愬終吉逼近至尊以陽承陽處多懼之地故曰履

虎尾愬愬也然以陽居陰以謙爲象曰愬愬終吉志

本雖處危懼終獲其志故終吉也

行也九五夬履貞厲

得位處尊以剛決正故曰夬履貞厲也履道惡盈而五處實是

以危

象曰夬履貞厲位正當也上九視履考

祥其旋元吉

禍福之祥生乎所履處履之極履道成矣故可視履而考祥也居極應詭高而不危

是其旋也履道大成故元吉也

象曰元吉在上大有慶也

周易卷第一

經三千二百五十五字  
注五千九百四十四字



周易上經泰傳第二

王弼注

三三

乾下坤上

泰小往大來吉亨彖曰泰小往大

來吉亨則是天地交而萬物通也上下交

而其志同也內陽而外陰內健而外順內

君子而外小人君子道長小人道消也象

曰天地交泰后以財成天地之道輔相天

地之宜以左右民泰者物大通之時也上下大通則物失其節故財成而輔相以左右民也

初九拔茅茹以其彙征吉茅之為物拔其根而相牽引者也茹相牽引之貌也三陽同志俱志在外初為類首已舉則從若茅茹也上順而應不為遠近進皆得志故以其類征吉象曰

言三

言三

言三

言三

言三

言三

言三

言三

言三

言三

言三

拔茅征吉志在外也九二包荒用馮河不

遐遺朋亡得尚于中行

體健居中而用手泰能包含荒穢受納馮河者也用

心弘大无所遐棄故曰不遐遺也无私无偏存乎光大故象曰朋亡也如此乃可以得尚于中行尚猶配也中行謂五

包荒得尚于中行以光大也九三无平不

陂无往不復艱貞无咎勿恤其孚于食有

福

乾本上也坤本下也而得泰者降與外也而三處天地之際將復其所處復其所處則上守其尊下守其卑是故无往

而不復也无平而不陂也處天地之將開平路之將陂時將大變世將大革而居不失其正動不失其應艱而能貞不失其義

故无咎也信義誠若故不恤其孚而自明也故曰勿恤其孚于食有福也象曰无往不復

天地際也

天地將各分復之際

六四翩翩不富以其鄰不

戒以孚

乾樂上復坤樂下復四處坤首不固所居見命則退故曰翩翩也坤爻皆樂下已退則從故不待富



而用其鄰也莫不與己同其象曰翩翩不富皆失實

志願故不待戒而自孚也

也不戒以孚中心願也六五帝乙歸妹以

祉元吉婦人謂嫁曰歸泰者陰陽交通之時也女處尊位履中居順降身應二感以相與用中行願不失其

禮帝乙歸妹誠合斯義履順居中行願象曰以祉元吉

中以行願也上六城復于隍勿用師自邑告

命貞吝居泰上極各反所應泰道將滅上下不交卑不上承尊不下施是故城復于隍卑道崩也勿用師不煩攻

也自邑告命事吝否道已成命不行也象曰城復于隍其命亂也

三三坤下乾上否之匪人不利君子貞大往小來彖

曰否之匪人不利君子貞大往小來則是

天地不交而萬物不通也上下不交而天

下无邦也内陰而外陽内柔而外剛内小人而外君子小人道長君子道消也象曰天地不交否君子以儉德辟難不可榮以禄初六拔茅茹以其彙貞吉亨

者也順非健也何可以征居否之時動則入邪三陰同道皆不可進故茅茹以類貞而不諂則言亨象曰拔

茅貞吉志在君也志在於君故不苟進六二包承小人吉

大人否亨居否之世而得其位用其至順包承於上小人路通内柔外剛大人否之其道乃亨象

曰大人否亨不亂羣也六三包羞俱用小道以承其上

而位不當所以包羞也象曰包羞位不當也九四有命

无咎疇離祉夫處否而不可以有命者以所應者小人也有命於小人則消君子之道者也今初



志在君處乎窮下故可以有命  
无咎而時麗福也時謂初也  
象曰有命无咎志行

也九五休否大人吉其亡其亡繫于苞桑

居尊當位能休否道者也施否於小人否之休也唯大人而後  
能然故曰大人吉也處君子道消之時已居尊位何可以安故  
心存將危乃得固也  
象曰大人之吉位正當也上九傾否

先否後喜  
先傾後通故後喜也始以傾為否後得通乃喜  
象曰否終則傾

何可長也

三三  
離下乾上  
同人于野亨利涉大川利君子貞

彖曰同人柔得位得中而應乎乾曰同人

二為同人之主  
同人曰同人于野亨利涉大川乾行

也  
之所以乃能同人也乾之所行故特曰同人  
文明以健中正

而應君子正也

行健不以武而以文明用之相應不以邪而以中正應之君子正也故曰利君子貞

唯君子為能通天下之志

君子以文明為德

象曰天

與火同人

天體於上而火炎上同人之義也

君子以類族辨物

君子小人各得所同

初九同人于門无咎

居同人之始為同人之首者也无應於上

心无係吝通夫大同出門皆同故曰同人于門也出門同人誰與為咎

象曰出門同人又

誰咎也六二同人于宗吝

應在乎五唯同於主過主則否用心偏使鄙吝之道

象曰同人于宗吝道也九三伏戎于莽升

其高陵三歲不興

居同人之際履下卦之極不能包弘上下通夫大同物黨相分欲乖其道

貪於所比據上之應其敵剛健非力所當故伏戎于莽不敢顯亢也升其高陵望不敢進量斯勢也三歲不能興者也三歲不

能興則五道亦以成矣安所行焉

象曰伏戎于莽敵剛也三歲



不興安行也

安辭也

九四乘其墉弗克攻吉

處上攻下力能乘墉者也履非其位以與人爭二自五應三非犯己攻三求二尤而效之違義傷理衆所不與故雖乘墉而不克也不克則反反則得吉也不克乃反其所以得吉困而反則者也

象曰乘其墉義弗

克也其吉則困而反則也九五同人先號

咷而後笑大師克相遇

彖曰柔得位得中而應乎乾曰同人然則體柔居中

衆之所與執剛用直衆所未從故近隔乎二剛未獲厥志是以先號咷也居中處尊戰必克勝故後笑也不能使物自歸而用其強直故必須大師克之然後相遇也

象曰同人之先以中直也大師

相遇言相克也上九同人于郊无悔

郊者外之極也

處同人之時最在於外不獲同志而遠於內爭故雖无悔吝亦未得其志

象曰同人于郊志

未得也

凡處同人而不泰焉則必用師矣不能大通則各私其黨而求利焉楚人亡弓不能云楚愛國愈甚益爲

它災是以同人不弘剛  
健之爻皆至用師也

䷌

乾下  
離上

大有元亨

不大通何由得大有  
乎大有則必元亨矣

彖曰大

有柔得尊位大中而上下應之曰大有

尊處

以柔居中以大體无二陰以分其應  
上下應之靡所不納大有之義也

其德剛健而文明

應乎天而時行是以元亨

德應於天則行不失時  
矣剛健不滯文明不犯

應天則大時行  
无違是以元亨

象曰火在天上大有君子以遏

惡揚善順天休命

大有包容之象也故遏惡揚善初  
成物之美順夫天德休物之命初

九无交害匪咎艱則无咎

以夫剛健為大有之始不  
能履中滿而不溢術斯以

往後害必至其欲  
匪咎艱則无咎也

象曰大有初九无交害也九

二大車以載

任重而不危

有攸往无咎

健不違中為五所任  
任重不危致遠不泥



故可以往而無咎也象曰大車以載積中不敗也九三

公用亨于天子小人弗克處大有之時居下體之極乘剛健之上而履得其位與五同功威權之盛莫此過焉公用斯位象曰公用

乃得通乎天子之道也小人不克害可待也象曰公用

亨于天子小人害也九四匪其彭无咎既失其位

而上近至尊之威下比分權之巨其為懼也可謂危矣唯夫有聖知者乃能免斯咎也三雖至盛五不可含能辯斯數專心承

五常匪其旁則无咎矣旁謂三也象曰匪其彭无咎明辯哲也

明猶才也六五厥孚交如威如吉居尊以柔處大以中无私於物上下應之信以

發志故其孚交如也夫不私於物物亦公焉不疑於物物亦誠焉既公且信何難何備不言而教行何為而不威如為大

有之主而不以此道吉可得乎象曰厥孚交如信以發志也威

如之吉易而无備也上九自天祐之吉无

不利

大有豐富之世也處大有之上而不累於位志尚乎賢者也餘爻皆乘剛而已獨乘柔順也五為信德而已履

焉履信之謂也雖不能體柔而以剛乘柔思順之義也居豐有之世而不以物累其心高尚其志尚賢者也爻有三德盡夫助

道故繫辭具焉

象曰大有上吉自天祐也

三三

艮下坤上

謙亨君子有終彖曰謙亨天道下

濟而光明地道卑而上行天道虧盈而益

謙地道變盈而流謙鬼神害盈而福謙人

道惡盈而好謙謙尊而光卑而不可踰君

子之終也象曰地中有山謙君子以裒多

益寡稱物平施

多者用謙以為寡少者用謙以益益隨物而與施不失平也

初六

謙謙君子用涉大川吉

處謙之下謙之謙者也能體謙謙其唯君子用涉大



難物无害也

象曰謙謙君子卑以自牧也牧養也六三鳴

謙貞吉

鳴者聲名聞之謂也得位居中謙而正焉

象曰鳴謙貞吉中

心得也九三勞謙君子有終吉

處下體之極復得其位上下无

陽以分其民衆陰所宗尊莫先焉居謙之世何可安尊上承下接勞謙匪懈是以吉也

象曰勞謙君

子萬民服也六四无不利撝謙

處三之上而用謙焉則是自上

下下之義也承五而用謙順則是上行之道也盡乎奉上下下之道故无不利指撝皆謙不違則也

象曰无不

利撝謙不違則也六五不富以其鄰利用

侵伐无不利

居於尊位用謙與順故能不富而用其象鄰也以謙順而侵伐所伐皆驕逆也

象

曰利用侵伐征不服也上六鳴謙利用行

師征邑國

最處於外不與內政故有名而已志功未得也處外而履謙順可以征邑國而已

象

三十三

謙

六

象

曰鳴謙志未得也可用行師征邑國也

吉夫

凶悔吝生乎動者也動之所起興於利者也故飲食必有訟訟必有衆起未有居衆人之所惡而爲動者所害與不避之地而爲爭者所奪是以六爻雖有失位无應乘剛而皆无凶咎悔吝者以謙爲主也謙尊而光卑而不可踰信矣哉

三三三

震上

豫利建侯行師彖曰豫剛應而志

行順以動豫豫順以動故天地如之而況

建侯行師乎天地以順動故日月不過而

四時不忒聖人以順動則刑罰清而民服

豫之時義大矣哉象曰雷出地奮豫先王

以作樂崇德殷薦之上帝以配祖考初六

鳴豫凶

慶豫之初而特得志於上樂過則淫志窮則凶豫何可鳴

象曰初六鳴



豫志窮凶也六二介于石不終日貞吉

處豫之時

得位履中安夫貞正不求苟豫者也順不苟從豫不違中是以上交不諂下交不瀆明禍福之所生故不苟說辯必然之理故不改其操介如石焉不終日明矣

象曰不終日貞吉以中正也

六三盱豫悔遲有悔

居下體之極處兩卦之際履非其位承動豫之主若其睢盱而

豫悔亦主焉遲而不從豫之所疾位非所據而以從豫進退離悔宜其然矣

象曰盱豫有悔

位不當也九四由豫大有得勿疑朋盍簪

處豫之時居動之始獨體陽爻眾陰所從莫不由之以得其豫故曰由豫大有得也夫不信於物物亦疑焉故勿疑則朋合疾也盍合也

象曰由豫大有得志大行也六五

貞疾恒不死

四以剛動為豫之主專權執制非己所乘故不敢與四爭權而又居中處尊未可得亡是

以必常至于貞疾恒不死而已

象曰六五貞疾乘剛也恒不死

中未亡也上六冥豫成有渝无咎

處動豫之極極豫盡樂故

至于冥豫成也過豫不已何可長乎故必渝變然後无咎

象曰冥豫在上何可

長也

䷐

震下兌上

隨元亨利貞无咎彖曰隨剛來而

下柔動而說隨大亨貞无咎而天下隨時

隨時之義大矣哉

震剛而兌柔也以剛下柔動而之說乃得隨也為隨而不大通逆於時也

相隨而不為利正災之道也故大通利貞乃得无咎也為隨而

今大通利貞得於時也得時則天下隨之矣隨之所施唯在於

時也時異而不隨否之道也故隨時之義大矣哉象曰澤中有雷隨君子

以嚮晦入宴息

澤中有雷動說之象也物皆說隨可以无為不勞明鑒故君子嚮晦入宴息也

初九官有渝貞吉出門交有功

居隨之始上无其應无所偏係



動能隨時意无所主者也隨不以欲以欲隨宜者也故官有渝變隨不失正也出門无違何所失哉象曰官

有渝從正吉也出門交有功不失也六二

係小子失丈夫陰之爲物以處隨世不能獨立必有係也居隨之時體於柔弱而以乘夫剛動

豈能秉志違於所近隨此失彼弗能兼與五象曰係小子

弗兼與也六三係丈夫失小子隨有求得

利居貞陰之爲物以處隨世不能獨立必有係也雖體下卦

應亦欲於己隨之則得其所求矣故曰隨有求得也應非其正

以係於人何可以妄故利居貞也初處己下四處己上故曰係

大夫失象曰係丈夫志舍下也下謂初也九四隨有

獲貞凶有孚在道以明何咎處說之初下據二

則獲故曰隨有獲也居於臣地履非其位以擅其民失於臣道

者也雖違常義志在濟物心存公誠著信在道以明其功何咎之有象曰隨有獲其義

凶也有孚在道明功也九五孚于嘉吉履正居中

而處隨世盡隨時之宜得物之誠故嘉吉也象曰孚于嘉吉位正中也

上六拘係之乃從維之王用亨于西山隨之為體

陰順陽者也最處上極不從者也隨道已成而特不從故拘係之乃從也率土之濱莫非王臣而為不從王之所討也故維之

王用亨于西山也允為西方山者塗之險隔也處西方而為不從故王用通于西山象曰拘係之

上窮也處于上極故窮也

䷐ 巽下艮上 蠱元亨利涉大川先甲三日後甲

三日彖曰蠱剛上而柔下上剛可以斷制下柔可以施令巽而

止蠱既巽又止不競爭也有事而无競爭之患故可以有為也蠱元亨而天下



治也

有為而大亨非天下治而何也

利涉大川往有事也先甲

三日後甲三日終則有始天行也

待能之時也

可以有為其在此時矣物已說隨則待夫作制以定其事也進德脩業往則亨矣故元亨利涉大川也甲者創制之令也創制不可責之以舊故先之三日後之三日使令洽而後乃誅也因事申令終則復始若天之行用四時也

象曰山下有風蠱君子以振民育德

蠱者有事而待能之時也故君子以

濟民養德也

初六幹父之蠱有子考无咎厲終吉

處事之首始見任者也以柔巽之質幹父之事能承先執堪其任者也故曰有子也任為事首能堪其事考乃无咎也故曰有子考无咎也當事之首是以象曰幹父之蠱意承考危也能堪其事故終吉也

也

幹事之首時有損益不可盡承故意承而已

九二幹母之蠱不可貞

居於內中宜幹母事故曰幹母之蠱也婦人之性難可金正象宜屈已剛既幹且順故曰不可貞也幹不失中得中道也

大百九十

馬安道

九

馬安道

曰幹母之蠱得中道也九三幹父之蠱小

有悔无大咎以剛幹事而无其應故有悔也履得象其位以正幹父雖小有悔終无大咎

曰幹父之蠱終无咎也六四裕父之蠱往

見吝體柔當位幹不以剛而以柔和能裕先事者也然无其應往必不合故曰往見吝象曰裕

父之蠱往未得也六五幹父之蠱用譽以柔

處尊用中而應承先象曰幹父用譽承以德也以柔

處中不任上九不事王侯高尚其事最處事上不累於位不

事王侯高尚其力也象曰不事王侯志可則也

坤上臨元亨利貞至于八月有凶彖曰

臨剛浸而長說而順剛中而應大亨以正



天之道也

陽轉進長陰道日消君子日長小入日憂大亨以正之義

至于八月有

凶消不义也

八月陽衰而陰長小人道長君子道消也故曰有凶

象曰澤上有

地臨君子以教思无窮容保民无疆

相臨之道莫若

說順也不恃威制得物之誠故物无違也是以君子教思无窮容保民无疆也

初九咸臨貞吉

咸感也感應也有應於四感以臨者也四履正位而已應焉志行正者也以剛感順志行其正以斯臨物正而獲吉也

象

曰咸臨貞吉志行正也九二咸臨吉无不

利

有應在五感以臨者也剛勝則柔危而五體柔非能同斯志者也若順於五則剛德不長何由得吉无不利乎全與

相違則失於感應其得咸臨吉无不利必未順命也

象曰咸臨吉无不利未

順命也六三甘臨无攸利既憂之无咎

甘者

使邪說媚不正之名也履非其位居剛長之世而以邪說臨物宜其无攸利也若能盡憂其危改脩其道剛不害王故咎不長

大畜

周易

卷二

十

卷

象曰甘臨位不當也既憂之咎不長也六

四至臨无咎

處順應陽不忌剛長而乃應之復得其位盡其至者也剛勝則柔危柔不失正則得无咎

也象曰至臨无咎位當也六五知臨大君之

宜吉

處於尊位復得其中能納剛以禮用違其正不忌剛長而能任之委物以能而不犯焉則聰明者竭其視聽知

力者盡其謀能不為而成不行而至矣大君之宜如此而已故曰知臨大君之宜吉也

象曰大君之

宜行中之謂也上六躬臨吉无咎

處坤之極以躬而臨者也志在

助賢以躬為德雖在剛長剛不害厚故无咎也

象曰躬臨之吉志在内也

䷋ 坤下

觀盟而不薦有孚顒若

王道之可觀者莫盛乎宗廟宗

廟之可觀者莫盛於盟也至薦簡略不足復觀故觀盟而不觀薦也孔子曰禘自既灌而往者吾不欲觀之矣盡夫觀盛則下

觀而化矣故觀至盥則有孚顒若也

彖曰大觀在上

下賤而上貴也

順而巽中



正以觀天下觀盟而不薦有孚顒若下觀而化也觀天之神道而四時不忒聖人以

神道設教而天下服矣

統說觀之為道不以刑制使物而以觀感化物者也神則

无形者也不見天之使四時而四時不忒不見聖人使百姓而百姓自服也

象曰風行地上觀

先王以省方觀民設教初六童觀小人无

咎君子吝

處於觀時而最遠朝美體於陰柔不能自進无所鑒見故曰童觀趣順而已无所能為小人之

道也故曰小人无咎君子處大觀之時而為童觀不亦鄙乎

象曰初六童觀小人

道也六二闕觀利女貞

處在於內寡所鑒見體於柔弱從順而已猶有應焉不為全蒙

所見者狹故曰闕觀居內得位柔順寡見故曰利女貞婦人之道也處大觀之時居中得位不能大觀廣鑒闕觀而已誠可醜

也象曰闕觀女貞亦可醜也六三觀我生

進退

居下體之極處二卦之際近不比尊遠不童

象曰

觀我生進退未失道也

處進退之時以觀進退之幾未失道也

六四

觀國之光利用賓于王

居觀之時最近至尊觀國之光者也居近得位明習國儀

者也故曰利用賓于王也

象曰觀國之光尚賓也九五觀我

生君子无咎

居於尊位為觀之主宣弘大化光于四表觀之極者也上之化下猶風之靡草故觀民之

俗以察己道百姓有罪在予一人君子風著已乃无咎上為化主將欲自觀乃觀民也

象曰觀我生

觀民也上九觀其生君子无咎

觀我生自觀其道者也觀其生為民

所觀者也不在於位最處上極高尚其志為天下所觀者也處天下所觀之地可不慎乎故君子德見乃得无咎生猶動出也

象曰觀其生志未平也

特處異地為眾所觀不為平易和光流通

周易卷第二

經二千四百七十四字

注四千七百七十四字



周易上經噬嗑傳第三

王弼注

三三

震下離上

噬嗑亨利用獄

噬齧也嗑合也凡物之不親由有間也物之不齊由有過

也有間與過齧而合之所以通也刑克以通獄之利也

彖曰頤中有物曰噬嗑

頤中有物齧而合之噬嗑之義也

噬嗑而亨

有物有間不齧不合无由亨也

剛柔分

動而明雷電合而章

剛柔分動不濶乃明雷電並合不亂乃章皆利用獄之義

柔得中而上行雖不當位利用獄也

謂五也能為齧

合而通必有其主五則是也上行謂所之在進也

象曰雷

電噬嗑先王以明罰勅法初九履校滅趾

无咎

居无位之地以處刑初受刑而非治刑者也凡過之所始必始於微而後至於著罰之所始必始於薄而後至

於誅過輕戮薄故優校滅趾極其行也足懲而已故不重也過而不改乃謂之過小懲大誡乃得其福故无咎也校者以木絞校者也即械也校者取其通名也象曰履校滅趾不行也過止六

二噬膚滅鼻无咎噬齧也齧者刑克之謂也剋中得位所刑者當故曰噬膚也乘剛而

刑未盡順道噬過其分故滅鼻也刑得所疾故雖滅鼻而无咎也膚者柔脆之物也象曰噬膚滅

鼻乘剛也六三噬腊肉遇毒小吝无咎體下極而復非其位以斯食物其物必堅豈唯堅乎將遇其毒噬以

喻刑人腊以喻不服毒以喻怨生然承於四而不乘剛雖失其正刑不侵順故雖

遇毒小吝无咎象曰遇毒位不當也九四噬乾

肺得金矢利艱貞吉雖體陽爻為陰之主復不獲中而居非其位以斯噬物物亦不

服故曰噬乾肺也金剛也矢直也噬乾肺而得剛象曰利直可以利於艱貞之吉未足以盡通理之道也

艱貞吉未光也六五噬乾肉得黃金貞厲



无咎

乾肉堅也黃中也金剛也以陰處陽以柔乘剛以噬於物物亦不服故曰噬乾肉也然處得尊位以柔乘剛而

居於中能行其戮者也履不正而能行其戮剛勝者也噬雖不

服得中而勝故曰噬乾肉得黃金也己雖不正而刑戮得當故

雖貞厲而无咎也象曰貞厲无咎得當也上九何校

滅耳凶

處罰之極惡積不改者也罪非所懲故刑及其首至于滅耳又首非誠滅耳非懲凶莫甚焉

象

曰何校滅耳聰不明也

聰不明故不慮惡積至于不可解也

三三

離上艮下

賁亨小利有攸往彖曰賁亨柔

來而文剛故亨分剛上而文柔故小利有

攸往

剛柔不分文何由生故坤之上六來居二位柔來文剛之義也柔來文剛居位得中是以亨乾之九二分居

上位分剛上而文柔之義也剛上文柔不得中位不若柔來文剛故小利有攸往

天文也

剛柔交錯而成文焉天之

文明以止人文也

止物不以威武而以文明人之文也

觀乎天文

以察時變觀乎人文以化成天下

解天之文則時變可

知也解人之文則化成可為也

象曰山下有火賁君子以明庶

政无敢折獄

賁賁之時止物以文明不可以威刑故君子以明庶政而无敢折獄

初九賁

其趾舍車而徒

在賁之始以剛處下居於无位棄於不義安夫徒步以從其志者也故飾其趾舍車

而徒義弗乘之謂也

象曰舍車而徒義弗乘也六二賁

其須

得其位而无應三亦无應俱无應而比焉近而相得者也須之為物上附者也脩其所履以附於上故曰賁其

也須象曰賁其須與上興也九三賁如濡如永

貞吉

處下體之極居得其位與二相比俱履其正和合相潤以成其文者也既得其飾又得其潤故曰賁如濡如也

永保其貞物莫之陵故曰永貞吉也

象曰永貞之吉終莫之陵也

六四賁如皤如白馬翰如匪寇婚媾

有應在初



而闔於三為己寇難二志相感不獲通亨欲靜則欽初之應欲  
進則懼三之難故或飾或素內懷疑懼也鮮繫其馬翰如以待  
雖履正位未敢果其志也三為剛象曰六四當位疑

也匪寇婚媾終无尤也六五賁于丘園束帛

戔戔吝終吉處得尊位為飾之主飾之盛者也施飾於物其道害也施飾丘園盛莫大焉故賁于

束帛丘園乃落賁于丘園帛乃戔戔用莫過儉泰而能約故必吝焉乃得終吉也象曰六五之吉

有喜也上九白賁无咎處飾之終飾反素故任其質素不勞文飾而无咎也以

白為飾而无憂患得志者也象曰白賁无咎上得志也

三三坤下艮上剥不利有攸往彖曰剥剥也柔變

剛也不利有攸往小人長也順而止之觀象

也君子尚消息盈虛天行也坤順而艮止也所以順而止之不敢

也

以剛止者以觀其形象也強亢激拂觸忤以  
象曰山附於

地剥上以厚下安宅  
厚下者牀不見剥也安宅者物不失處也厚下安宅治剥之道

也初六剥牀以足蔑貞凶  
牀者人之所以安也剥牀以足猶云剥牀之足

也蔑猶削也剥牀之足滅下之道也下  
象曰剥牀以足

以滅下也六二剥牀以辨蔑貞凶  
蔑猶甚極之辭也辨

者足之上也剥道浸長故剥其辨也稍近於牀轉  
象曰剥

牀以辨未有與也六三剥之无咎  
與上為應羣陰剥陽我獨

協焉雖處於  
象曰剥之无咎失上下也  
三上下各有二陰而三獨

應於陽則  
六四剥牀以膚凶  
初二剥牀民所以安未剥其身也至四剥道浸長牀

既剥盡以及人身小人遂盛物  
象曰剥牀以膚切近




災也六五貫魚以宮人寵无不利處剝之時居得尊位為剝

之主者也剝之為害小人得寵以消君子者也若能施寵小人於宮人而已不害於正則所寵雖眾終无尤也貫魚謂此眾陰也聯頭相次象曰以宮人寵終无尤也上九碩

果不食君子得輿小人剥廬輿卦之終獨全不落故果至于碩而不見

食也君子居之則為民覆陰小人用之則剥下所庇也象曰君子得輿民所

載也小人剥廬終不可用也

  
震下坤上復亨出入无疾朋來无咎反復其

道七日來復利有攸往彖曰復亨剛反動

而以順行是以出入无疾入則為反出則剛長故无疾疾猶病也朋

來无咎朋謂陽也反復其道七日來復陽氣始剥盡至來復時凡七日

三十一本  
周易三  
卷之四  
宋文

天行也

以天之行反復不過七日復之不可遠也

利有攸往剛長也

往則小人

道消

復其見天地之心乎

復者反本之謂也天地以本為心者也凡動息則靜

靜非對動者也語息則默默非對語者也然則天地雖大富有萬物雷動風行運化萬變寂然至无是其本矣故動息地中乃

天地之心見也若其以有為心則異類未獲具有矣

象曰雷在地中復先王

以至日閉關商旅不行后不省方

方事也冬至陰之復

也夏至陽之復也故為復則至於寂然大靜先王則天地而行者也動復則靜行復則止事復則无事也

初九不

遠復无祇悔元吉

最處復初始復者也復之不速遂至迷凶不速而復幾悔而反以此

脩身患難遠矣錯之於事其殆庶幾乎故元吉也

象曰不遠之復以脩身

也六二休復吉

得位處中最比於初上无陽爻以疑其親陽為仁行在初之上而附順之下仁

之謂也既處中位親仁善鄰復之休也

象曰休復之吉以下仁也六三



頻復厲无咎

頻頻蹇之貌也處下體之終雖愈於上六之迷已失復遠矣是以蹇也蹇而求復未

至於迷故雖危无咎也復道宜速蹇而乃復義雖无咎它來難保

象曰頻復之厲義

无咎也六四中行獨復

四上下各有二陰而與厥中復得其位而應於初獨復所

復順道而反物莫之犯故曰中行獨復也

象曰中行獨復以從道也六

五躬復无悔

居厚而履中居厚則无怨履中則可以自考雖不足以休復之吉守厚以復悔可

也免象曰躬復无悔中以自考也上六迷復

凶有災眚用行師終有大敗以其國君凶


至于十年不克征

最處復後是迷者也以迷求復故曰迷復也用之行師難用有克也

終必大敗用之於國則反乎君道也大敗乃復量斯勢也雖復十年脩之猶未能征也

象曰迷復之

凶反君道也



震下

无妄元亨利貞其匪正有眚不利

有攸往彖曰无妄剛自外來而為主於內

謂震也

動而健

震動而乾健也

剛中而應

謂五也

大亨以正

天之命也

剛自外來而為主於內動而愈健剛中而應感剛

道成非大亨利貞而何剛自外來而為主於內則柔邪之道消

矣動而愈健則剛直之道通矣剛中而應則齊明之德著矣故

大亨以正也天之教命何可犯乎何可妄其匪正有眚不

利有攸往无妄之往何之矣天命不祐行

矣哉匪正有眚不求改以從正而欲有所往居不可以妄之

象曰天下雷行物與无妄

與辭也猶皆也天

也妄

先王以茂對時育萬物

茂盛也物皆不敢妄然後萬物乃得各全



其性對時育物莫盛於斯也

初九无妄往吉

體剛處下以貴下賤行不化妄故往得其志

象曰无妄之往得志也六二不耕獲不菑

畲則利有攸往

不耕而獲不菑而畲代終已成而不造也不擅其美乃盡巨道故利有攸往

象曰不耕獲未富也六三无妄之災或繫

之牛行人之得邑人之災

以陰居陽行違謙順是无妄之所以為災也牛

者稼穡之資也二以不耕而獲利有攸往而三為不順之行故或繫之牛是有司之所以為獲彼人之所以為災也故曰行人

之得邑人之災也

象曰行人得牛邑人災也九四可

貞无咎

處无妄之時以陽居陰以剛乘柔履於謙順比近至尊故可以任正固有所守而无咎也

曰可貞无咎固有之也九五无妄之疾勿


藥有喜

居得尊位為无妄之主者也下皆无妄害非所致而取藥焉疾之甚也非妄之災勿治自復非

妄而藥之則凶象曰无妄之藥不可試也藥攻有妄者也有妄者不可試也

故曰勿藥有喜而反攻无妄上九无妄行有眚无攸利處不可妄之極

唯宜靜保其身而已故不可以行也象曰无妄之行窮之災也

 乾下艮上 大畜利貞不家食吉利涉大川彖

曰大畜剛健篤實輝光日新其德凡物既厚而退者弱也既榮而墮者薄也夫能輝光日新其德者唯剛健篤實也 剛上而尚賢謂上九也處上而大通剛

來而不距尚賢之謂也能止健大正也健莫過乾而能止之非夫大正求之能也 不家

食吉養賢也利涉大川應乎天也有大畜之實以之養

賢令賢者不家食乃吉也尚賢制健大正應天不憂險難故利涉大川也象曰天在山中大

畜君子以多識前言往行以畜其德物之可畜於懷

畜君子以多識前言往行以畜其德



今德不散  
盡於此也  
初九有厲利已  
四乃畜已未可犯也故  
象

曰有厲利已不犯災也  
處健之始未果其  
九二輿

說輶  
五處畜盛未可犯也過斯而進故輿說輶也居得其中

象曰輿說輶中无尤也九三良馬逐利艱

貞曰閑輿衛利有攸往  
凡物極則反故畜極則通

可以升至於九三升于上九而上九處天衢之亨塗徑大通進

无遠距可以馳騁故曰良馬逐也履當其位進得其時之乎通

路不憂險厄故利艱貞也閑閑也衛護也進得其時雖涉艱

難而无患也輿雖遇閑而故衛也與上合志故利有攸往也

象曰利有攸往上合志也六四童牛之牯

元吉  
處艮之始履得其位能止健初距不以角柔以止剛剛

不敢犯抑銳之始以息強爭豈唯獨利乃將有喜也

象曰六四元吉有喜也六五豮豕之牙吉

豕牙橫猾剛暴難制之物謂二也五處得尊位為畜之主二剛而進能積其牙豕豕能制健禁暴抑盛豈唯能固其位乃將有慶也

象曰六五之吉有慶也上九何天之衢

亨處畜之極畜極則通大畜以至於大亨之時何辭也猶云何畜乃天之衢亨也象曰何天

之衢道大行也

䷇震上艮下頤貞吉觀頤自求口實彖曰頤貞

吉養正則吉也觀頤觀其所養也自求口

實觀其自養也天地養萬物聖人養賢以

及萬民頤之時大矣哉象曰山下有雷頤

君子以慎言語節飲食言語飲食猶慎而節之而況其餘乎初九

舍爾靈龜觀我朵頤凶朵頤者爵也以陽處下而為動始不能令物由已養



動而求養者也夫安身莫若不競脩己莫若自保守道則福至求祿則辱來居養賢之世不能貞其所履以全其德而舍其靈龜之明兆美我朵頤而躁求離其致養之至道闕我寵祿而競進凶莫甚焉

亦不足貴也六二顛頤拂經于丘頤征凶

養下曰顛拂違也經猶義也丘所履之常也處下體之中无應於上反而養初居下不奉上而反養下故曰顛頤拂經于丘也

以此而養未見其福也以此而行未見有與故曰頤征凶象曰六二征凶行失類也

類皆上養而二處下養初六三拂頤貞凶十年勿用无攸利

發夫不正以養於上納上以諂者也拂養正之義故曰拂頤象貞凶也處頤而爲此行十年見棄者也立行於斯无施而利

曰十年勿用道大悖也六四顛頤吉虎視

眈眈其欲逐逐无咎

體屬上體居得其位而應於初以上養下得頤之義故曰顛頤吉也下交不可以濟故虎視眈眈威而不猛不惡而嚴養德施賢何可有利故其欲逐逐尚躬實也備此二者然後乃得全其

吉而无咎觀其自養則履正察其象曰顛頤之吉上所養則養陽頤父之貴斯為盛矣

施光也六五拂經居貞吉不可涉大川以陰居陽

拂頤之義也行則失類故宜居貞也無應於下而比於上故可守貞從上得頤之吉雖得居貞之吉與頤違謙難未可涉也

象曰居貞之吉順以從上也上九由頤厲

吉利涉大川以陽處上而履四陰陰不能獨為主必宗於陽也故莫不由之以得其養故曰由頤為衆

陰之主不可瀆也故厲乃吉有似家人悔厲之義貴而無位是以厲也高而有民是以吉也為養之主物莫之違故利涉

大川象曰由頤厲吉大有慶也

䷚ 大過音相過棟撓利有攸往亨彖曰

大過大者過也大者乃棟撓本末弱也初為本

也剛過而中謂二也居陰過也處二中巽而說行巽也極弱與衰不失其中也



說行以此救  
難難乃濟也

利有攸往乃亨

危而弗持則將  
安用故往乃亨

大過之

時大矣哉

是君子有  
為之時

象曰澤滅木大過君子

以獨立不懼遯世无悶

此所以為大過  
非凡所及也

初六藉

用白茅无咎

以柔處下過而可  
以无咎其唯慎乎

象曰藉用白茅

柔在下也九二枯楊生稊老夫得其女妻

无不利

稊者楊之秀也以陽處陰能過其本而救其弱者  
也上无其應心无特吝處過以此无衰不濟也故

能令枯楊更生稊老夫更得少妻拯弱興衰莫盛斯爻故无不  
利也老過則枯少過則稚以老分少則稚者長以稚分老則枯

者禁過以相與之謂也大過至衰而  
己至壯以至壯輔至衰應斯義也

象曰老夫女妻過

以相與也九三棟桡凶

居大過之時處下體之極不  
能救危拯弱以隆其棟而以

陽處陽自守所居又應於上係  
心在下宜其淹溺而凶衰也

象曰棟桡之凶不可

九三九三

周易三

卷之九

九

九

以有輔也九四棟隆吉有它吝

體屬上體以陽與陰能拯其弱

不為下所撓者也故棟隆吉也而應在初用心不弘故有它吝也

象曰棟隆之吉不撓

乎下也九五枯楊生華老婦得其士夫无

咎无譽

處得尊位而以陽處陽未能極危處得尊位亦未有撓故能生華不能生穉能得夫不能得妻處棟

撓之世而為无咎无譽何可長哉故生華不可久士夫誠可醜也

象曰枯楊生華何

可久也老婦士夫亦可醜也上六過涉滅

頂凶无咎

處大過之極過之甚也涉難過甚故至于滅頂凶志在殺時故不可咎也

象曰

過涉之凶不可咎也

雖凶无咎不害義也



坎上坎下

習坎

坎陰陷之名也習謂便習之

有孚維心亨

剛正在內有孚

者也陽不外發而

行有尚

內亨外闔內剛外順以此行險行有尚也

彖曰習



坎重險也

坎以險為用故特名曰重險言習坎者習乎重險也

水流而不盈

行險而不失其信

險陷之極故水流而不能盈也處至險而不失剛中行險而不失其

信者習險之謂也

維心亨乃以剛中也行有尚往有

功也

便習於坎而之坎地盡坎之宜故往必有功也

天險不可升也

不可得升故得

保其尊地險山川丘陵也

有山川丘陵故物得以保全也

王公設險

以守其國

國之為衛恃於險也言自天地以下莫不須險也

險之時用大

矣哉

非用之常

象曰水洊至習坎

重險縣絕故水洊至也不以坎

為隔絕相仍而

君子以常德行習教事

至險未夷教不可廢

故以常德行而習教事也習於坎然後乃能不以險難為

初

六習坎入于坎窞凶

習坎者習為險難之事也最處坎底入坎窞者也處重險而復

入坎底其道凶也行險而不能自濟習坎而入坎窞

象曰

習坎入坎失道凶也九二坎有險求小得

履失其位故曰坎上無應援故曰有險坎而有險未能出險之中也處中而與初三相得故可以求小得也初三未足以為援故曰小象曰求小得未出中也六三來之坎

坎險且枕入于坎窞勿用

既履非其位而又處兩坎之間出則之坎居則

亦坎故曰來之坎坎也枕者枝而不安之謂也出則無之象

曰來之坎坎終无功也六四樽酒簋贰用

缶納約自牖終无咎

處重險而履正以柔居柔履得其位以承於五亦得位剛柔

各得其所不相犯位皆无餘應以相承比明信顯著不存外飾處坎以斯雖復一樽之酒二簋之食瓦缶之器納此至約自進於牖乃可羞之於王公薦象曰樽酒簋贰剛柔際之於宗廟故終无咎也



也剛柔相比而相親焉際之謂也九五坎不盈祇既平无咎為坎之主而無

應輔可以自佐未能盈坎者也坎之不盈則險不盡矣祇辭也為坎之主盡平乃无咎故曰祇既平无咎也說既平乃无咎明

九五未免於咎也象曰坎不盈中未大也上六係用徽

纆寘于叢棘三歲不得凶險陷之極不可升也嚴法峻整難可犯也宜其

囚執寘于思過之地三歲險道之夷也險終乃反故三歲不得自脩三歲乃可以求復故曰三歲不得凶也象曰

上六失道凶三歲也

三三離下離上離利貞亨離之為卦以柔為正故必貞而後乃亨故曰利貞亨也畜

牝牛吉柔處于內而履正中牝之善也外強而內順牛之善也離之為體以柔順為主者也故不可以畜剛

猛之物而吉於畜牝牛也彖曰離麗也麗猶著也各得所著之宜日月麗乎

天百穀草木麗乎土重明以麗乎正乃化

大百今文  
周易卷三  
上  
傳

成天下柔麗乎中正故亨是以畜牝牛吉

也柔著于中正乃得通也柔通之吉極於畜牝牛不能及剛猛也象曰明兩作離大

人以繼明照于四方繼謂不絕也明照相繼不絕曠也初九履錯

然敬之无咎錯然者警慎之貌也處離之始將進而盛未

象曰履錯之敬以辟咎也六二黃離元吉

居中得位以柔處柔履文明之盛而得其中故曰黃離元吉也象曰黃離元吉得中

道也九三日昃之離不鼓缶而歌則大耋

之嗟凶嗟憂歎之辭也處下離之終明在將沒故曰日昃之離也明在將終若不委之於人養志无為則至于耋

老有嗟凶矣故曰不鼓缶而歌則大耋之嗟凶也象曰日昃之離何可久

也九四突如其來如焚如死如棄如處於明道始變



之際昏而始曉沒而始出故曰突如其來如其明始進其炎始盛故曰焚如逼近至尊履非其位欲進其盛以炎其上命必不終故曰死如遺離之義無應象曰突如其來如无

所容也六五出涕沱若戚嗟若吉

履非其位不勝所履以柔

乘剛不能制下下剛而進將來害已憂傷之深至于沱嗟也然所履在尊四為逆首憂傷至深衆之所助故乃沱嗟而獲吉也

象曰六五之吉離王公也上九王用出征

有嘉折首獲匪其醜无咎

離麗也各得安其所麗謂之離處離之極離道

已成則除其非類以去民害王用出征之時也故必有嘉折首獲匪其醜乃得无咎也

象曰王用出

征以正邦也

周易卷第三

經一千九百七十五字  
注四千六百九十四字



周易下經咸傳第四

王弼注



艮下兌上

咸亨利貞取女吉彖曰咸感也柔

上而剛下二氣感應以相與

是以

止而說利故

貞也男下女

取女吉也

是以亨利貞取女吉也天地

感而萬物化生

二氣相與乃化生也

聖人感人心而天下

和平觀其所感而天地萬物之情可見矣

天地萬物之情見於所感也凡感之為道不能感非類者也故引取女以明同類之義也同類而不相感應以其各亢所處也

故女雖應男之物必下之而後取女乃吉也

象曰山上有澤咸君子以

虛受人

以虛受人物乃感應

初六咸其拇

處咸之初為感之始所感在未故有

志而已如其本實未至傷靜

象曰咸其拇志在外也

四屬外卦

六二

咸其腓凶居吉

咸道轉進離拇外腓腓體動躁者也感物以躁凶之道也由躁故凶居則吉矣

處不乘剛故可

象曰雖凶居吉順不害也

陰而為居順之

道也不躁而居順不害也

九三咸其股執其隨往吝

股之為物隨足者也

進不能制動退不能靜處所感在股志在隨人者也志在隨人所執亦以賤矣用斯以往吝其宜也

象曰咸

其股亦不處也志在隨人所執下也九四

貞吉悔亡憧憧往來朋從爾思

處上卦之初應下卦之始居體

之中在股之上二體始相交感以通其志心神始感者也凡物始感而不以之於正則至於害故必貞然後乃吉吉然後乃得亡其悔也始在於感未盡感極不能至於无思以得其黨故有憧憧往來然後朋從其思也

象曰貞吉

悔亡未感害也

未感於害故可

憧憧往來未光

正之得悔亡也



大也九五咸其脢无悔

脢者心之上口之下進不能大感退亦不為无志其

志淺末故无悔而已

象曰咸其脢志末也上六咸其輔

頰舌

咸道轉末故在口舌言語而已

象曰咸其輔頰舌滕口說

也

輔頰舌者所以為語之具也咸其輔頰舌則滕口說也

䷧

巽下震上

恒亨无咎利貞

恒而亨以濟三事也恒之為道亨乃无咎也恒通无

咎乃利正也

利有攸往

各得所恒脩其常道終則有始往而无違故利有攸往也

彖曰恒

久也剛上而柔下

剛尊柔卑得其序也

雷風相與

長陽長陰能相

成巽而動

動无達也

剛柔皆應

不孤

恒

皆可久之道

恒亨

无咎利貞久於其道也

道得所久則常通无咎而利正也天地

之道恒久而不已也

得其所久故不已也

利有攸往終則

有始也

得其常道故終則復始往无窮極

日月得天而能久照四

時變化而能久成聖人久於其道而天下

化成

言各得其所恒故皆能長久

觀其所恒而天地萬物之

情可見矣

天地萬物之情見於所恒也

象曰雷風恒

長陽長陰合而相與

初六浚恒

可久之道也

君子以立不易方

得其所久故不易也

初六浚恒

貞凶无攸利

處恒之初最處卦底始求深者也求深窮底令物无餘縕漸以至此物猶不堪而況始求

深者乎以此為恒凶正害德无施而利也

象曰浚恒之凶始求深也九

二悔亡

雖失其位恒位於中可以消悔也

象曰九二悔亡能久中

也九三不恒其德或承之羞貞吝

處三陽之中居下體

之上處上體之下上不全尊下不全卑中不在體體在乎恒而分无所定无恒者也德行无恒自相違錯不可致詰故或承之



羞也施德於斯物莫之納 象曰不恒其德无所容

也九四田无禽 恒於非位雖 象曰久非其位

安得禽也六五恒其德貞婦人吉夫子凶

居得尊位為恒之主不能制義而係應在上 象曰婦人

貞吉從一而終也夫子制義從婦凶也上

六振恒凶 夫靜為躁君安為動主故安者上之所處也靜

无施而 象曰振恒在上大无功也

三三 艮下 遯亨小利貞彖曰遯亨遯而亨也

遯之為義 剛當位而應與時行也 謂五也剛當位而

否亢能與 小利貞浸而長也 陰道欲浸而長正道亦

時行也 未全滅故小利貞也

遯之時義大矣哉象曰天下有山遯天下有山陰長

之象君子以遠小人而不惡而嚴初六遯尾厲

勿用有攸往遯之為義辟內而之外者也尾之為物最在體後者也處遯之時不往何災而為遯尾禍

所及也危至而後求行難可免乎厲則勿用有攸往也象曰遯尾之厲不往何

災也六二執之用黃牛之革莫之勝說居內處中

為遯之主物皆遯已何以固之若能執乎理中厚順之道以固之也則莫之勝解象曰執用黃

牛固志也九三係遯有疾厲畜臣妾吉在內

近二以陽附陰宜遯而係故曰係遯遯之為義宜遠小人以陽附陰係於所在不能遠害亦已憊矣宜其屈辱而危厲也係於

所在畜臣妾可也施於大事凶之道也象曰係遯之厲有疾憊也畜

臣妾吉不可大事也九四好遯君子吉小



人否

處於外而有應於內君子好遯故能舍之小人繫戀是以否也

象曰君子好遯

小人否也

音臧否之否

九五嘉遯貞吉

遯而得正反制於內小人應命

率正其志不惡而嚴得正之吉遯之嘉也

象曰嘉遯貞吉以正志也

上九肥遯无不利

最處外極无應於內超然絕志心无疑顧憂患不能累增纖不能及

是以肥遯无不利也

象曰肥遯无不利无所疑也

䷗

乾下震上

大壯利貞彖曰大壯大者壯也

大者謂陽

爻小道將滅大者獲正故利貞也

剛以動故壯大壯利貞大者

正也正大而天地之情可見矣

天地之情正大而已矣弘正極大則天地

之情可見矣

象曰雷在天上大壯

剛以動也

君子以非禮

弗履

壯而違禮則凶則失壯也故君子以大壯而順禮也

初九壯于趾征凶

大壯九

同力曰

冬月

四

保

有孚

夫得大壯者必能自終成也未有陵犯於物而得終其壯者在下而壯故曰壯于趾也居下而用剛壯以斯而

進窮凶可必也故曰征凶有孚

象曰壯于趾其孚窮也

言其信窮九

二貞吉

居得中位以陽居陰履謙不亢是以貞吉

象曰九二貞吉以中

也九三小人用壯君子用罔貞厲羝羊觸

藩羸其角

處健之極以陽處陽用其壯者也故小人用之以為壯君子用之以為羅已者也貞厲以壯雖

復羝羊以之觸藩能無羸乎

象曰小人用壯君子罔也九四

貞吉悔亡藩決不羸壯于大輿之輹

下剛而進將有

憂虞而以陽處陰行不違謙不失其壯故得貞吉而悔亡也已得其壯而上陰不罔已路故藩決不羸也壯于大輿之輹无有

能說其輹者可以往也

象曰藩決不羸尚往也六五喪

羊于易无悔

居於大壯以陽處陽猶不免咎而況以陰處陽以柔乘剛者乎羊壯也必喪其羊失



其所居也能喪壯于易不于險難故得无悔二履貞吉能幹其任而已委焉則得无悔委之則難不至居之則敵寇來故曰喪

羊于

象曰喪羊于易位不當也上六羝羊觸

藩不能退不能遂无攸利艱則吉

有應於三故不能退

懼於剛長故不能遂持疑猶豫志无所定以斯決事未見所利雖處剛長剛不害正苟定其分固志在一以斯自處則憂患消亡故曰艱則吉也象曰不能退不能遂不詳也艱則

吉咎不長也

䷢

坤下離上

晉康侯用錫馬蕃庶晝日三接

彖曰晉進也明出地上順而麗乎大明柔進

而上行

凡言上行者所之在貴也

是以康侯用錫馬蕃庶晝

日三接也

康美之名也順以著明臣之道也柔進而上行物所與也故得錫馬而蕃庶以訟受服則終朝

六五

晉

康侯

用

錫

馬

蕃

庶

晝

日

三

接

彖

三禱采進受寵  
則一晝三接也

象曰明出地上晉君子以自昭

明德

以順著明  
自顯之道

初六晉如摧如貞吉罔孚裕

无咎

失其正故曰罔孚方踐卦始未至履位以此  
象曰晉如摧

未之言故曰罔孚方踐卦始未至履位以此  
為足自喪其長者也故必裕之然後无咎

象曰晉如摧

如獨行正也裕无咎未受命也

未得履位  
未受命也

六

二晉如愁如貞吉受茲介福于其王母

進而  
无應

其德不昭故曰晉如愁如居中得位履順而正不以无應而回  
其志憂晦能致其誠者也脩德以斯聞乎幽昧得正之吉也故

曰貞吉母者處內而成德者也鳴鶴在陰則其子和之立誠於  
閭閻亦應之故其初愁如履貞不回則乃受茲大福于其王母

也  
象曰受茲介福以中正也六三衆允悔

亡

處非其位悔也志在上行與眾  
同信順而麗明故得悔亡也

象曰衆允之志上



行也九四晉如鼫鼠貞厲

履非其位上承於五下據三陰履非其位

又負且乘无業可安志无所據以斯為進正之危也進如鼫鼠无所守也

象曰鼫鼠貞厲

位不當也六五悔亡失得勿恤往吉无不利

柔得尊位陰為明主能不用察不代下任也故雖不當象位能消其悔失得勿恤各有其司術斯以往无不利也

曰失得勿恤往有慶也上九晉其角維用

伐邑厲吉无咎貞吝

處進之極過明之中明將夷焉已在乎角而猶進之非亢如何

失夫道化无為之事必須攻伐然後服邑危乃得吉吉乃无咎用斯為正亦以賤矣

象曰維用伐

邑道未光也

䷥

離下坤上

明夷利艱貞彖曰明入地中明夷

內文明而外柔順以蒙大難文王以之利

本義

同易

卷六

六

易

艱貞晦其明也內難而能正其志箕子以

之象曰明入地中明夷君子以莅衆莅衆顯明蔽偽

百姓者也故以蒙養正以明夷莅衆用晦而明藏明於內乃得明也顯明於外乃所辟也初九

明夷于飛垂其翼君子于行三日不食有

攸往主人有言明夷之主在於上六上六為至闇者也初處卦之始最遠於難也遠難過甚明

夷遠邈絕跡匿形不由軌路故曰明夷于飛懷懼而行行不敢顯故曰垂其翼也尚義而行故曰君子于行也志急於行行飢不

遑食故曰三日不食也殊類過甚以斯象曰君子于行

義不食也六二明夷夷于左股用拯馬壯

吉夷于左股示行不能壯也以柔居中用夷其明進不殊類退不近難不見疑憚順以則也故可用拯馬而壯吉也不

垂其翼然後乃免也象曰六二之吉順以則也順之以則九



三  
明夷于南狩得其大首不可疾貞

處下體之上居

文明之極上為至晦入地之物也故夷其明以獲南狩得大首也南狩者發其明也既誅其主將正其民之迷也其日固已久矣化宜以漸不可疾貞

六四入于左腹獲明夷之心于出門庭

左者取其

順也入于左腹得其心意故雖近不象曰入于左腹獲

心意也六五箕子之明夷利貞

最近於晦與難為比險莫如茲

而在斯中猶闇不能沒明不可息正不憂危故利貞也

象曰箕子之貞明不可

息也上六不明晦初登于天後入于地

處明夷之

極是至晦者也本其初也在乎光照轉至於晦遂入于地

象曰初登于天照四國

也後入于地失則也



離下

家人利女貞

家人之義各自脩一家之道不能知家外他人之事也統而論

之非元亨利君子之貞故利女貞其正在家內而已

彖曰家人女正位乎內

謂二也

男正位乎外

謂五也家人之義以內為本故先說女也

男女正天

地之大義也家人有嚴君焉父母之謂也

父父子子兄兄弟弟夫夫婦婦而家道正

正家而天下定矣象曰風自火出家人

以相成熾也

君子以言有物而行有恒

家人之道脩於近小而不妄也

故君子以言必有物而口无擇言行必有恒而身无擇行

初九閑有家悔亡

凡教在初而法

在始家清而後嚴之志變而後治之則悔矣處家人之初為家人之始故宜必以閑有家然後悔亡也

象曰閑

有家志未變也六二无攸遂在中饋貞吉



居內處中履得其位以陰應陽盡婦人之正義象曰六二无所必遂職乎中饋巽順而已是以貞吉也

之吉順以巽也九三家人嗃嗃悔厲吉婦

子嘻嘻終吝以陽處陽剛嚴者也處下體之極為一家之長者也行與其慢寧過乎恭家與其瀆

寧過乎嚴是以家人雖嗃嗃悔厲猶得其道婦子嘻嘻乃失其節也象曰家人嗃嗃未

失也婦子嘻嘻失家節也六四富家大吉

能以其富順而處位故大吉也若但能富其家何足為大象

吉體柔居巽履得其位明於家道以近至尊能富其家也曰富家大吉順在位也九五王假有家勿

恤吉假至也履正而應處尊體巽王至斯道以有其家者也居於尊位而明於家道則下莫不化矣父父子子兄

弟弟夫夫婦婦六親和睦交相愛樂而家道正象曰王假

有家交相愛也上九有孚威如終吉處家人之終居

大有六五

家道之成刑于寡妻以著于外者也故曰有孚凡物以猛為本者則患在寡恩以愛為本者則患在寡威故家人之道尚威嚴也家道可終唯信與威身得威敬人亦如之反之於身則知施於人也

象曰威如之吉反

身之謂也

三三離上睽小事吉彖曰睽火動而上澤動

而下二女同居其志不同行說而麗乎明

柔進而上行得中而應乎剛是以小事吉

事皆相違害之道也何由得小事吉以此三德也天地睽而其事同也男女

睽而其志通也萬物睽而其事類也睽之

時用大矣哉睽離之時非小人之所能用也象曰上火下澤睽

君子以同而異同於通理異於職事初九悔亡喪馬勿



逐自復見惡人无咎

處睽之初居下體之下无應獨立悔也與四合志故得悔三馬

者必顯之物處物之始乖而喪其馬物莫能同其私必相顯也故勿逐而自復也時方乖離而位乎窮下上无應可援下无權可恃顯德自異為惡所害故見惡人乃得免咎也

象曰見惡人以辟咎也

九二遇主于巷无咎

處睽失位將无所安然五亦失位俱求其黨出門同趣不期而

遇故曰遇主于巷也處睽得援雖失其位未失道也

象曰遇主于巷未失道

也六三見輿曳其牛掣其天人且劓无初

有終

凡物近而不相得則凶處睽之時履非其位以陰居陽以柔乘剛志在於上而不和於四二應於五則近而不

相比故見輿曳輿曳者履非其位失所載也其牛掣者帶陽所在不獲進也其人天且劓者四從上取二從下取而應在上九執志不回初雖受困終獲剛助

象曰見輿曳位不當也无初有

終遇剛也九四睽孤遇元夫交孚厲无咎

大百四十五

睽睽

九

不妄上

无應獨處五自應二三與己睽故曰睽孤也初亦无應特立處睽之時俱在獨立同處體下同志者也而已失位比於三五皆與己乖處无所安故求其疇類而自託焉故曰遇元夫也同志相得而无疑焉故曰交孚也雖在乖隔志故得行故雖危无咎

象曰交孚无咎志行也六五悔亡厥宗噬

膚往何咎

非位悔也有應故亡厥宗謂二也噬膚者齧柔也三雖比二二之所噬非妨已應者也以斯而

往何咎之有往必合也

象曰厥宗噬膚往有慶也上九睽

孤見豕負塗載鬼一車先張之弧後說之

弧匪寇婚媾往遇雨則吉

處睽之極睽道未通故曰睽孤已居炎極三處

澤盛睽之極也以文明之極而觀至微之物睽之甚也豕而負塗織莫過焉至睽將合至殊將通悵詭譎怪道將為一未至於治先見殊怪故見豕負塗其可織也見鬼盈車吁可怪也先張之弧將攻害也後說之弧睽怪通也四刺其應故為寇也睽志將通匪寇婚媾往不失時睽疑亡也貴象曰遇雨之吉於遇雨和陰陽也陰陽既和羣疑亡也



羣疑亡也

䷋

艮下坎上

蹇利西南不利東北

西南地也東北山也以難之平則難解以

難之山

利見大人

往則濟也

貞吉

爻皆當位各履其正居難履正正邦之道也正道未

否難由正濟故貞吉也

彖曰蹇難也險在前也見

險而能止知矣哉蹇利西南往得中也不

利東北其道窮也利見大人往有功也當

位貞吉以正邦也蹇之時用大矣哉

蹇難之時非小

人之所

象曰山上有水蹇

山上有水蹇難之象

君子以反身

脩德

險難莫若反身脩德

初六往蹇來譽

處難之始居止之初獨見前識觀險而止

以待其時知矣哉故

象曰往蹇來譽宜待也六二

小三

月

天

王臣蹇蹇匪躬之故

處難之時履當其位居不失中以應於五不以五在難中

私身遠害執心不回志匡王室者也故曰王臣蹇蹇匪躬之故履中行義以存其上處蹇以此未見其尤也

象

曰王臣蹇蹇終无尤也九三往蹇來反

則進

入險來則得位故曰往蹇來反為下卦之主是內之所恃也

象曰往蹇來反內喜

之也六四往蹇來連

往則无應來則乘剛往來皆難故曰往蹇來連得位履正當其

本實雖遇於難非妄所招也

象曰往蹇來連當位實也九五

大蹇朋來

處難之時獨在險中難之大者也故曰大蹇然居不失正履不失中執德之長不改其節如此

則同志者集而至矣故曰朋來也

象曰大蹇朋來以中節也上

六往蹇來碩吉利見大人

往則長難來則難終難終則衆難皆濟志大得

矣故曰往蹇來碩吉利見大人也

象曰往蹇來碩志在



內也有應在內往則失之利見大人以從貴也

䷧坎下震上解利西南西南眾也解難濟險利施於眾也亦不困于東北故不言不利東北

也无所往其來復吉有攸往夙吉未善於解難而迷

於處安也解之為義解難而濟厄者也无難可往以解來復則不失中有難而往則以速為吉也无難則能復其中有難則能

濟其厄也彖曰解險以動動而免乎險解動乎險外故謂

之免免險則解故謂之解解利西南往得眾也其來復吉

乃得中也有攸往夙吉往有功也天地解

而雷雨作雷雨作而百果草木皆甲坼地天

否結則雷雨不作交通感散雷雨乃作也雷雨之解之時大

矣哉无所而不釋也難解之時非治難時故不言用體盡於解之名无有幽隱故不曰義象曰雷

雨作解君子以赦過宥罪初六无咎

解者解也屯難

盤結於是乎解也處蹇難始解之初在剛柔始散之際將赦罪厄以夷其險處此之時不煩於位而无咎也

剛柔之際義无咎也

或有過咎非其理也義猶理也

九二田獲

三狐得黃矢貞吉

狐者隱伏之物也剛中而應為五所住處於險中知險之情以斯解物能

獲隱伏也故曰田獲三狐也黃理中之稱也矢直也田而獲三

狐得手理中之道不失枉直之實能全其正者也故曰田獲三

貞吉也象曰九二貞吉得中道也六三負

且乘致寇至貞吝

處非其位履非其正以附於四用夫柔邪以自媚者也乘二負四以容其

身寇之來也自己所致象曰負且乘亦可醜也自

我致戎又誰咎也九四解而拇朋至斯孚

失位不正而比於三故三得附之為其拇也三為之拇則失初之應故解其拇然後朋至而信矣象曰解而



拇未當位也六五君子維有解吉有孚于


小人居尊履中而應乎剛可以有解而獲吉矣以君子之道解難釋險小人雖聞猶知服之而无怨矣故曰有孚于

也小人象曰君子有解小人退也上六公用射

隼于高墉之上獲之无不利初為四應二為五應三不應上失位負乘

處下體之上故曰高墉墉非隼之所處高非三之所履上六居動之上為解之極將解荒悖而除穢亂者也故用射之極而後

動成而後舉故必獲之而无不利也象曰公用射隼以解悖也

  
先下 艮上損有孚元吉无咎可貞利有攸往

曷之用二簋可用享彖曰損損下益上其

道上行艮為陽兌為陰凡陰順於陽者也陽止於上陰說而順損下益上上行之義也損而有

孚元吉无咎可貞利有攸往損之為道損下益上損剛益柔也損下益

大五十二  
卷之五  
損

上非補不足也損剛益柔非長君子之道也為損而可以獲吉其唯有孚乎損而有孚則元吉无咎而可正利有攸往矣損剛益柔不以消剛損下益上不以盈上損剛而不為邪益上而不為諂則何咎而可正雖不能拯濟大難以斯有往物无距也

易之用言何用豐為也二簋可用享二簋質薄之器也行損以

信雖二簋而可用享二簋應有時至約之道不可常也損剛益柔有

時下不敢剛貴於上行損剛益柔之謂也剛為德長損之不可以為常也損益盈虛與

時偕行自然之質各定其分短者不為不足長者不為有餘損益將何加焉非道之常故必與時偕行也

象曰山下有澤損山下有澤損之象也君子以懲忿窒

欲可損之善莫善忿欲也初九已事遄往无咎酌損之

損之為道損下益上損剛益柔以應其時者也居於下極損剛奉柔則不可以逸處損之始則不可以盈事已則往

不敢宴安乃復无咎也剛以奉柔雖免乎咎猶未親也故既獲无咎復自酌損乃得合志也遄速也象曰



已事遄往尚合志也尚合於志故遄往也九二利貞征凶弗

損益之柔不可全益剛不可全削下不可以无正初九已損剛以順柔九二履中而復損己以益柔則利道成焉

故不可過往而利貞也進之乎柔則凶矣故曰征凶也故九二不損而務益以中為志也象曰九二利

貞中以為志也六三三人行則損一人一人

行則得其友損之為道損下益上其道上行三人謂自六三已上三陰也三陰並行以承於上則

上失其友內无其主名之曰益其實乃損故天地相應乃得化溥男女匹配乃得化生陰陽不對生可得乎故六三獨行乃得

其友三陰俱行則必疑也象曰一人行三則疑也六四損其

疾使遄有喜无咎履得其位以柔納剛能損其疾也疾何可久故遄乃有喜損疾

以離其咎有喜乃免故使遄乃有喜有喜乃无咎也象曰損其疾亦可喜也

六五或益之十朋之龜弗克違元吉以柔居尊而為

損道江海處下百谷歸之履尊以損則或益之矣朋黨也龜者  
 決疑之物也陰非先唱柔非自任尊以自居損以守之故人用  
 其力事竭其功知者慮能明者慮策弗能違也則眾才  
 之用盡矣獲益而得十朋之龜足以盡天人之助也 象曰

六五元吉自上祐也上九弗損益之无咎

貞吉利有攸往得臣无家 處損之終上无所奉損終反益剛德不損乃反

益之而不憂於咎用正而吉不制於柔剛德遂長故曰弗損益之无咎貞吉利有攸往也居上乘柔處損之極尚夫剛德為物所歸故曰得臣得臣則天下為一故无家也 象曰弗損益之大得志也

䷩ 震下巽上 益利有攸往利涉大川彖曰益損

上益下民說无疆 震陽也巽陰也巽非違震者也處上而巽不違於下損上益下之謂

也 自上下下其道大光利有攸往中正有慶

五處中正自上下下故有慶也以中正有慶之德有攸往也何適而不利哉 利涉大川木



道乃行

木者以涉大川為常而不溺者也以益涉難同乎木也

益動而巽曰

進无疆天施地生其益无方

損上益下

凡益之道

與時偕行

益之為用施未足也滿而益之害之道也故凡益之道與時偕行也

象曰風雷

益君子以見善則遷有過則改

遷善改過益莫大焉

初

九利用為大作元吉无咎

處益之初居動之始體夫剛德以益其事而之

乎巽以斯大作必獲大功夫居下非厚事之地在卑非任重之處大作非小功所濟故元吉乃得无咎也

象曰元

吉无咎下不厚事也

時可以大作而下不可以厚事得其時而无其處故元吉乃得

无咎也

六二或益之十朋之龜弗克違永貞吉

王用享于帝吉

以柔居中而得其位處內履中居益以冲益自外來不召自至不先不為則明

龜獻策同於損卦六五之位位不當尊故吉在永貞也帝者生物之主興益之宗出震而齊巽者也六二居益之中體柔當位

而應於巽享帝之美在此時也象曰或益之自外來也六三益

之用凶事无咎有孚中行告公用圭以陰居陽求益

者也故曰益之益不外來己自為之物所不與故在謙則戮救凶則免以陰居陽處下卦之上壯之甚也用救衰危物所持也

故用凶事乃得无咎也若能益不為私志在救難壯不至亢不失中行以此告公國主所任也用圭之禮備此道矣故曰有孚

中行告公用圭也公者臣之極也凡事足以施天下則稱王次天下之大者則稱公六三之才不足以告王足以告公而得用

圭也故曰中行象曰益用凶事固有之也用施凶事乃得

告公用圭也固也六四中行告公從利用為依遷國居益之時與巽

之也始體柔當位在上應下卑不窮下高不處亢位雖不中象

用中行者也以斯告公何有不從以斯依遷誰有不納也象

曰告公從以益志也志得九五有孚惠心勿

問元吉有孚惠我德得位履尊為益之主者也為益之大莫大於信為惠之大



莫大於心因民所利而利之焉惠而不費惠心者也信以惠心盡物之願故不待問而元吉有孚惠我德也以誠惠物物亦應之故曰有孚惠我德也

象曰有孚惠心勿問之矣惠我德大得志也上九莫益之或擊之立心勿

怕凶

虞益之極過盈者也求益无已心无怕者也无厭之求人弗與也獨唱莫和是偏辭也人道惡盈怨者非一故

日或擊之也

象曰莫益之偏辭也或擊之自外來

也

# 周易卷第四

經二千五百七十六字  
注五千五百六十八字

周易四  
書  
卷  
五



周易下經夬傳第五

王弼注

䷪

乾下兌上

夬揚于王庭孚號有厲告自邑不

利即戎利有攸往

夬與剥反者也剥以柔變剛至於剛幾盡夬以剛決柔如剝之消剛剛墮

則君子道消柔消則小人道墮君子道消則剛正之德不可得直道而用刑罰之威不可得坦然而行揚于王庭其道公也

彖曰夬決也剛決柔也健而說決而和

健而

說則決而和矣

揚于王庭柔乘五剛也

剛德齊長一柔為逆眾所同誅而无忌者

也故可揚于王庭

孚號有厲其危乃光也

剛正明信以宣其令則柔邪者

危故曰其危乃光也

告自邑不利即戎所尚乃窮也

以剛斷制

告令可也告自邑謂行令於邑也用剛即戎尚力取勝也尚力取勝物所同疾也

利有攸往剛長

大辛

周易五

上

一

卷



乃終也

剛德愈長柔邪愈消故利有攸往道乃成也

象曰澤上於天夫

君子以施祿及下居德則忌

澤上於天夫之象也澤上於天必來下潤

施祿及下之義也夫者明法而決斷之象也忌禁也法明斷嚴不可以慢故居德以明禁也施而能嚴嚴而能施健而能說決

而能和美之道也

初九壯于前趾往不勝為咎

居健之初為決之始

宜審其策以行其事壯其前趾往而不勝宜其咎也

象曰不勝而往咎也

不勝之理

在往

九二惕號莫夜有戎勿恤

居健履中以斯決事能審已變而不疑者

也故雖有惕懼號呼莫夜有戎不憂不惑故勿恤也

象曰有戎勿恤得中道

也九三壯于頄有凶君子夬夬獨行遇雨

若濡有愠无咎

頄面權也謂上六也最處體上故曰權也刺之六三以應陽為善夫剛長則君

子道與陰盛則小人道長然則處陰長而助陽則善處剛長而助柔則凶矣夫為剛長而三獨應上六助於小人是凶也君



子處之必能弃夫情累決之不疑故曰夬夬也若不與衆陽爲羣而獨行殊志應於小人則受其困焉遇雨若濡有恨而无所咎

象曰君子夬夬終无咎也九四臀无膚

其行次且牽羊悔亡聞言不信

下剛而進非己所據必見侵食失其所安故臀无膚其行次且也羊者抵很難移之物謂五也五爲夬主非下所侵若牽於五則可得悔亡而已剛亢不能納言自任所處聞言不信以斯而行凶可知矣

象曰其行次且位不當也

聞言不信聰不明也

同於噬嗑滅耳之凶

九五苒陸夬

夬中行无咎

苒陸草之柔脆者也決之至易故曰夬夬也夬之爲義以剛決柔以君子除小人者也

也而五處尊位最比小人躬自決者也以至尊而敵至賤雖其克勝未足多也處中而行足以免咎而已未足光也

象曰中行无咎中未光也上六无號終有凶

處夬之極小人在上君子道長衆所共棄故非號咷所能延也

象曰无號之凶終不

可長也

三三

巽下乾上

姤女壯勿用取女彖曰姤遇也柔

遇剛也

施之於人即女遇男也一女而遇五男為壯至甚故不可取也

勿用取女不可

與長也天地相遇品物咸章也

匹乃功成也

剛遇

中正天下大行也

化乃大行也

姤之時義大矣哉

凡言義者不盡於所見中有意謂者也

象曰天下有風姤后以施

命誥四方初六繫于金柅貞吉有攸往見

凶羸豕孚蹢躅

金者堅剛之物柅者制動之主謂九四也初六處遇之始以一柔而承五剛

體夫躁質得遇而通散而无主自縱者也柔之為物不可以不牽臣妾之道不可以不貞故必繫于正應乃得貞吉也若不牽于一而有攸往行則唯凶是見矣羸豕謂牝豕也羣豕之中豕強而牝弱故謂之羸豕也孚猶務躁也夫陰質而躁恣者羸豕



特甚焉言以不貞之陰失其所牽其為淫醜若羸豕之孚務踣躅也象曰繫于金柅柔

道牽也九二包有魚无咎不利賓初陰而窮下故稱魚

不正之陰處遇之始不能逆近者也初自樂來應已之爵非為犯奪故无咎也擅人之物以為己惠義所不為故不利賓也

象曰包有魚義不及賓也九三臀无膚其

行次且厲无大咎處下體之極而二據於初不為已乘居不獲安行无其應不能牽據

以固所處故曰臀无膚其行次且也然履得其位非為妄處不遇其時故使危厲災非已招是以无大咎也象曰

其行次且行未牽也九四包无魚起凶二有其魚

故失之也无民而動失應而作是以凶也象曰无魚之凶遠民也九五

以杞包瓜含章有隕自天杞之為物生於肥地者也包瓜為物繫而不食

者也九五履得尊位而不遇其應得地而不食含章而未發不遇其應命未流行然處得其所體剛居中志不舍命不可傾隕

故曰有隕自天也

象曰九五含章中正也有隕自天

志不舍命也上九始其角吝无咎

進之於極无所復遇遇角

而已故曰始其角也進而无遇獨恨而不與物爭其道不害故无凶咎也

象曰始其角上

窮吝也

䷁

坤下兌上

萃亨

聚乃通也

王假有廟

假至也王以聚至有廟也

利見

大人亨利貞

聚得大人乃得通而利正也

用大牲吉

全夫聚道用大牲乃

吉也聚道不全而用大牲神不福也

利有攸往彖曰萃聚也順以

說剛中而應故聚也

但順而說則邪佞之道也剛而違於中應則強亢之德也何由

得聚順說而以剛為主主剛而履中履中以應故得聚也

王假有廟致孝享也

全聚

乃得致孝之享也

利見大人亨聚以正也

大人體中正者也通聚以正聚



乃得全也 用大牲吉利有攸往順天命也

順以說而不損剛順天命

者也天德剛而不違中順天則說而以剛為主也

觀其所聚而天地萬物

之情可見矣

方以類聚物以羣分情同而後乃聚氣合而後乃羣

象曰澤上

於地萃君子以除戎器戒不虞

聚而无防初則衆生心

六有孚不終乃亂乃萃若號一握為笑勿

恤往无咎

有應在四而三承之心懷嫌疑故有孚不終也不能守道以結至好迷務競爭故乃亂乃萃也

一握者小之貌也為笑者儒劣之貌也已為正配三以近寵若安夫卑退謙以自牧則勿恤而往无咎也

象曰乃

亂乃萃其志亂也六二引吉无咎孚乃利用

禴

居萃之時體柔當位處坤之中己獨處正與衆相殊異操而聚民之多僻獨正者危未能變體以遠於害故必見引

然後乃吉而无咎也禴殷春祭名也四時祭之省者也居聚之時處於中正而行以忠信故可以省薄薦於鬼神也 象

曰引吉无咎中未變也六三萃如嗟如无攸

利往无咎小吝

履非其位以比於四四亦失位不正相聚相聚不正患所生也干人之應害所

起也故萃如嗟如无攸利也上六亦无應而獨立處極而憂危思援而求朋巽以待物者也與其萃於不正不若之於同志故可以往而无咎也二陰相合猶不若一陰一陽之至故有小吝也象曰往无咎上巽

也九四大吉无咎

履非其位而下據三陰得其所據失其所處聚之時不正而據故

必大吉立夫大

象曰大吉无咎位不當也九五

萃有位无咎匪孚元永貞悔亡

處聚之時最得盛位故曰萃有

位也四專而據己德不行自守而已故曰无咎匪孚夫脩仁守正久必悔消故曰元永貞悔亡

象曰萃

有位志未光也上六齎咨涕洟无咎

處聚之時居於

上極五非所乘内无應援處上獨立近遠无助危莫甚焉齎咨嗟歎之辭也若能知危之至懼禍之深憂病之甚至于涕洟不



敢自安亦眾所不害故得无咎也 象曰齋咨涕洟未安上也

䷆

巽下坤上

升元亨用見大人勿恤

巽順可以升陽爻不當尊位无

嚴剛之正則未免於憂故用見大人乃勿恤也

南征吉

以柔之南則麗乎大明也

彖曰柔

以時升

乃柔以其時

巽而順剛中而應是以大亨

純柔則不能自升剛亢則物不從既以時升又巽而順剛中而應以此而升故得大亨

用見大人勿

恤有慶也南征吉志行也

巽順以升至于大

象

曰地中生木升君子以順德積小以高大

初六允升大吉

允當也巽卦三爻皆升者也雖无其應處升之初與九二九三合志俱升當升

之時升必大得是以大吉也

象曰允升大吉上合志也九二

孚乃利用禴无咎

與五為應往必見任體夫剛德進不求寵閑邪存誠志在大業故乃利用

納約于神明矣

象曰九二之孚有喜也九三升虛邑

履得其位以陽升陰以斯而舉莫之遠距故若升虛邑也

象曰升虛邑无所疑

也往必得也

六四王用亨于岐山吉无咎

處升之際下升而進

可納而不可距也距下之進攘來自專則殃咎至焉若能不距而納順物之情以通庶志則得吉而无咎矣岐山之會順事之

情无不納也

象曰王用亨于岐山順事也六五貞

吉升階

升得尊位體柔而應納而不距任而不專故得貞吉升階而尊也

象曰貞吉

升階大得志也上六冥升利于不息之貞

進而不息者也進而不息故雖冥猶升也故施於不息之正則可用於為物之主則喪矣終於不息消之道也象曰

冥升在上消不富也

勞不可久也

困亨

窮必通也處窮而不窮自通者小人也

貞大人吉无



咎

處困而得无咎吉乃免也

有言不信彖曰困剛揜也

剛見揜於柔也

險以說困而不失其所亨

處險而不改其說困而不失其所亨也

其

唯君子乎貞大人吉以剛中也

處困而用剛不失其中履正而

能體大者也能正而不能大博未能濟困者也故曰貞大人吉也

有言不信尚口乃窮

也

處困而言不見信之時也非行言之時而欲用言以免必窮者也其吉在於貞大人何為乎

象曰澤

无水困君子以致命遂志

澤无水則水在澤下水在澤下困之象也處困

而屈其志者小人也君子固窮道可忘乎

初六臀困于株木入于幽

谷三歲不覿

最處底下沈滯卑困居无所安故曰臀困于株木也欲之其應二隔其路居則困于

株木進不獲拯必隱遯者也故曰入于幽谷也困之為道不過數歲者也以困而藏困解乃出故曰三歲不覿也

象

曰入于幽谷幽不明也

言幽者不明之辭也入于不明以自藏也

九二

困于酒食朱紱方來利用享祀征凶无咎

以陽居陰尚謙者也居困之時處得其體夫剛質而用中履謙應不在一心无所私盛莫先焉夫謙以待物物之所歸剛以處險難之所濟履中則不失其宜无應則心无私恃以斯處困物莫不至不勝豐衍故曰困于酒食美之至矣坎北方之卦也朱紱南方之物也處困以斯能招異方者也故曰朱紱方來也豐衍盈盛故利用享祀盈而又進傾之道也以此而往凶誰咎乎故曰征象曰困于酒食中有慶也六三困

于石據于蒺藜入于其宮不見其妻凶

為物堅而不納者也謂四也三以陰居陽志武者也四自納初不受已者二非所據剛非所乘上比困石下據蒺藜无應而入焉得配耦在困象曰據于蒺藜乘剛也入于其

宮不見其妻不祥也九四來徐徐困于金

車吝有終

金車謂二也二剛以載者也故謂之金車徐徐者疑懼之辭也志在於初而隔於二履不當位



威命不行棄之則不能欲往則畏二故曰來徐徐困于金車也  
有應而不能濟之故曰吝也然以陽居陰履謙之道量力而處  
不與二爭雖不當位物終與之故曰有終也 象曰來徐徐志在下也 謂下

也初雖不當位有與也九五劓則困于赤紱

乃徐有說利用祭祀 謙以陽居陽任其壯者也不能以

用其壯猛行其威刑異方愈乖遐邇愈叛刑之欲以得乃益所  
以失也故曰劓則困于赤紱也二以謙得之五以剛失之體在  
中直能不遂迷困而後能用其道者也致物之功不在於暴故  
曰徐也困而後乃徐徐則有說矣故曰困于赤紱乃徐有說也  
祭祀所以受福也履夫尊位困而能改不遂 象曰劓則  
其迷以斯祭祀必得福焉故曰利用祭祀也

志未得也乃徐有說以中直也利用祭祀

受福也上六困于葛藟于臲臲曰動悔有

悔征吉 居困之極而乘於剛下无其應行則愈繞者也行則  
纏繞居不獲安故曰困于葛藟于臲臲也下句无困

其迷以斯祭祀必得福焉故曰利用祭祀也 象曰劓則

困於上也。處困之極，行无通路，居无所安，困之至也。凡物窮則思變，困則謀通。處至困之地，用謀之時也。曰者，思謀之辭也。謀之所行有隙，則獲言將何以通？至困乎？曰：動悔。令生有悔，以征則濟矣。故曰：動悔有悔，征吉也。象曰：困于

葛藟，未當也。所處未當，故致此困也。動悔有悔，吉行也。

䷮

巽下坎上

井改邑，不改井。

井以不變為德者也。

无喪，无得。

德有常也。

往來井井。

不渝變也。

汔至，亦未繙井。

已來至而未出井也。

羸其瓶，凶。

井道以已出為功也。幾至而覆，與未汲同也。

彖曰：巽乎水

而上水井。

音舉上之上。

井養而不窮也。改邑不改

井，乃以剛中也。

以剛處中，故能安居其所而不變也。

汔至，亦未繙

井，未有功也。

井以已成為功。

羸其瓶，是以凶也。象曰：

木上有水井，君子以勞民勸相。

木上有水井之象也。上水以養。



養而不窮者也相猶助也可以  
勞民勸助莫若養而不窮也  
初六井泥不食舊井

无禽  
最在井底上又无應沈滯滓穢故曰井泥不食也井泥而不可食則是久井不見渫治者也久井不見渫治禽

所不嚮而況人乎一時所共棄舍也并者不變之物居德之地恒德至賤物无取也  
象曰井泥不

食下也舊井无禽時舍也九二井谷射鮒

甕敝漏  
谿谷出水從上注下水常射焉井之爲道以下給上者也而无應於上反下與初故曰井谷射鮒

謂初也失井之道水不上出而反下注故曰甕敝漏也夫處上宜下處下宜上井已下矣而復下注其道不交則莫之與也

象曰井谷射鮒无與也九三井渫不食爲

我心恻可用汲王明並受其福  
渫不停汚之謂也處下卦之上

履得其位而應於上得井之義也當井之義而不見食脩已全繫而不見用故爲我心恻也爲猶使也不下注而應上故可用

汲也王明則見照明既嘉其行又欽其用故曰王明並受其福也  
象曰井渫不食行

惻也

行感於誠故曰惻也

求王明受福也六四井甃无咎

得位而无應自守而不能給上可以脩井之壞補過而已

象曰井甃无咎脩井

也九五井冽寒泉食

冽潔也居中得位體剛不撓不食不義中正高潔故井冽

寒泉然後乃食也

象曰寒泉之食中正也上六井收

勿幕有孚元吉

處井上極水已出井井功大成在此爻矣故曰井收也羣下仰之以濟潤泉由

之以通者也幕猶覆也不擅其有不私其利則物歸之往无窮矣故曰勿幕有孚元吉也

象曰元吉

在上大成也

䷯

離上

革已日乃孚元亨利貞悔亡

夫民可與習常難與

適變可與樂成難與慮始故革之為道即日不孚已日乃孚也孚然後乃得元亨利貞悔亡也已日而不孚革不當也悔吝之所生

生乎變動者也革而當其悔乃亡也

彖曰革水火相息二女同居



其志不相得曰革

凡不合而後乃變生變之所生生於不合者也故取不合之象以為革也

息者生變之謂也火欲上而澤欲下水火相戰而後生變者也二女同居而有水火之性近而不相得也

巳日乃

孚革而信之文明以說大亨以正革而當

其悔乃亡

夫所以得革而信者文明以說也文明以說復正而行以斯為革應天順民大亨以正者也革

而大亨以正非當如何

天地革而四時成湯武革命順乎

天而應乎人革之時大矣哉象曰澤中有

火革君子以治歷明時

歷數時會存乎變也

初九鞏用黃

牛之革

在革之始革道未成固夫常中未能應變者也此可以守成不可以有為也鞏固也黃中也牛之革

堅仍不可變也固之所用常中堅仍不肯變也

象曰鞏用黃牛不可以有

為也六二巳日乃革之征吉无咎

陰之為物不能先唱順從者也

不能自革革已乃能從之故曰已日乃革之也二與五雖有水

火殊體之異同處厥中陰陽相應往必合志不憂咎也是以征

吉而無咎象曰已日革之行有嘉也九三征凶貞厲革言三就有孚

違故曰革言三就其言實誠故曰有孚革者也自四至上從命而變不敢有

象曰革言三就又何之矣九四悔亡有孚改命吉

初九處下卦之下故能變也無應悔也與水火相比能變者也是以悔亡處

水火之際居會變之始能不固吝不疑於下信志改命不失時

頤是以吉也有孚則見信矣見信以改命則物安而無違故曰悔亡有孚改命吉也處上體之下始宜命也象曰

改命之吉信志也而信志九五大人虎變未占

有孚未占而孚合時心也象曰大人虎變其文炳也上六君子豹變小人革面

居變之終變道已成君子處之能成其文小人樂成則變



面以順上也

征凶居貞吉

改命制變道已成功成則事損則無為故居則得正而吉征則躁

擾而凶也

象曰君子豹變其文蔚也小人革面

順以從君也

䷱

巽下離上鼎元吉亨

革去故而鼎取新取新而當其人心易故而法制齊明吉然後乃亨故

先元吉而後亨也鼎者成變之卦也革既變矣則制器立法以成之焉變而無制亂可待也法制應時然後乃吉賢愚有別尊卑有序然後乃亨故彖曰鼎象也法象以木巽火

亨飪也

亨飪鼎之用也

聖人亨以享上帝而大亨

以養聖賢

亨者鼎之所為也革去故而鼎成新故為亨飪調和之器也去故取新聖賢不可失也飪

孰也天下莫不用之而聖人用之乃巽而耳目聰明聖賢則已不為而成矣故柔進而上行得中而應乎剛

是以元亨

謂五也有斯二德故能成新獲大亨也

象曰木上有火

鼎君子以正位凝命

凝者嚴整之貌也鼎者取新成變者也革去故而鼎成新

正位者明尊卑之序也凝命者以成教命之嚴也

初六鼎顛趾利出否得

妾以其子无咎

凡陽為實而陰為虛鼎之為物下實而上虛而今陰在下則是為覆鼎也鼎覆

則趾倒矣否謂不善之物也取妾以為室主亦顛趾之義也處鼎之初將在納新施顛以出穢得妾以為子故无咎也

象曰

鼎顛趾未悖也

倒以寫否故未悖也

利出否以從貴也

棄穢以納新也

九二鼎有實我仇有疾不我能即吉

以陽之質處鼎之中有實者也有實之物不可復如益之則益反傷其實我仇謂五也困於乘剛之疾不能就我則我不益得

全其吉也

象曰鼎有實慎所之也

有實之鼎不可復有所取才任已極不可復有

所我仇有疾終无尤也九三鼎耳革其行



塞雉膏不食方雨虧悔終吉

鼎之為義虛中以待物者

也而三處下體之上以陽居陽守實無應無所納受耳宜空以待鉉而反全其實塞故曰鼎耳革其行塞雖有雉膏而終不能食也雨者陰陽交和不偏亢者也雖體陽爻而統屬陰卦若不全任剛亢務在和通方雨則悔虧終則吉也

象曰鼎耳革失其義也九四鼎折足覆公餗其

形渥凶

處上體之下而又應初既承且施非已所堪故曰鼎折足也初已出否至四所盛則已絜矣故曰覆公餗

也渥沾濡之貌也既覆公餗體為渥沾知小謀大不堪其任受其至辱災及其身故曰其形渥凶也象曰覆

公餗信如何也

不量其力果致凶災信如之何

六五鼎黃耳金

鉉利貞

居中以柔能以通理納乎剛正故曰黃耳金鉉利貞也耳黃則能納剛正以自舉也

象曰

鼎黃耳中以為實也

以中為實所受不妄也

上九鼎玉鉉

大吉无不利

處鼎之終鼎道之成也居鼎之成體剛履柔用勁施鉉以斯處上高不誠亢得夫剛

柔之節能舉其任者也應不在一則靡所不舉故曰大吉无不利也象曰玉鉉在上剛柔

節也

三三震下震上震亨懼以成則震來虩虩笑言啞啞

震之為義威至而後乃懼也故曰震來虩虩恐懼之貌也震者驚駭怠惰以肅懈慢者也故震來虩虩恐致福也笑言啞

啞後有則也震驚百里不喪匕鬯威震驚乎百里則足可

載鼎實鬯香酒豕曰震亨震來虩虩恐致福也奉宗廟之盛也

笑言啞啞後有則也震驚百里驚遠而懼

通也威震驚乎百里則出可以守宗廟社稷以情者懼於近矣

為祭主也明所以堪長子之義也不喪象曰洊雷

震君子以恐懼脩省初九震來虩虩後笑



言啞啞吉

體夫剛德為卦之先能以恐懼脩其德也

象曰震來虩虩恐

致福也笑言啞啞後有則也六二震來厲

億喪貝躋于九陵勿逐七日得

震之為義威駭怠懈肅整脩慢

者也初幹其任而二乘之震來則危喪其資貨亡其所處矣故曰震來厲億喪貝億辭也貝資貨糧用之屬也犯逆受戮無應而行行无所舍威嚴大行物莫之納無糧而走雖復超越陵險必困于窮匱不過七日故曰勿逐七日得也象曰

震來厲乘剛也六三震蘇蘇震行无眚

不當其位

位非所處故懼蘇蘇也而无乘剛之逆故可以懼行而无害也

象曰震蘇蘇位不當

也九四震遂泥

處四陰之中居恐懼之時為眾陰之主宜勇其身以安於眾若其震也遂困難

矣履夫不正不能除恐使物安己德未光也

象曰震遂泥未光也六五

震往來厲億无喪有事

往則无應來則乘剛恐而往來不免於危夫處震之時而

得尊位斯乃有事之機也而懼往  
象曰震往來厲危

行也其事在中大无喪也  
大則无喪往來乃危也上六震

索索視矍矍征凶震不于其躬于其鄰无

咎婚媾有言  
處震之極極震者也居震之極求中未得故懼而索索視而矍矍无所安親也已處象

動極而復征焉凶其宜也若恐非己造彼動故懼懼鄰  
而戒合於備豫故无咎也極懼相疑故雖婚媾而有言也

曰震索索中未得也雖凶无咎畏鄰戒也

䷲ 艮上 艮其背  
目无患也不獲其身  
所止在後故不得其身也行其

庭不見其人  
相背故也无咎  
凡物對面而不相通否之道也各

止而不相與何得无咎唯不相見乃可也施止於背不隔物欲  
得其所止也背者无見之物也无見則自然靜止靜止而无見

則不獲其身矣相背者雖近而不相見故行其庭不見其人也  
夫施止不於无見令物自然而止而強止之則姦邪並興近而



不相得則凶其得无咎艮其背不獲其身行其庭不見其人故也

彖曰艮止也時止則止時行則行動靜不失其時其道光明

止道不可常用必施於不可艮其止止其所也

以行適於其時道乃光明也背即止也施止不可於面施背乃可也施止於止

不施止於行得其所矣故曰艮其止止其所也上下敵

應不相與也是以不獲其身行其庭不見其人无咎也

象曰兼山艮君子以思不出其位

各止其所初六艮其趾无咎利永貞

之初行无所之故止其趾乃象曰艮其趾未失正也

得无咎至靜而定故利永貞六二艮其腓不拯其隨其心不快

不拯也腓體躁而處止而不得拯其隨又不能退聽安靜故其心不快也象曰不拯其隨未

退聽也九三艮其限列其夤厲薰薰

限身之中也三

當兩象之中故曰艮其限夤當中脊之肉也止加其身中體而分故列其夤而憂危薰薰也艮之為義各止於其所上下不相與至中則列矣列加其夤危莫甚焉危亡之憂乃薰灼其心也施止體中其體分焉體分兩主大器喪矣

象曰

艮其限危薰薰心也六四艮其身无咎

中上稱身履得

其位止求諸身得其

象曰艮其身止諸躬也

自止其躬不分

所處故不陷於咎也六五艮其輔言有序悔亡

施止於輔以起於中故口无擇言能亡其

全象曰艮其輔以中正也

能用中正故言有序也

上九敦艮

悔吉 居止之極極止者也勢重在上不陷非妄宜其吉也

象曰敦艮之吉以厚

終也

䷵ 艮下漸女歸吉利貞

漸者漸進之卦也止而巽以斯適進漸進者也以此巽為



進故女歸吉也進而用正故利貞也彖曰漸之進也之於女歸吉也

進得位往有功也進以正可以正邦也其

位剛得中也以漸進得位也止而巽動不窮也象曰

山上有木漸君子以居賢德善俗巽則居風

俗以止巽乃善初六鴻漸于干小子厲有言无咎水

鳥也適進之義始於下而升者也故以鴻為喻六爻皆以進而履之為義焉始進而位乎窮下又无其應若履于干危不可以

安也始進而未得其位則困於小子窮於謗言故曰小子厲象有言也困於小子讒諛之言未傷君子之義故曰无咎也象

曰小子之厲義无咎也六二鴻漸于磐飲

食衍衍吉磐山石之安者也進而得位居中而應本无祿養進而得之其為歡樂願莫先焉象

曰飲食衍衍不素飽也九三鴻漸于陸夫

征不復婦孕不育凶利禦寇

陸高之頂也進而之陸與四相得不

能復反者也夫征不復樂於邪配則婦亦不能執貞矣非夫而孕故不育也三本艮體而棄乎羣醜與四相得遂乃不反至使婦孕不育見利忘義貪進忘舊凶之道也異體合好順而相保物莫能間故利禦寇也

象曰夫征不

復離羣醜也婦孕不育失其道也利用禦

寇順相保也六四鴻漸于木或得其桷无

咎

鳥而之木得其宜也或得其桷遇安棲也雖乘于剛志相得也

象曰或得其桷順

以巽也九五鴻漸于陵婦三歲不孕終莫

之勝吉

陵次陸者也進得中位而隔乎三四不得與其應合故婦三歲不孕也各履正而居中三四不能久塞其

塗者也不過三歲必得所願矣進以正邦三年有成成則道濟故不過三歲也

象曰終莫之勝

吉得所願也上九鴻漸于陸其羽可用為



儀吉

進處高絮不累於位无物可以屈其心而亂其象曰志誠峨清遠儀可貴也故曰其羽可用為儀吉

其羽可用為儀吉不可亂也

三三

兌下震上歸妹征凶无攸利妹者少女之稱也兌為少陰震為長陽少陰而

承長陽說以動嫁妹之象也彖曰歸妹天地之大義也天地

不交而萬物不興歸妹人之終始也

陰陽既合長少

又交天地之大義人倫之終始

說以動所歸妹也

少女而與長男交少女所不樂也而今說

以動所歸必妹也雖與長男交嫁而係姊是以說也

征凶位不當也

履於不正說動以進妖邪

之道无攸利柔乘剛也

以征則有不正之凶以處則有乘剛之逆

象曰

澤上有雷歸妹君子以永終知敝

歸妹相終始之道也故以

永終知敝初九歸妹以娣跛能履征吉

少女而與長男為耦非敵之謂

是娣從之義也妹少女之稱也少女之行善莫若娣夫承嗣以君之子雖幼而不妄行少女以娣雖跛能履斯乃恒久之義吉而相承之道也以象曰歸妹以娣以恒也跛能履斯而進言其宜也

吉相承也九二眇能視利幽人之貞

雖失其位而居

內處中眇猶能視足以保常也在內履中而能守其常故利幽人之貞也

象曰利幽人之貞

未變常也六三歸妹以須反歸以娣

室主猶存而求

進焉進未值時故有須也不可

以進故反歸待時以娣乃行 象曰歸妹以須未當

也九四歸妹愆期遲歸有時

夫以不正无應而適人也必須彼道窮盡

无所與交然後乃可以往

故愆期遲歸以待時也 象曰愆期之志有待而行

也六五帝乙歸妹其君之袂不如其娣之

袂良月幾望吉

歸妹之中獨處貴位故謂之帝乙歸妹也袂衣袖所以為禮容者也其君



之袂謂帝乙所寵也即五也為帝乙所崇飾故謂之其君之袂也配在九二允少震長以長從少不若以少從長之為美也故曰不若其姊之袂良也位在乎中以貴而行極陰之象曰盛以斯適配雖不若少往亦必合故曰月幾望吉也

帝乙歸妹不如其姊之袂良也其位在中

以貴行也上六女承筐无實士刲羊无血

无攸利羊謂三也處卦之窮仰无所承下又无應為女而承命則筐虛而莫之與為士而下命則刲羊而无

血刲羊而无血不應所命也進退莫與故曰无攸利也象曰上六无實承虛

筐也

# 周易卷第五

經二千六百九字  
注六千三百八十四字

小六十七

周易五  
壬申重刊

十六

音義



+

—





#811.2  
1017

嶺英中學暨附設小學圖書館書卡

書名 周易 .....

第 1 冊

登記號 6488 .....

借者姓名	借書日期	還書日期

#811.2  
1017

(1)

6488

#811.2  
1017  
112




周

易











周易下經豐傳第六

王弼注



離下震上

豐亨王假之

大而亨者王之所至

勿憂宜日中

豐之為義闡弘微細通夫隱滯者也為天下之主而令微隱者不亨憂未已也故至豐亨乃得勿憂也用夫豐亨不憂之德宜也故曰宜日中也

彖曰豐大也

音闡大

明以動故

豐王假之尚大也

大者王之所尚故至之也

勿憂宜日中宜

照天下也

以勿憂之德故宜照天下也

日中則具月盈則食

天地盈虛與時消息而況於人乎況於鬼

神乎

豐之為用困於具食者也施於未足則尚豐施於已盈則方溢不可以為常故具陳消息之道者也

象

曰雷電皆至豐君子以折獄致刑

文明以動不失情理也



初九遇其配主雖旬无咎往有尚處豐之初其配在四以陽

適陽以明之動能相光大者也旬均也雖均无咎往有尚也初四俱陽爻故曰均也象曰雖旬无

咎過旬災也過均則爭交斯叛也六二豐其蔀日中見

斗往得疑疾有孚發若吉蔀覆曖鄣光明之物也處明動之時不能自豐

以光大之德既處乎內而又以陰居陰所豐在蔀幽而无觀者也故曰豐其蔀日中見斗也日中者明之盛也斗見者闇之極

也處盛明而豐其蔀故曰日中見斗不能自發故往得疑疾然履中當位處闇不邪有孚者也若辭也有孚可以發其志不困

於闇故獲吉也象曰有孚發若信以發志也九三豐

其沛日中見沫折其右肱无咎沛幡幔所以禦盛光也沫微昧

之明也應在上六志在乎陰雖愈乎以陰處陰亦未足以免於闇也所豐在沛日中見沫之謂也施明則見沫而已施用則折

其右肱故可以自守而已未足用也象曰豐其沛不可大事也明不足也

折其右肱終不可用也

雖有左在不足用也

九四豐其蔀

日中見斗遇其夷主吉

以陽居陰豐其蔀也

象曰

豐其蔀位不當也日中見斗幽不明也遇

其夷主吉行也六五來章有慶譽吉

以陰之質

來適算陽之位能自光大章顯其德獲慶譽也

象曰六五之吉有慶也上

六豐其屋蔀其家闕其戶聞其无人三歲

不覲凶

屋藏蔀之物以陰處極而最在外不履於位深自幽隱絕跡深藏者也既豐其屋又蔀其家屋厚家

覆閭之甚也雖聞其戶聞其无人奔其所處而自深藏也處於明動尚大之時而深自幽隱以高其行大道既濟而猶不見隱

不為賢更為反道凶其宜也三年豐道之成象曰豐其屋

天際翔也

翳光最甚者也

闕其戶聞其无人自藏也

可以出而

不出自藏之謂也非有為而藏不出  
戶庭失時致凶況自藏乎凶其宜也

䷶ 艮下離上

旅小亨旅貞吉

不足全夫貞吉之道唯足以  
為旅之貞吉故特重曰旅貞

也吉

彖曰旅小亨柔得中乎外而順乎剛止

而麗乎明是以小亨旅貞吉也

夫物失其主則  
散柔乘於剛則

乖既乖且散物皆羈旅何由得小亨而貞吉乎夫陽為物長而  
陰皆順陽唯六五乘剛而復得中乎外以承于上陰各順陽不  
為乖逆止而麗明動不復妄雖不及剛得尊位恆弘  
大通足以小亨令附旅者不失其正得其所安也  
旅之

時義大矣哉

旅者大散物皆失其所居之時也咸失  
其居物願所附豈非知者有為之時

象

曰山上有火旅君子以明慎用刑而不留

獄

止以明之  
刑戮詳也

初六旅瑣瑣斯其所取災

最處下極  
寄旅不得

所安而為斯賤之役  
所取致災志窮且困

象曰旅瑣瑣志窮災也六



二旅即次懷其資得童僕貞

次者可以安行旅之地也懷來也得

位居中體柔奉上以此寄旅必獲次舍懷來資貨得童僕之所正也旅不可以處盛故其美盡於童僕之正也過斯以往則見害矣童僕之正義足而已

象曰得童僕貞終无尤也九三

旅焚其次喪其童僕貞厲

居下體之上與二相得以寄旅之身而為施下

之道與萌侵權主之所疑也故次焚僕喪而身危也

象曰旅焚其次亦以傷

矣以旅與下其義喪也九四旅于處得其

資斧我心不怵

斧所以斫除荆棘以安其舍者也雖處上體之下不先於物然而不得其位不

獲平坦之地客乎所處不得其次而得其資斧之地故其心不怵也

象曰旅于處未得

位也得其資斧心未怵也六五射雉一矢

亡終以譽命

射雉以一矢而復亡之明雖有雉終不可得矣寄旅而進雖處于文明之中居于貴

位此位終不可有也以其能知禍福之萌不安其處以乘其下而上承於上故終以譽而見命也

象曰終

以譽命上逮也上九鳥焚其巢旅人先笑

後號咷喪牛于易凶

居高危而以爲宅巢之謂也客而得上位故先笑也以旅而處

于上極衆之所嫉也以不親之身而當嫉害之地必凶之道也故曰後號咷牛者稼穡之資以旅處上衆所同嫉故喪牛於易

不在於難物莫之與危而不扶喪牛于易故莫之聞莫之聞則傷之者至矣

象曰以旅在上

其義焚也喪牛于易終莫之聞也

䷥

異上

巽小亨

全以巽爲德是以小亨也上下皆巽不違其令命乃行也故申命行事之時上

下不可以

利有攸往

巽悌以行物无距也

利見大人

大人用之

曰重巽以申命

命乃行也未有

剛巽乎中正而

志行

以剛而能用巽處于中正物所與也

柔皆順乎剛

明无違逆

是

以小亨利有攸往利見大人象曰隨風巽  
君子以申命行事初六進退利武人之貞

處令之初未能服令者也故進退也成命  
齊邪莫善武人故利武人之貞以整之 象曰進退志

疑也巽順之志  
進退疑懼利武人之貞志治也九二巽在

牀下用史巫紛若吉无咎處巽之中既在下位而  
復以陽居陰卑巽之甚

故曰巽在牀下也卑甚失正則入于咎過矣能以居中而施至  
卑於神祇而不用之於威勢則乃至於紛若之吉而亡其過矣

故曰用史巫紛象曰紛若之吉得中也九三頻

巽吝頻頻變不樂而窮不得已之謂也以其  
剛正而為四所乘志窮而巽是以吝也象曰頻巽

之吝志窮也六四悔亡田獲三品乘剛悔也然  
得位承五卑

得所奉雖以柔御剛而依尊履正以斯行命必能獲強暴遠不  
仁者也獲而有益莫善三品故曰悔亡田獲三品一曰乾豆二

得所奉雖以柔御剛而依尊履正以斯行命必能獲強暴遠不  
仁者也獲而有益莫善三品故曰悔亡田獲三品一曰乾豆二



曰賓客三曰充君之庖

象曰田獲三品有功也九五貞吉

悔亡无不利无初有終先庚三日後庚三日

吉

以陽居陽損於謙巽然乘乎中正以宣其令物莫之違故曰貞吉悔亡无不利也化不以漸卒以剛直用加於

物故初皆不說也終於中正邪道以消故有終也申命令謂之庚夫以正齊物不可卒也民迷固久直不可肆也故先申三日令著之後復申三日然後誅而无咎怨矣甲庚皆申命之謂也象曰九五之吉位正

中也上九巽在牀下喪其資斧貞凶

變巽之極極巽

過甚故曰巽在牀下也斧所以斷者也過巽失正喪所以斷故曰喪其資斧貞凶也

象曰巽在牀

下上窮也喪其資斧正乎凶也

䷵

兌上兌下

兌亨利貞彖曰兌說也剛中而柔

外說以利貞

說而達剛則諂剛而達說則暴剛中而柔外所以說以利貞也剛中故利貞柔外故說亨

是以順乎天而應乎人

天剛而不失說者也

說以先民

忘其勞說以犯難民忘其死說之大民勸

矣哉象曰麗澤兌君子以朋友講習

麗猶連也施說

之盛莫初九和兌吉

居兌之初應不在一无所黨係和兌之謂也說不在諂履斯而行未見有

疑之者吉象曰和兌之吉行未疑也九二孚

兌吉悔亡

說不失中有孚者也失位而說孚吉乃悔亡也

象曰孚兌之吉

信志也

其志信也

六三來兌凶

以陰柔之質履非其位來求說者也非正而求

者說邪佞者也象曰來兌之凶位不當也九四商兌

未寧介疾有喜

商商量裁制之謂也介隔也三為佞說將近至尊故四以剛德裁而隔之臣內

制外是以未寧也處於幾近閑邪介疾宜其有喜也象曰九四之喜有慶也九

五孚于剥有厲

比於上六而與相得處寧正之位不說信乎陽而說信乎陰孚于剥之義也

之為義小人道長之謂

象曰孚于剥位正當也

以正當之位信於小人而疏君

子故曰位正當也

上六引兌

以夫陰質最處說後靜退者也故必見引然後乃說也

象曰

上六引兌未光也

䷧

坎下巽上

渙亨王假有廟利涉大川利貞彖

曰渙亨剛來而不窮柔得位乎外而上同

二以剛來居內而不窮於險四以柔得位乎外而與上同內剛而無險困之難外順而無違逆之乖是以亨利涉大川利貞也

凡剛得暢而無忌回之累柔履正而同志乎剛則皆身利涉大川利貞也

王假有廟王乃在

中也

王乃在乎渙然之中故至有廟也

利涉大川乘木有功也

乘木

即步難也木者專所以涉川也涉難而常用渙道必有功也

象曰風行水上渙先



王以享于帝立廟初六用拯馬壯吉

渙散也處散之

初乘散未甚故可以遊行得其志而違於難也不在危劇而後乃逃竄故曰用拯馬壯吉

象曰初六之

吉順也

觀難而行不與險爭故曰順也

九二渙奔其机悔亡

机承物者也謂

初也二俱无應與初相得而初得散道離散而奔得其所安故悔亡也

象曰渙奔其机

得願也六三渙其躬无悔

渙之為義內險而外安者也散躬志外不固所

守與剛合志故得无悔也

象曰渙其躬志在外也六四渙其

羣元吉渙有丘匪夷所思

踰乎險難得位體巽與五合志內掌機密外宣

化命者也故能散羣之險以光其道然處於卑順不可自專而為散之任猶有丘墟匪夷之慮雖得元吉所思不可忘也

象

曰渙其羣元吉光大也九五渙汗其大號

渙王居无咎

處尊履正居巽之中散汗大號以盪險阨者也為渙之主唯王居之乃得无咎也

象曰王居无咎正位也正位不可上九渙其血

去逖出无咎逖遠也最遠於害不近侵克散其憂傷遠出者也散患於遠害之地誰將咎之哉

象曰渙其血遠害也

䷺兌下坎上節亨苦節不可貞彖曰節亨剛柔

分而剛得中坎陽而兌陰也陽上而陰下剛柔分也剛柔分而不亂剛得中而為制主節之義也節之

大者莫若剛柔分男女別也苦節不可貞其道窮也為節過苦則物不能堪也物不能堪則不可復正也

說以行險當位以節中正以通

然後乃亨也天地節而四時成節以

制度不傷財不害民象曰澤上有水節君

子以制數度議德行初九不出戶庭无咎

為節之初將整離散而立制度者也故明於通塞慮於險偽不出戶庭慎密不失然後事濟而无咎也象曰不

出戶庭知通塞也九二不出門庭凶初已造之至二宜宣

其制矣而故匿之失時之極則遂廢矣故不出門庭則凶也象曰不出門庭凶失

時極也六三不節若則嗟若无咎若辭也以陰處陽以柔乘

剛違節之道以至哀嗟自已所致无所怨咎故曰无咎也象曰不節之嗟又誰咎

也六四安節亨得位而順不改其節而能亨者也承上以斯得其道也象曰

安節之亨承上道也九五甘節吉往有尚

當位居中為節之主不失其中不傷財不害民之謂也為節而不苦非甘而何術斯以往往有尚也象曰甘

節之吉居位中也上六苦節貞凶悔亡過節之中以至亢極

苦節者也以斯脩身行在无妄故得悔亡象曰苦節貞凶

六五



其道窮也

䷋

兌下巽上

中孚豚魚吉利涉大川利貞彖曰

中孚柔在內而剛得中說而巽孚

有上四德然後乃孚

乃化邦也

信立而後邦乃化也柔在內而剛得中各當其所以巽則乖爭不作如此則物无巧競

敦實之行著而篤信發乎其中矣

豚魚吉信及豚魚

也

魚者蟲之隱者也豚者獸之微賤者也爭競之道不與中信之德淳著則雖微隱之物信皆及之

利涉

大川乘木舟虛也

乘木於用舟之虛則終已无溺也

中

孚以利貞乃應乎天也

盛之至也

象曰澤上有

風中孚君子以議獄緩死

信發於中雖過可亮也

初九虞

吉有它不燕

虞猶專也為信之始而應在四得乎專吉者也志未能變繫心於一故有它不燕也

象

曰初九虞吉志未變也九二鳴鶴在陰其

子和之我有好爵吾與爾靡之與內而居重陰之下而履不失

中不徇於外任其真者也立誠篤至雖在闇昧物亦應焉故曰鳴鶴在陰其子和之也不私權利唯德是與誠之至也故曰我

有好爵與物散之象曰其子和之中心願也六三得敵

或鼓或罷或泣或歌三居少陰之上四居長陰之下對而不相比敵之謂也以陰居

陽欲進者也欲進而聞敵故或鼓也四履正而承五非己所克故或罷也不勝而退懼見侵陵故或泣也四履乎順不與物校

退而不見害故或歌也不量其力進退无怙恃可知也象曰或鼓或罷位不當

也六四月幾望馬匹亡无咎居中乎之時處巽之始應說之初居正履順以

承於五內繼元首外宣德化者也充乎陰德之盛故日月幾望馬匹亡者奔羣類也若夫居盛德之位而與物校其競爭則失

其所盛矣故曰絕類而上履正象曰馬匹亡絕類上也

類謂三俱陰

九五有孚攣如无咎

學如者繫其信之辭也與中誠以相

交之時居尊位以為羣物之王信何可舍故有孚攣如乃得无咎也

象曰有孚攣如位

正當也上九翰音登于天貞凶

翰高飛也飛音者音飛而實不從之

謂也居卦之上處信之終信終則衷忠篤內喪華美外揚故曰翰音登于天也翰音登天正亦滅矣

象曰翰

音登于天何可長也

䷛

艮下震上

小過亨利貞可小事不可大事飛

鳥遺之音不宜上宜下大吉

飛鳥遺其音聲哀以求與上愈无所通下

則得安愈上則愈窮莫若飛鳥也

彖曰小過小者過而亨也

小者

謂凡諸小事也過於小事而通者也

過以利貞與時行也

過而得以利貞應時宜也

施過於恭儉利貞者也

柔得中是以小事吉也剛失位



而不中是以不可大事也成大事者必在剛也柔而浸大剥之道也有

飛鳥之象焉不宜上宜下即飛鳥之象飛鳥遺之音不宜

上宜下大吉上逆而下順也上則乘剛逆也下則承陽順也施過於不順凶

莫大焉施過於順過更變而為吉也象曰山上有雷小過君子以

行過乎恭喪過乎哀用過乎儉初六飛鳥

以凶小過上逆下順而應在上卦進而之逆无所錯足飛鳥之凶也象曰飛鳥以凶

不可如何也六二過其祖遇其妣不及其

君遇其臣无咎過而得之謂之遇在小過而當位過而得之之謂也祖始也謂初也妣者居內

復中而正者也過初而履二位故曰過其祖而遇其妣過而不至於僭盡於臣位而已故曰不及其君遇其臣无咎象

曰不及其君臣不可過也九三弗過防之

從或戕之凶

小過之世大者不立故令小者得過也居下體之上以陽當位而不能先過防之至今小

者咸過而復應而從焉其從之也則戕之凶至矣故曰弗過防之從或戕之凶也

象曰從或戕

之凶如何也九四无咎弗過遇之往厲必

戒勿用求貞

雖體陽爻而不居其位不為貴主故得无咎也失位在下不能過者也以其不能過

故得合於免咎之宜故曰弗過遇之夫宴安酖毒不可懷也處於小過不寧之時而以陽居陰不能有所為者也以此自守免

咎可也以斯攸往危之道也不交於物物亦弗與无援之助故危則必戒而已无所告救也沈沒怯弱自守而已以斯而處於

羣小之中未足任者也故曰勿用永貞言不足用之於求貞

象曰弗過遇之位不

當也往厲必戒終不可長也六五密雲不

雨自我西郊公弋取彼在穴

小過者小者過於大也六得五位陰之盛

也故密雲不雨至于西郊也夫雨者陰布於上而陽薄之而不

得通則烝而為雨今艮止於下而不交焉故不雨也是故小畜



尚往而亨則不雨也小過陽不上交亦不雨也雖陰盛于上未能行其施也公者臣之極也五極陰盛故稱公也弋射也在穴者隱伏之物也小過者過小而難未大作猶在隱伏者也以陰質治小過能獲小過者也故曰公弋取彼在穴也除過之道不在取之足及密象曰密雲不雨已上也陽已上上雲未能雨也

六弗遇過之飛鳥離之凶是謂災眚小人之過遂至

上極過而不知限至于亢也過至於亢將何所遇飛而不已將何所託災自己致復何言哉象曰弗遇

過之已亢也

䷾ 離下坎上 既濟亨小利貞初吉終亂彖曰既

濟亨小者亨也既濟者以皆濟為義者也小者不遺乃為皆濟故舉小者以明既濟也

利貞剛柔正而位當也剛柔正而位當則邪不可初以行矣故唯正乃利貞也

吉柔得中也終止則亂其道窮也柔得中則小者亨也柔不

大過 六五 夫陽居陰位而得中故曰利貞



得中則小者未亨小者未亨雖剛得正則為未既濟也故既濟之要在柔得中也以既濟為家者道極無進終唯有亂故曰初吉終亂終亂不為自亂由止故亂故曰終止則亂也象曰水在火上既濟君

子以思患而豫防之

存不忘亡既濟不忘未濟也

初九曳其

輪濡其尾无咎

最處既濟之初始濟者也始濟未涉於燥故輪曳而尾濡也雖未造易心无顧

戀志奔難者也其於義也无所咎矣

象曰曳其輪義无咎也六二

婦喪其茀勿逐七日得

居中履正處文明之盛而應乎五陰之光盛者也然

居初三之閒而近不相得上不承三下不比初夫以光盛之陰處於二陽之閒近而不相得能无見侵乎故曰喪其茀也稱婦者以明自有夫而它人侵之也茀首飾也夫以中道執乎貞正而見侵者眾之所助也處既濟之時不容邪道者也時既明峻眾又助之竊之者逃竄而莫之歸矣量斯勢也不過七日不須已逐而自得也象曰七日得以

中道也九三高宗伐鬼方三年克之小人

勿用

處既濟之時居文明之終履得其位是居衰而未能濟者也故伐鬼方三年乃克也君子處之故能興也小人

居之遂喪邦也

象曰三年克之億也六四繻有衣袽

終日戒

繻宜曰濡衣袽所以塞舟漏也履得其正而近不與三五相得夫有隙之棄舟而得濟者有衣袽也

鄰於不親而得全者終日戒也

象曰終日戒有所疑也九五東

鄰殺牛不如西鄰之禴祭實受其福

牛祭之盛者也

禴祭之薄者也居既濟之時而處尊位物皆濟矣將何為焉其所務者祭祀而已祭祀之盛莫盛脩德故沼沚之毛蘋蘩之菜

可羞於鬼神故黍稷非馨明德惟馨是以東鄰殺牛不如西鄰之禴祭實受其福也

象曰東鄰殺

牛不如西鄰之時也

在於合時不在於豐也

實受其福吉

大來也上六濡其首厲

處既濟之極既濟道窮則之於未濟之於未濟則首先犯

焉過進不已則遇於難故濡其首也將沒不久危莫先焉

象曰濡其首厲何可久也





坎下離上

未濟亨小狐汔濟濡其尾无攸利



彖曰未濟亨柔得中也

以柔處中不違剛也能納剛健故得亨也

小狐

汔濟未出中也

小狐不能涉大川須汔然後乃能濟處未濟之時必剛健拔難然後乃能濟汔

乃能濟未能出險之中

濡其尾无攸利不續終也

小狐雖能渡而无餘力將

濟而濡其尾力竭於斯不能續終險難猶未足以濟也濟未濟者必有餘力也

雖不當位剛柔

應也

位不當故未濟剛柔應故可濟

象曰火在水上未濟君子

以慎辨物居方

辨物居方令物各當其所也

初六濡其尾吝

處未濟之初最居險下不可以濟者也而欲之其應進則弱身未濟之始始於既濟之上六也濡其首猶不反至于濡其尾不知紀極者也然以陰處下非為進亢遂其志者也困則能反故不曰凶事在已量而少困乃反頑亦甚矣故曰吝也  
象曰濡其尾亦不知極也九二曳其輪貞吉



體剛強中而應於五五體陰柔應與而不自任者也居未濟之時處險難之中體剛中之質而見任與拯救危難經綸也賽者也用健施難猶難在正而象曰九二貞吉中以行正不違中故曳其輪貞吉也

也

位雖不正中以行正也

六三未濟征凶利涉大川

以陰之位失位

居險不能自濟者也以不正之身力不能自濟而求進焉喪其身也故曰征凶也二能拯難而已比之棄已委二載二而行溺可得乎何憂未濟故曰利涉大川

象曰未濟征凶位不當也九

四貞吉悔亡震用伐鬼方三年有賞于大

國

處未濟之時而出險難之上居文明之初體乎剛質以近至尊雖履非其位志在乎正則吉而悔亡矣其志得行靡

禁其威故曰震用伐鬼方也伐鬼方者興衰之征也故每至興衰而取義焉處文明之初始出於難其德未盛故曰三年也五居尊以柔體乎文明之盛不奪物功者也故以大國賞之也

象曰貞吉悔亡志行

也六五貞吉无悔君子之光有孚吉

以柔居尊處文

明之盛為未濟之主故必正然後乃吉吉乃得无悔也夫以柔順文明之質居於尊位付與於能而不自後使武以文御剛以柔斯誠君子之光也付物以能而不疑也物則竭功斯克矣故曰有孚吉

象曰君子之光

其暉吉也上九有孚于飲酒无咎濡其首

有孚失是

未濟之極則反於既濟既濟之道所任者當也所任者當則可信之无疑而已逸焉故曰有孚

于飲酒无咎也以其能信於物故得逸豫而不憂於事之廢苟不憂於事之廢而耽樂之甚則至于失節矣由於有孚失於是矣故曰濡其首

象曰飲酒濡首亦不知節也

# 周易卷第六

經二千三十四字  
注四千九百一字

周易繫辭上第七

韓康伯注

天尊地卑乾坤定矣

乾坤其易之門戶先明天尊地卑以定乾坤之體

卑

高以陳貴賤位矣

天尊地卑之義既列則涉乎萬物貴賤之位明矣

動靜

有常剛柔斷矣

剛動而柔止也動止得其常體則剛柔之分著矣

方以類

聚物以羣分吉凶生矣

方有類物有羣則有同有異有聚有分也順其所同則吉乖其所趨則凶

故吉凶生矣

在天成象在地成形變化見矣

象況日月星辰形況山川草木也縣象運轉以成昏明山澤通氣而雲行雨施故變化見矣

是故剛柔

相摩

相切摩也言陰陽之交感也

八卦相盪

相推盪也言運化之推移

鼓之以

雷霆潤之以風雨日月運行一寒一暑乾



道成男坤道成女乾知大始坤作成物乾

以易知坤以簡能天地之道不為而善始易則易

知簡則易從易知則有親易從則有功順萬物之

情故曰有親通天有親則可久有功則可大有易

德則能成可可久則賢人之德可大則賢人之

業天地易簡萬物各載其形聖人不為羣方各遂其易簡

而天下之理得矣天下之理莫不由於易天下之

理得而成位乎其中矣成位況立象也極易簡則

故能成象並乎天地言

聖人設卦觀象此總繫辭焉而明吉凶剛柔

相推而生變化

繫辭所以明吉凶剛柔相推所以明變化也吉凶者存乎人事也變化者存乎

運行

是故吉凶者失得之象也

由有失得故吉凶生

悔吝

者憂虞之象也

失得之微者足以致憂虞而已故曰悔吝

變化者進退

之象也

往復相推迭進退也

剛柔者晝夜之象也

晝則陽剛夜則陰柔

始總言吉凶變化而下別明悔吝晝夜者悔吝則吉凶之類晝夜亦變化之道吉凶之類則同因繫辭而明變化之道則俱由剛柔而著故始總言之下則明失得之輕重辯變化之小大故別序其義也

之道也

三極三材也兼三材之道故能見吉凶成變化也

是故君子所居

而安者易之序也

序易象之次序

所樂而玩者爻之

辭也是故君子居則觀其象而玩其辭動

則觀其變而玩其占是以自天祐之吉无

不利

彖者言乎象者也

彖總一卦之義也

爻者言乎變者

也

爻各言其變也

吉凶者言乎其失得也悔吝者言

乎其小疵也无咎者善補過也是故列貴

賤者存乎位

爻之所處曰位六位有貴賤也

齊小大者存乎卦

卦有小大也齊猶言辯也即彖者言乎象也

辯吉凶者存乎辭

辭爻辭也即爻者言

乎變也言象所以明小大言變所以明吉凶故小大之義存乎卦吉凶之狀見乎爻至於悔吝无咎其例一也吉凶悔吝小疵

无咎皆生乎變事有小大故下歷言五者之差也

憂悔吝者存乎介

介纖介也王弼

曰憂悔吝之時其介不可慢也即悔吝者言乎小疵也

震无咎者存乎悔

无咎者善

補過也震動也故動而无咎存乎其悔過也

是故卦有小大辭有險易



其道光明曰大君子道消曰小  
之泰則其辭易之否則其辭險辭也者各指其所之

易與天地準

作易以準天地

故能彌綸天地之道仰

以觀於天文俯以察於地理是故知幽明

之故原始反終故知死生之說

幽明者有形元形之象死生者

始終之數也

精氣為物遊魂為變

精氣烟燭聚而成物聚極則散而遊魂為變也遊魂言其遊散

是故知鬼神之情狀

盡聚散之理則能知變化之道无幽而不通也

與天

地相似故不違

德合天地故曰相似

知周乎萬物而道

濟天下故不過

知周萬物則能以道濟天下也

旁行而不流

應變

旁通而不流淫也

樂天知命故不憂

順天之化故曰樂也

安土敦

乎仁故能愛

安土敦仁者萬物之情也  
物順其情則仁功贍矣

範圍天地

之化而不過

範圍者擬範天地  
而周備其理也

曲成萬物而不遺

曲成者乘變以應物不係  
一方者也則物宜得矣

通乎晝夜之道而知

通幽

故則无

故神无方而易无體

自此以上皆言神之所  
為也方體者皆係於形

器者也神則陰陽不測易則唯  
變所適不可以一方一體明

一陰一陽之謂道

道者何无

之稱也无不通也无不由也況之曰道寂然无體不可為象必  
有之用極而无之功顯故至乎神无方而易无體而道可見矣

故窮變以盡神因神以明道陰陽雖殊无一以待之在陰為繼  
无陰陰以之生在陽為无陽陽以之成故曰一陰一陽也

之者善也成之者性也仁者見之謂之仁

知者見之謂之知

仁者資道以見其仁知者  
資道以見其知各盡其分

百姓日

用而不知故君子之道鮮矣

君子體道以為用也  
仁知則帶於所見百

姓則日用而不知體斯道者不亦鮮矣故常无欲以觀其妙始可以語至而言極也

顯諸仁藏諸用衣被萬物故曰顯諸仁日用而不知故曰藏諸用鼓萬物

而不與聖人同憂萬物由之以化故曰鼓萬物也聖人雖體道以為用未能全无以為

體故順通天下則有經營之功也盛德大業至矣哉夫物之所以通事

乎道也聖人功用之母體同乎道盛德大業所以能至富有之謂大業廣大悉備故曰富有

日新之謂盛德體化合變故曰日新生生之謂易陰陽轉易以成化生

成象之謂乾擬乾之象效法之謂坤效坤之法極數知來

之謂占通變之謂事物窮則變變而通之事之所由生也陰陽不

測之謂神神也者變化之極妙萬物而為言不可以形詰者也故曰陰陽不測嘗試論之曰原夫兩儀之

運萬物之動豈有使之然哉莫不獨化於大虛歟爾而自造矣造之非我理自玄應化之无主數自冥運故不知所以然而況



之神是以明兩儀以大極為始變化而稱極乎神也夫唯知天之所為者窮理體化生忘遺照至虛而善應則以道為稱不思而玄覽則以神為名蓋資道而同乎道由神而冥於神者也

夫易廣矣大矣以言

乎遠則不禦

窮幽極深无所止也

以言乎邇則靜而正

則近而當

以言乎天地之間則備矣夫乾其靜也

專其動也直是以大生焉

專專一也直剛正也

夫坤其

靜也翕其動也闢是以廣生焉

翕歛也止則翕歛其氣動則闢

開以生物也乾統天首物為變化之元通乎形外者也坤則順以承陽功盡於已用止乎形者也故乾以專直言乎其材坤以

翕闢言乎其形

廣大配天地變通配四時陰陽之義

配日月易簡之善配至德

易之所載配此四義

子曰易

其至矣乎夫易聖人所以崇德而廣業也

窮理入神其德崇也  
兼濟萬物其業廣也

知崇禮卑

知以崇為貴  
禮以卑為用

崇效天

卑法地

極知之崇象天高而統物備  
禮之用象地廣而載物也

天地設位而易

行乎其中矣

天地者易之門戶而易之為義  
兼周萬物故曰行乎其中矣

成性存

存道義之門

物之存成由  
乎道義也

聖人有以見天下之賾而擬諸其形容象

其物宜

乾剛坤柔各有其  
體故曰擬諸形容

是故謂之象聖人有

以見天下之動而觀其會通以行其典禮

典禮適時  
之所用

繫辭焉以斷其吉凶是故謂之爻

言天下之至賾而不可惡也言天下之至

動而不可亂也

易之為書不可遠也惡之  
則逆於順錯之則乘於理

擬之而

後言議之而後動擬議以成其變化

擬議以動則盡

變化之道鳴鶴在陰其子和之我有好爵吾與爾

靡之

鶴鳴則子和脩誠則物應我有好爵與物散之物亦以善應也明擬議之道繼以斯義者誠以吉凶失得存乎

所動同乎道者道亦得之同乎失者失亦違之莫不以同相順以類相應動之斯來綏之斯至鶴鳴于陰氣同則和出言戶庭千里或應出言猶然況其大者乎千里或應況其通者乎故夫憂悔吝者存乎纖介定失得者慎於樞機是以君子擬議以動

慎其微也

子曰君子居其室出其言善則千里之

外應之況其邇者乎居其室出其言不善

則千里之外違之況其邇者乎言出乎身

加乎民行發乎邇見乎遠言行君子之樞

機

樞機制動之主

樞機之發榮辱之主也言行君子



之所以動天地也可不慎乎同人先號咷而後笑子曰君子之道或出或處或默或語二人同心其利斷金

同人終獲後笑者以有同心之應也夫所況同者豈

係乎一方哉君子出處默語不違其中則其迹雖異道同則應

同心之言其臭如蘭

初六藉用白茅无咎子曰苟錯諸地而可矣藉之用茅何咎之有慎之至也夫茅之爲物薄而用可重也慎斯術也以往其无所失矣勞謙君子有終吉子曰勞而不伐有功而不德厚之至也語以其功下人者也德言盛禮言恭謙也者致恭以存其位

者也亢龍有悔子曰貴而無位高而无民  
賢人在下位而无輔是以動而有悔也不  
出戶庭无咎子曰亂之所生也則言語以  
爲階君不密則失臣臣不密則失身幾事  
不密則害成是以君子慎密而不出也子  
曰作易者其知盜乎言盜亦乘  
蒙而至也易曰負且乘  
致寇至負也者小人之事也乘也者君子  
之器也小人而乘君子之器盜思奪之矣  
上慢下暴盜思伐之矣慢藏誨盜冶容誨  
淫易曰負且乘致寇至盜之招也

大衍之數五十其用四十有九王弼曰演天地之數所賴者五

十也其用四十有九則其一不用也不用而用以之通非數而數以之成斯易之大極也四十有九數之極也夫无不可以无

明必因於有故常於有物之極而必明其所由之宗也分而為二以象兩掛一

以象三揲之以四以象四時歸奇於扚以

象閏五歲再閏故再扚而後掛奇况四揲之餘不足復揲者也

分而為二既揲之餘合掛於一故曰再扚而後掛凡閏十九年七閏為一章五歲再閏者二故略舉其凡也天數

五五奇也地數五五耦也五位相得而各有合天地

之數各五五數相配以合成金木水火土天數二十有五五奇合為二十五地數

三十五耦合為三十凡天地之數五十有五此所以

成變化而行鬼神也變化以此成鬼神以此行乾之策二百



一十有六

陽爻六一爻三十六策  
六爻二百一十六策

坤之策百四十

有四

陰爻六一爻二十四策  
六爻一百四十四策

凡三百有六十當期

之日二篇之策萬有一千五百二十當萬

物之數也

二篇三百八十四爻陰陽各  
半合萬一千五百二十策

是故四營

而成易

分而為二以象兩一營也掛一以象三二  
營也揲之以四三營也歸奇於扚四營也

十有

八變而成卦八卦而小成引而伸之

伸之六十四卦

觸類而長之天下之能事畢矣顯道

顯明神

德行

由神以  
成其用

是故可與酬酢可與祐神矣

與可

應對萬物之求助成神化  
之功也酬酢猶應對也

子曰知變化之道者其知神之所為乎

變夫

化之道不爲而自然故知  
變化者則知神之所爲

易有聖人之道四焉以

言者尚其辭以動者尚其變以制器者尚

其象以卜筮者尚其占

此四者存乎器  
象可得而用也

是以君

子將有爲也將有行也問焉而以言其受  
命也如響无有遠近幽深遂知來物非天  
下之至精其孰能與於此參伍以變錯綜  
其數通其變遂成天地之文極其數遂定  
天下之象非天下之至變其孰能與於此  
易无思也无爲也寂然不動感而遂通天  
下之故非天下之至神其孰能與於此

夫非  
忘象

者則無以制象非遺數者无以極數至精者无籌策而不可亂  
至變者體一而无不周至神者寂然而无不應斯盖功用之母  
象數所由立故曰非至精至變至神則不得與於斯也

而研幾也唯深也故能通天下之志唯幾

也故能成天下之務極未形之理則曰深  
適動微之會則曰幾唯神也

故不疾而速不行而至子曰易有聖人之

道四焉者此之謂也四者由聖道以成  
故曰聖人之道

天一地二天三地四天五地六天七地八

天九地十易以極數通神明之德故明  
易之道先舉天地之數也子曰夫易何

爲者也夫易開物成務冒天下之道如斯

而已者也冒覆也言易通萬物之志成天  
下之志其道可以覆冒天下也是故聖人



以通天下之志以定天下之業以斷天下之疑是故著之德圓而神卦之德方以知

圓者運而不窮方者止而有分言著以圓象神卦以方象知也唯變所適無數不周故曰圓卦列爻分各有其體故曰方也

六爻之義易以貢

貢告也六爻變易以告吉凶

聖人以此洗

心

洗濯萬物之心

退藏於密

言其道深微萬物日用而不能知其原故曰退藏於密猶藏諸用也

吉凶與民同患

表吉凶之象以同民所憂患也

神以知

來知以藏往

明著卦之用同神知也著定數於始於卦為來卦成象於終於著為往來之用相成猶

神知也

其孰能與此哉古之聰明叡知神武而

不殺者夫

服萬物而不以威刑也

是以明於天之道而察

於民之故是興神物以前民用

定吉凶於始也

聖人

以此齊戒

洗心曰齊防惠曰戒

以神明其德夫是故闔

戶之謂坤

坤道包物

闢戶謂之乾乾道一闔一闢

謂之變往來不窮謂之通見乃謂之象

見兆

曰象形乃謂之器

成形曰器

制而用之謂之法利用

出入民咸用之謂之神

是故易有大極是生兩儀

夫有必始於无故大極生兩儀也大極者无稱

之稱不可得而名取其有之所極况之大極者也

兩儀生四象四象生八

卦

卦以

八卦定吉凶

八卦既立則吉凶可定

吉凶生大業

既定吉凶則廣大悉備

是故法象莫大乎天地變通莫大

乎四時縣象著明莫大乎日月崇高莫大

乎富貴

位所以一天下之動而濟萬物

備物致用立成器以爲

天下利莫大乎聖人探賾索隱鉤深致遠以定天下之吉凶成天下之亹亹者莫大乎蓍龜是故天生神物聖人則之天地變化聖人效之天垂象見吉凶聖人象之河出圖洛出書聖人則之易有四象所以示也繫辭焉所以告也定之以吉凶所以斷也易曰自天祐之吉无不利子曰祐者助也天之所助者順也人之所助者信也履信思乎順又以尚賢也是以自天祐之吉



无不利也

子曰書不盡言言不盡意然則聖人之意其不可見乎子曰聖人立象以盡意設卦以盡情偽繫辭焉以盡其言變而通之以盡利

極變通之數則盡利也故曰易窮則變變則通通則久

鼓之舞之以盡神

乾坤其易之韞耶

韞淵奧也

乾坤成列而易立

乎其中矣乾坤毀則無以見易易不可見則乾坤或幾乎息矣是故形而上者謂之

道形而下者謂之器化而裁之謂之變

因而制其

會通通變之道也

推而行之謂之通

乘變而往者無不通也

舉而錯

之天下之民謂之事業事業所以濟物故舉而錯之於民是故

夫象聖人有以見天下之賾而擬諸其形

容象其物宜是故謂之象聖人有以見天

下之動而觀其會通以行其典禮繫辭焉

以斷其吉凶是故謂之爻極天下之賾者

存乎卦鼓天下之動者存乎辭辭爻辭也爻以鼓動效天下之

動也化而裁之存乎變推而行之存乎通神

而明之存乎其人體神而明之不假於象故存乎其人默而成之

不言而信存乎德行德行賢人之德行也順足於內故默而成之也體與理會故不

言而信也

周易卷第七

經注



周易繫辭下第八

韓康伯注

八卦成列象在其中矣

備天下之象也

因而重之

在其中矣

夫八卦備天下之理而未極其變故因而重之以象其動用擬諸形容以明治亂之宜觀其所

應以著適時之功則爻卦之義所存各異故爻在其中矣剛柔相推變在其中矣

繫辭焉而命之動在其中矣

剛柔相推況八卦相盪或否或泰繫

辭焉而斷其吉凶况之六爻動以適時者也立卦之義則見於彖象適時之功則存之爻辭王氏之例詳矣

吉凶

悔吝者生乎動者也

有變動而後有吉凶剛柔者立本

者也變通者趣時者也

立本况卦趣時况爻

吉凶者貞

勝者也

貞者正也一也夫有動則未免乎累殉吉則未離乎凶盡會通之變而不累於吉凶者其唯貞者乎老子

曰王侯得一以爲天下貞萬變雖殊可以執一御也天地之道貞觀者也明夫天地

萬物莫不保其貞以全其用也日月之道貞明者也天下之動

貞夫一者也夫乾確然示人易矣夫坤隤

然示人簡矣確剛貌也隤柔貌也乾坤皆恒一其德物由以成故簡易也爻也者

效此者也象也者像此者也爻象動乎內

兆數見於卦也吉凶見乎外失得驗於事也功業見乎變功業由變以興

故見乎變也聖人之情見乎辭辭也者各指其所之故曰情也天地之

大德曰生施生而不爲故能常生故曰大德也聖人之大寶曰位夫

用則无所寶有用則有所寶也無用而常足者莫妙乎道有用而弘道者莫大乎位故曰聖人之大寶曰位何以

守位曰仁何以聚人曰財財所以資理財正

辭禁民爲非曰義古者包犧氏之王天下

也仰則觀象於天俯則觀法於地觀鳥獸

之文與地之宜聖人之作易无大不極无微不究大則取象天地細則觀鳥獸之文與地之宜

也近取諸身遠取諸物於是始作八卦以

通神明之德以類萬物之情作結繩而爲

罔罟以佃以漁盖取諸離離麗也罔罟之用必審物之所麗也魚麗于水

獸麗于山也包犧氏沒神農氏作斲木爲耜揉木

爲耒耨耨之利以教天下盖取諸益制器致豐以益

萬物日中爲市致天下之民聚天下之貨交

易而退各得其所盖取諸噬嗑噬嗑合也市人之所聚異方之



所合設法以合物噬嗑之義也

神農氏沒黃帝堯舜氏作通其

變使民不倦

通物之變故樂其器用不懈倦也

神而化之使民

宜之易窮則變變則通通則久

通變則無是窮故可久

以自天祐之吉无不利黃帝堯舜垂衣裳

而天下治蓋取諸乾坤

垂衣裳以辨貴賤乾尊坤卑之義也

剡木

為舟剡木為楫舟楫之利以濟不通致遠

以利天下蓋取諸隨

隨隨宜也服牛乘馬隨物所之各得其宜也

重門

擊柝以待賓客蓋取諸豫

其斷木為柝

掘地為臼臼杵之利萬民以濟蓋取諸小

過

以小用而濟物也

弦木為弧剡木為矢弧矢之利

以威天下盖取諸睽

睽乖也物乖則爭與弧矢之用所以威乖爭也

上古

穴居而野處後世聖人易之以宮室上棟

下宇以待風雨盖取諸大壯

宮室壯大於穴居故制為宮室取諸

大壯也

古之葬者厚衣之以薪葬之中野不封

不樹喪期无數後之聖人易之以棺槨盖

取諸大過

取其過厚

上古結繩而治後世聖人易

之以書契百官以治萬民以察蓋取諸夬

夬決也書契所以決斷萬事也

是故易者象也象也者像也彖

者材也

材才德也彖言成卦之材以統卦義也

文也者效天下之

動者也是故吉凶生而悔吝著也陽卦多

陰陰卦多陽其故何也陽卦奇陰卦耦夫

者多之所宗一者衆之所歸陽卦二陰故奇爲之君陰卦二陽故耦爲之主其德行何也辨陰

卦之德陽一君而二民君子之道也陰二君

而一民小人之道也陽君道也陰臣道也君以元爲統衆无爲則一也臣以有事代

終有事則二也故陽爻畫奇以明君道必一陰爻畫兩以明臣體必二斯則陰陽之數君臣之辨也以一爲君君之德也二居

君位非其道也故陽卦曰君易曰憧憧往來朋從爾

思天下之動必歸乎一思以求朋子曰天下何思何

慮未能一也一以感物不思而至天下何慮天下何

思何慮夫少則得多則惑塗雖殊其歸則同慮雖百其致不二苟識其要不在博求一以貫之不慮而盡矣

日往則月來月往則日來日月相推而明



生焉寒往則暑來暑往則寒來寒暑相推  
而歲成焉往者屈也來者信也屈信相感  
而利生焉尺蠖之屈以求信也龍蛇之蟄  
以存身也精義入神以致用也精義物理之微者也神寂然不動感而遂通故能乘天下之微會而通其用也利用安身以崇德也利用之道皆安其身而後動也精義由於入神以致其用利用由於安身以崇其德理必由於乎其宗事各本乎其根歸根則寧天下之理得也若役其思慮以求動用忘其安身以殉功美則僞彌多而理愈失名彌美而累愈彰矣過此以往未  
之或知也窮神知化德之盛也易曰困于  
石據于蒺藜入于其宮不見其妻凶子曰  
非所困而困焉名必辱非所據而據焉身

必危既辱且危死期將至妻其可得見邪  
易曰公用射隼于高墉之上獲之无不利  
子曰隼者禽也弓矢者器也射之者人也  
君子藏器於身待時而動何不利之有動  
而不括是以出而有獲語成器而動者也  
括結也君子待時而動則无結闕之患也子曰小人不恥不仁不畏不  
義不見利不勸不威不懲小懲而大誡此  
小人之福也易曰履校滅趾无咎此之謂  
也善不積不足以成名惡不積不足以滅  
身小人以小善爲无益而弗爲也以小惡

爲无傷而弗去也故惡積而不可揜罪大  
而不可解易曰何校滅耳凶子曰危者安  
其位者也亡者保其存者也亂者有其治  
者也是故君子安而不忘危存而不忘亡  
治而不忘亂是以身安而國家可保也易  
曰其亡其亡繫于苞桑子曰德薄而位尊  
知小而謀大力少而任重鮮不及矣易曰  
鼎折足覆公餗其形渥凶言不勝其任也  
子曰知幾其神乎君子上交不諂下交不  
瀆其知幾乎

形而上者況之道形而下者況之器於道  
不宜而有求焉未離乎諂也於器不絕而



有交焉未免乎瀆也能无諂瀆窮理者也幾者動之微吉之先見者也

幾者去无入有理而未形不可以名尋不可以形覩者也唯神

也不疾而速感而遂通故能朗然玄照鑒於未形也合抱之木

起於毫末吉山之彰始於微兆故爲吉之先見也君子見幾而作不俟終

日易曰介于石不終日貞吉介如石焉寧

用終日斷可識矣定之於始故不待終日也君子知微知

彰知柔知剛萬物之望此知幾其神乎子曰顏氏之

子其殆庶幾乎有不善未嘗不知知之未

嘗復行也在理則昧造形而悟顏子之分也失之於幾故有不善得之於二不遠而復故知之未嘗復行

也易曰不遠復无祇悔元吉吉凶者失得之象也得

形故得不遠而復舍凶之吉免失祇悔而終獲元吉祇大也

天地絪縕萬物化醇

男女構精萬物化生易曰三人行則損一

人一人行則得其交言致一也

致一而後化成也

子

曰君子安其身而後動易其心而後語定

其交而後求君子脩此三者故全也危以

動則民不與也懼以語則民不應也无交

而求則民不與也莫之與則傷之者至矣

易曰莫益之或擊之立心勿怙凶

夫虛已存誠則衆之

所不迂也躁以有求則物之所不與也子曰乾坤其易之門邪乾陽

物也坤陰物也陰陽合德而剛柔有體以

體天地之撰

撰數也

以通神明之德其稱名也

雜而不越

備物極變故其名雜也各得其序不相踰越况文辭之辭也

於稽其類

其衰世之意邪

有憂患而後作易世衰則失得彌彰文辭之辭所以辨失得故知衰世之意邪

稽猶考也

夫易彰往而察來而微顯闡幽

易无往不彰无來不察而

微以之顯幽以之闡闡明也

開而當名辨物正言斷辭則備

矣

開釋文卦使各當其名也理類辨明故曰斷辭也

其稱名也小其取類

也大

託象以明義因小以喻大

其旨遠其辭文其言曲而

中

變化无恒不可為典要故其言曲而中也

其事肆而隱

事顯而理微也

濟民行以明失得之報

貳則失得也因失得以通濟民行故明失得之報也失得

之報者得其會則吉乖其理則凶

易之興也其於中古乎作易者其有憂患



乎无憂患則不為而足也是故履德之基也基所躋也謙德之

柄也復德之本也夫動本於靜語始於默復者各反其所始故為德之本也恒

德之固也固不傾移也損德之脩也益德之裕也

能益物者其德寬大也困德之辯也困而益明井德之地也所處不移

象居得其所也巽德之制也巽所以申明命制也履和而至和而不至從物者也

和而能至故可履也謙尊而光復小而辨於物微而辨之恒

雜而不厭雜而不厭是以能恒損先難而後易刻損以脩身故先難

也身脩而无患故後易也益長裕而不設有所興為以益於物故曰長裕因物興務不虛設也

困窮而通處窮而不屈其道也井居其所而遷改邑不改井

而能遷其施也異稱而隱稱揚命令而百姓不知其由也履以和行謙以

制禮復以自

知求諸己也

恒以一德

以一為德也

損以遠

害

止於修身故可遠害而已

益以興利困以寡怨

困而不濫怨於物

井以辯義

施而无私義之亨也

巽以行權

權反經而合道必合乎巽順而後可

以行權也

易之為書也不可遠

擬議而動不可遠也

為道也屢遷

變動不居周流六虛

六虛六位也

上下无常剛柔

相易不可為典要

不可立定準也

唯變所適

變動貴乎適時趣舍

符乎會也

其出入

以度外內使知懼

明出入之度使物知外內之戒也出

入猶行藏外內猶隱顯遜以遠時為吉豐以幽隱致凶漸以高顯為美明夷以處昧利貞此外內之戒也

又明於

憂患與故

故事故也

无有師保如臨父母

安而不忘危存而不忘亡

終日乾乾不可以殆也初率其辭而揆其方既有典常循能

其辭以度其義原其初以要其終則唯變所適是其常苟非

其人道不虛行易之為書也原始要終以

為質也質體也卦兼終始之義也六爻相雜唯其時物也

爻各存乎其時物事也其初難知其上易知本末也初

辭擬之卒成之終夫事始於微而後至於著初者數之始擬議其端故難知也上者卦

之終事皆成著故易知也若夫雜物撰德辯是與非則非其

中爻不備噫亦要存亡吉凶則居可知矣

知者觀其彖辭則思過半矣夫彖者舉立象之統論中爻之義約

以存博簡以兼眾雜物撰德而一以貫之形之所宗者道眾之所歸者一其事彌繁則愈滯乎形其理彌約則轉近乎道彖之



為義存乎一也一之為用同乎道矣形二與四同功同陰功也

而異位有內外也其善不同二多譽二處中故多譽也四多

懼近也位逼於君故多懼也柔之為道不利遠者其要

无咎其用柔中也四之多懼以近君也柔之為道須援而濟故有不利遠者二之能无咎柔

而處三與五同功同陽功也而異位有貴賤也三多凶五

多功貴賤之等也其柔危其剛勝邪三五陽位柔非

其位處之則危居以剛健勝其任也夫所貴剛者閑邪存誠動而不違其節者也所貴柔者含弘居中順而不失其貞者也若

剛以犯物則非剛之道柔以卑接則非柔之義也易之為書也廣大悉備

有天道焉有人道焉有地道焉兼三材而

兩之故六六者非它也三材之道也說卦備矣

道有變動故曰爻爻有等故曰物等類也乾陽物也坤

陰物也爻有陰陽之類而後有剛柔之用故曰爻有等故曰物物相雜故曰文剛柔交錯玄黃

雜相文不當故吉凶生焉易之興也其當殷

之末世周之盛德耶當文王與紂之事邪

文王以盛德蒙難而能亨其道是故其辭危文王與紂之事危其

辭危者使平易者使傾易慢其道甚大百物

不廢懼以終始其要无咎此之謂易之道

也夫文不當而吉凶生則保其存者亡不忘亡者存有其治也者亂不忘危者安懼以終始歸於无咎安危之所由爻象

之大體也

夫乾天下之至健也德行恒易以知險夫

坤天下之至順也德行恒簡以知阻能說

諸心能研諸侯之慮

諸侯物主有為者也能說萬物之心能精為者之務

定

天下之吉凶成天下之亹亹者是故變化

云為吉事有祥象事知器占事知來

夫變化云為者

行其吉事則獲嘉祥之應觀其象事則知制器之方玩其占事則觀方來之驗也

天地設位聖

人成能

聖人乘天地之正萬物各成其能

人謀鬼謀百姓與能

謀人

況議於眾以定失得也鬼謀況寄卜筮以考吉凶也不役思慮而失得自明不勞探射而吉凶自著類萬物之情通幽深之故

故百姓與能樂推而不厭也

八卦以象告

以象告人

爻彖以情言

有辭

險易而各得其情也

剛柔雜居而吉凶可見矣變動以

利言

變而通之以盡利也

吉凶以情遷

吉凶无定唯人所動情順乘理以之吉情逆違



道以臨凶故曰是故愛惡相攻而吉凶生順何吉

何凶愛惡相攻然後遠近相取而悔吝生相取猶

遠近之文互相資情偽相感而利害生情以感物則

取而後有悔吝也物則致凡易之情近而不相得則凶近況比爻也

害也相摩變動相通者也近而不相得必有乖違之患或有相違而

无患者得其應也相順而皆凶者乖於時也存事以考之則義

可見或害之悔且吝夫无對於物而後盡全順之道豈

悔吝也或欲將叛者其辭慙中心疑者其辭

枝吉人之辭寡躁人之辭多誣善之人其

辭游失其守者其辭屈

周易卷第八

周易八

八

周易說卦第九

韓康伯注

昔者聖人之作易也幽贊於神明而生蓍

幽深也贊明也蓍受命如響不知所以然而然也參天兩地而倚數

參奇也兩耦也觀變於陰陽而立卦

卦象也蓍數也卦六八陰數觀變於陰陽而立卦則雷風相薄山澤

通氣擬象陰陽變化之體蓍則錯綜天地參兩之數蓍極數以定象卦備象以盡數故蓍曰參天兩地而倚數卦曰觀變於陰也

陽也發揮於剛柔而生爻

剛柔發散變動相生和順於道德

而理於義窮理盡性以至於命

命者生之極窮理則盡其極也昔者聖人之作易也將以順性命之理是

以立天之道曰陰與陽立地之道曰柔與



剛在天成象在地成形陰陽者言其氣剛柔者言其形變化始於氣象而後成形萬物資始乎天成形乎地故天曰陰陽地曰柔剛也或有在形而言陰陽者本其始也在氣而言柔剛者要其終也立人之道曰仁

與義兼三才而兩之故易六畫而成卦分

陰分陽迭用柔剛故易六位而成章設六爻以效三才之動故六畫而成卦也六位爻所處之位也二四為陰三五為陽故曰分陰分陽六爻升降或柔或剛故曰迭用柔剛也

天地定位山澤通氣雷風相薄水火不相

射八卦相錯數往者順知來者逆易八卦相錯變理備於往則順而知之於來則逆而數之是故易逆數也

雷以動之風以散之雨以潤之日以烜之

艮以止之兌以說之乾以君之坤以藏之

帝出乎震齊乎巽相見乎離致役乎坤說  
言乎兌戰乎乾勞乎坎成言乎艮萬物出  
乎震震東方也齊乎巽巽東南也齊也者  
言萬物之絜齊也離也者明也萬物皆相  
見南方之卦也聖人南面而聽天下嚮明  
而治蓋取諸此也坤也者地也萬物皆致  
養焉故曰致役乎坤兌正秋也萬物之所  
說也故曰說言乎兌戰乎乾乾西北之卦  
也言陰陽相薄也坎者水也正北方之卦  
也勞卦也萬物之所歸也故曰勞乎坎艮

東北之卦也萬物之所成終而所成始也

故曰成言乎艮

神也者妙萬物而爲言者也

於此言神者明八卦運動變化推移

莫有使之然者神則无物妙萬物而爲言也則雷疾風行火炎水潤莫不自然相與爲變化故能萬物既成也動萬

物者莫疾乎風燥萬物者莫熯乎火說萬

物者莫說乎澤潤萬物者莫潤乎水終萬

物始萬物者莫盛乎艮故水火相逮雷風

不相悖山澤通氣然後能變化既成萬物

也

乾健也坤順也震動也巽入也坎陷也離



麗也艮止也兌說也乾爲馬坤爲牛震爲  
龍巽爲雞坎爲豕離爲雉艮爲狗兌爲羊  
乾爲首坤爲腹震爲足巽爲股坎爲耳離  
爲目艮爲手兌爲口乾天也故稱乎父坤  
地也故稱乎母震一索而得男故謂之長  
男巽一索而得女故謂之長女坎再索而  
得男故謂之中男離再索而得女故謂之  
中女艮三索而得男故謂之少男兌三索  
而得女故謂之少女  
乾爲天爲圜爲君爲父爲王爲金爲寒爲

冰爲大赤爲良馬爲老馬爲瘠馬爲駁馬  
爲木果

坤爲地爲母爲布爲釜爲吝嗇爲均爲子  
母牛爲大輿爲文爲衆爲柄其於地也爲  
黑

震爲雷爲龍爲玄黃爲旉爲大塗爲長子  
爲決躁爲蒼莨竹爲萑葦其於馬也爲善  
鳴爲馵足爲作足爲的顙其於稼也爲反  
生其究爲健爲蕃鮮

巽爲木爲風爲長女爲繩直爲工爲白爲

長爲高爲進退爲不果爲臭其於人也爲  
寡髮爲廣顙爲多白眼爲近利市三倍其  
究爲躁卦

坎爲水爲溝瀆爲隱伏爲矯輳爲弓輪其  
於人也爲加憂爲心病爲耳痛爲血卦爲  
赤其於馬也爲美脊爲亟心爲下首爲薄  
蹄爲曳其於輿也爲多青爲通爲月爲盜  
其於木也爲堅多心

離爲火爲日爲電爲中女爲甲冑爲戈兵  
其於人也爲大腹爲乾卦爲鼃爲蟹爲贏



為蚌為龜其於木也為科上槁

艮為山為徑路為小石為門闕為果蓏為  
閨寺為指為狗為鼠為黔喙之屬其於木  
也為堅多節

兌為澤為少女為巫為口舌為毀折為附  
決其於地也為剛鹵為妾為羊

周易序卦第十

有天地然後萬物生焉盈天地之間者唯  
萬物故受之以屯屯者盈也屯者物之始  
生也

屯剛柔始交故  
為物之始生也

物生必蒙故受之以蒙蒙

者蒙也物之穉也物穉不可不養也故受之以需需者飲食之道也飲食必有訟故受之以訟夫有比則有資有資則爭興也訟必有衆起故受之以師師者衆也衆必有所比故受之以比衆起而不比則爭无由息必相親比而後得寧也比者比也比必有所畜故受之以小畜比非大通之道則各有所畜以相濟物也由比而畜故曰小畜而不能大也畜然後有禮故受之以履履者禮也禮所以適用也故既畜則宜用有用則須禮也履而泰然後安故受之以泰泰者通也物不可以終通故受之以否物不可以終否故受之以同人否則思通人人同志故可出門同人不謀而合與人

同者物必歸焉故受之以大有有大者不

可以盈故受之以謙有大而能謙必豫故

受之以豫豫必有隨順以動者衆之所隨故受之以隨

以喜隨人者必有事故受之以蠱蠱者事

也有事而後可大可大之業由事而生故受之以臨臨

者大也物大然後可觀故受之以觀可觀

而後有所合故受之以噬嗑可觀則異方合會也嗑者

合也物不可以苟合而已故受之以賁賁

者飾也物相合則須飾以脩外也致飾然後亨則盡矣故

受之以剥極飾則實喪也剥者剥也物不可以終盡



剝窮上反下故受之以復復則不妄矣故  
受之以无妄有无妄然後可畜故受之以  
大畜物畜然後可養故受之以頤頤者養  
也不養則不可動故受之以大過不養則不可動養過  
則物不可以終過故受之以坎坎者陷也  
過而不已陷必有所麗故受之以離離者麗  
則陷沒也  
也物窮則變極陷則反所麗也  
有天地然後有萬物有萬物然後有男女  
有男女然後有夫婦有夫婦然後有父子  
有父子然後有君臣有君臣然後有上下

有上下然後禮義有所錯

言咸卦之義也凡序卦所明非易之緼也蓋因

卦之次託以明義咸柔上而剛下感應以相與夫婦之象莫美乎斯人倫之道莫大乎夫婦故夫子躬勤深述其義以崇人倫之始而不係之於離也先儒以乾至離為上經天道也咸至未濟為下經人事也夫易六畫成卦三材必備錯綜天人以效變化豈有天道人事偏於上下哉斯蓋守文而不求義失之遠矣夫婦之道不可以不

久也故受之以恒恒者久也物不可以久

居其所故受之以遯遯者退也

夫婦之道以恒為貴而物之所

居不可以恒宜與世升降有時而遯也

物不可以終遯

遯君子以遠小人而後亨何可終

邪則小人遂陵君子日消也

故受之以大壯

陽盛陰消君子道勝

物不可

以終壯故受之以晉

晉以柔而進也

晉者進也

雖以柔而進要

是進也

進必有所傷故受之以明夷

日中則昃月盈則食

夷者傷也傷於外者必反於家故受之以

家人

傷於外必反脩諸內

家道窮必乖

室家至親過在失節故家人之義雖嚴與敬樂

勝則流禮勝則離家

人尚嚴其敬必乖也故受之以睽睽者乖也乖必

有難故受之以蹇蹇者難也物不可終難

故受之以解解者緩也緩必有所失故受

之以損損而不已必益故受之以益益而

不已必決

益而不已則盈故必決也

故受之以夬夬者決也

決必有遇

以正決邪必有嘉遇也

故受之以姤姤者遇也

物相遇而後聚故受之以萃萃者聚也聚

而上者謂之升故受之以升升而不已必



困故受之以困困乎上者必反下故受之

以井井道不可不革

井久則濁穢宜革易其故

故受之以革

革物者莫若鼎故受之以鼎

革去故鼎取新既以去故則宜制器

立法以治新也鼎所以和濟生物成新之器也故取象焉

主器者莫若長子故

受之以震震者動也物不可以終動止之

故受之以艮艮者止也物不可以終止故

受之以漸漸者進也進必有所歸故受之

歸妹得其所歸者必大故受之以豐豐者

大也窮大者必失其居故受之以旅旅而

无所容故受之以巽

旅而无所容以巽則得所入也

巽者入也

入而後說之故受之以兌兌者說也說而

後散之故受之以渙說不可偏係故宜散也渙者離也渙

發暢而无所壅滯則生趣各肆而不反則遂乖離也物不可以終離故受之

以節夫事有其節則物之所同守而不散越也節而信之故受之以中

孚孚信也既已有節則宜信以守之有其信者必行之故受之

以小過守其信者則失貞而不諒之道而以信為過故曰小過也有過物者必濟

行過乎恭禮過乎儉可以矯世厲俗有所濟也故受之以既濟物不可窮

也故受之以未濟終焉有為而能濟者以已窮物者也物窮則乖功極則亂

其可濟乎故受之以未濟也

周易雜卦第十一雜卦者雜糅眾卦錯綜其義或以同相類或以異相明也



乾剛坤柔比樂師憂雜比則樂動眾則憂臨觀之義或

與或求以我臨物故曰與物來觀我故曰求屯見而不失其居也利建侯君子

經綸之時雖見而磐相利貞不失其居也蒙雜而著雜者未知所定也求發其蒙則終得所定著定也

震起也艮止也損益盛衰之始也極損則益極益則損

大畜時也因時而畜故能大也无妄災也无妄之世妄則災也萃聚

而升不來也來還也方在上升故不還也謙輕而豫怠也謙者不自

也噬嗑食也賁无色也飾貴合眾无定色也兌見而巽伏

也兌貴顯說巽貴卑退隨无故也蠱則飭也隨時之宜不繫於故也隨則有

事受之以蠱飭整治也蠱所以整治其事也剥爛也物熟則剥落也復反也晉晝

也明夷誅也誅傷也井通而困相遇也井物所通用而不吝



也困安所遇而不濫也

咸速也

物之相應莫速乎咸

恒久也渙離也節

止也解緩也蹇難也睽外也相疏外也家人內也

否泰反其類也大壯則止遯則退也大正則小人止

小人亨則君子退大有衆也同人親也革去故也鼎

取新也小過過也中孚信也豐多故也高者

懼危滿者戒盈豐大者多憂故也親寡旅也親寡故寄旅也離上而坎下

也火炎上水潤下小畜寡也不足以兼濟也履不處也王弼云履卦陽爻皆以不

處其位為吉也需不進也畏險而止也訟不親也大過顛也

本未弱也遯遇也柔遇剛也漸女歸待男行也

女從男也頤養正也既濟定也歸妹女之終也

女終於出嫁也

未濟男之窮也

剛柔失位其道未濟故曰窮也

夬夬也剛

決柔也

君子道長小人道憂也

君子以決小人見

長其道小人見

決去為深憂也

周易卷第九

周易略例序

唐四門助教邢

璣

註

原夫兩儀未位神用藏於視聽一氣化矣  
至蹟隱乎名言於是河龍負圖犧皇畫卦  
仰觀俯察遠物近身八象窮天地之情六  
位備剛柔之體言大道之妙有一陰一陽  
論聖人之範圍顯仁藏用寔三元之胎祖  
鼓舞財成爲萬有之著龜知來藏往是以  
孔子三絕未臻樞奧劉安九師尚迷宗旨  
臣舞象之年鼓篋鱣序漁獵墳典偏習周



易研窮耽玩無舍寸陰是知卦之紀綱周  
文王之言略矣象之吉凶魯仲尼之論備  
矣至如王輔嗣略例大則揔一部之指歸  
小則明六爻之得失承乘逆順之理應變  
情僞之端用有行藏辭有險易觀之者可  
以經緯天地探測鬼神匡濟邦家推辟咎  
悔雖人非上聖亦近代一賢臣謹依其文  
輒爲註解雖不足敷弘易道庶幾有裨於  
教義亦猶螢爝增輝於太陽涓流助深於  
巨壑臣之志也敢不上聞

周易略例卷第十

明彖

王弼

夫彖者何也

將釋其義故假設問端而曰何

統論一卦之體明

其所由之主者也

統論一卦功用之體明辯也辯卦體功用所由之主立主之義義在

一文明辯也

夫衆不能治衆治衆者至寡者也

萬物

是衆一是寡衆不能治衆治衆者至少以治之也

夫動不能制動制天下

之動者貞夫一者也

天下之動動則不能自制制其動者貞之一者也老子曰王侯

得一以爲天下貞然則一爲君體君體合道動是衆衆由一致也制衆歸一故靜爲躁君安爲動主

故衆之

所以得咸存者主必致一也

致猶歸也衆得皆存其存有必歸於

一故無心於存皆得其存也

動之所以得咸運者原必无二

也動所以運運不已者謂无二物无妄然必由其理

物衆也妄虛妄也天下之衆衆皆无妄无妄之理必由君主統之也統之有宗會之有

元統領之以宗主會合之以元首故繁而不亂衆而不惑統之有宗主雖

繁而不亂會之以元首雖衆而不惑故六爻相錯可舉一以明也

錯雜也六爻或陰或陽錯雜交亂舉貞一之主以明其用剛柔相乘可立主以定

也六爻有剛有柔或乘或據有逆有順可立主以定之是故雜物撰德撰數也雜聚也聚其

物體數其德行辯是與非辯明也得位而承之是失位而據之非也則非其中

爻莫之備矣然則非是中之爻莫之能備訟彖云訟有孚窒惕中吉剛來而得中也困彖云貞

大人吉以剛中也之例是也故自統而尋之物雖衆則知可

以執一御也无爲之一者道也君也統而推尋萬物雖殊一之以神道百姓雖衆御之以君主也



由本以觀之義雖博則知可以一名舉也

博廣也本謂君也道也義雖廣舉之在一也

故處璇璣以觀大運則天

地之動未足怪也據會要以觀方來則六

合輻湊未足多也

天地雖大觀之以璇璣六合雖廣據之以要會天地之運不足怪其

大六合輻湊不足稱其多

故舉卦之名義有主矣觀其彖

辭則思過半矣

彖總卦義義主中爻簡易者道也君也道能化物君能馭民智者觀之思

過其半

夫古今雖殊軍國異容中之爲用故

未可遠也

古今革變軍國殊別中正之用終無疏遠

品制萬變宗主

存焉彖之所尚斯爲盛矣

品變積萬存之在一

夫少者

多之所貴也寡者衆之所宗也

自此以下明至少者爲至多之

所主豈直指其中爻而已

一卦五陽而一陰則一陰爲之主

矣

同人履小畜大有之例是也

五陰而一陽則一陽爲之主

矣

師比謙豫復剝之例是也

夫陰之所求者陽也陽之所

求者陰也

王弼曰夫陰陽相求之物以所求者貴也

陽苟一也五陰

何得不同而歸之陰苟隻焉五陽何得不

同而從之故陰爻雖賤而爲一卦之主者

處其至少之地也

王氏曰陽貴而陰賤以至少處至多之地爻雖賤衆亦從之小畜彖

云柔得位而上下應之是也

或有遺爻而舉二體者卦體不

由乎爻也

遺棄也棄此一爻而舉二體以明其義繁而卦體之義不在一爻豐歸妹之類是也

不憂亂變而不憂惑約以存博簡以濟衆



其唯豕乎

簡易者道也君也萬物是眾道能生物君能養民物雖繁不憂錯亂又雖變不憂迷惑

亂

而不能惑變而不能渝非天下之至蹟其

孰能與於此乎

萬物雖雜不能惑其君六爻雖變不能渝其主非天下之至蹟神武之君其孰

能與於此言不能也

故觀豕以斯義可見矣

觀豕以斯其義可見

明爻通變

夫爻者何也

將釋其義假設問辭

言乎變者也

爻者效也物剛效剛

物柔效柔遇物而變動有

變者何也情偽之所為

也

變之所生生於情偽情偽所適巧詐多端故云情偽之所為也

夫情偽之動非數

之所求也

情欲偽動數莫能求

故合散屈伸與體相乖

物之為體或性同行乖情貌相違同歸殊塗一致百慮故萃卦六二引吉无咎萃之為體貴相從就六二志在靜退不欲相就



人之多辟已獨取正其體雖合志則不同故曰合散乾之初九潛龍勿用初九身雖潛屈情无憂悶其志則申故曰屈伸形

躁好靜質柔愛剛體與情反質與願違如至

風虎雲龍嘯吟相感物之體性形願相從此則情體乖違質願相反故歸妹九四歸妹愆期遲歸有時四體是震是形躁也愆

期待時是好靜也履卦六三武人爲于大君志剛也巧歷不

兌體是陰是質柔也志懷剛武爲于大君是愛剛也巧歷不

能定其筭數聖明不能爲之典要萬物之情雖復巧歷聖明不能定筭其數制典法立要會也法制所不能齊度量所

不能均也雖復法制度量不能均齊詐僞長短爲之乎豈在夫大

哉情有巧僞變動相雜不在於大而聖明巧歷尚測不知豈在乎大哉陵三軍者或懼

於朝廷之儀暴威武者或困於酒色之娛

陵三軍暴威武視死如歸若獻酬揖讓汗成霰露北皆體質剛猛懼在微小故大畜初九有厲利已九三與說輻雖復剛健怯

於柔也近不必比達不必乖近爻不必親比遠爻不必

近守貞不從九五雖遠十年乃字此倒是也同聲相應高下不必均也

同氣相求體質不必齊也初四二五三上同聲相應不必均高卑也同氣

相求不必齊形質也召雲者龍命呂者律雲水氣也龍水畜也召水氣者水畜

此明有識感无識命陰呂者陽律此明无識感有識故二女相違而剛柔合

體二女俱是陰類而相違剛柔雖異而合體此明異類相應隆墀永歎遠聲必盈

隆高也墀水中墀也永長也處高墀而長歎遠聲之中盈響而應九五尊高喻於隆墀六二卑下同於遠聲唱和相應也

投戈散地則六親不能相保投置也散逃也置兵戈於逃散之地

雖是至親不能相保守也遯卦九四好遯君子吉處身於外難在於內處外則超然遠遯初六至親不能相保守也同

舟而濟則吳越何患乎異心同在一舟而俱濟彼岸胡越雖殊其



心皆同若漸卦三四異體和好物莫能聞順而相保似若  
同在一舟上下殊體猶若吳越利用禦寇何患乎異心 故

苟識其情不憂乖遠苟明其趣不煩强武

苟識同志之情何憂胡越也苟能說諸心能研諸慮

諸物之心憂其凶患爻變示之則物心皆說 睽而知其類

異而知其通也睽豕曰萬物睽而其事類 其唯明爻

者乎知趨舍察安危辯吉凶 故有善邇而遠至命

宮而商應善脩治也邇近也近脩治言語千里遠應若中

聲同則應有脩下而高者降與彼而取此者

服矣處下脩正高以命之否之初六拔茅貞吉九四有命時

服者感君之德大有六五厥 是故情偽相感遠近相

孚交加威如吉之倒昇也



追

正應相感是實情寔之二五之例不正相感是偽情顯之三上之例有應雖遠而相追賡之三上之例無應近則相取賁

之二三之

愛惡相攻屈伸相推

同人三四有愛有惡迭相攻伐否泰二卦

一屈一伸

見情者獲直往則違

往必得志屯之六

四求婚媾往吉无不利之例不揆則往彼必相違六三即鹿无虞惟入于林中君子幾不如舍往吝之例是也故擬

議以成其變化語成器而後有格

格作括括也動則

擬議極於變化語成器而後无結閱之患也

不知其所以爲主鼓舞而

天下從者見乎其情者也

鼓舞猶變化也易道變化應人如響退藏於密

不知爲主也其爲變化萬物莫不從之而變是顯見其情繫辭曰聖人之情見乎辭又曰鼓之舞之以盡神

是故

範圍天地之化而不過曲成萬物而不遺

範法也圍周圍也模範周圍天地變化之道而不過差委曲成就萬物而不有遺失通乎晝夜

之道而无體一陰一陽而无窮

陽通晝陰通夜晝夜猶變化也

極神妙之道而无體可明一者道也道者虛无也在陰之時不以生長而為功在陽之時不以生長而為力是以生長无窮若物之功極豈得无窮乎非天下之至變其孰能與於此哉

非六爻至極通變以應萬物則不能與於此也

是故卦以存時爻

以示變

明卦適變通爻

夫卦者時也爻者適時之變者也

卦者統一時之大義

爻者適時中之通變

夫時有否泰故用有行藏

泰時則行否時則藏

卦有小大故辭有險易

陰長則小陽生則大一時

之制可反而用也一時之吉可反而凶也



一時有大畜之制反有天衢之用一故卦以反對而爻

亦皆變

諸卦之體兩相反正其爻隨卦而變泰之初九拔茅

是故用无常道事无軌度動靜屈伸唯變

所適

卦既推移道用无常爻逐時變故事无軌度動出靜入屈往伸來唯變所適也

故名其卦

則吉凶從其類存其時則動靜應其用

其名

謙比則吉從其類名其蹇剝則凶從其類震時則動應其用艮時則靜應其用

尋名以觀其吉

凶舉時以觀其動靜

尋謙比蹇剝則觀知吉凶也舉艮震則觀知動靜也則

一體之變由斯見矣夫應者同志之象也

位者爻所處之象也

得應則志同相和陰位小人所處陽位君子所處

承乘

者逆順之象也遠近者險易之象也

陰承陽則順陽



承陰則逆故小過六五乘剛逆也六二承陽順也遠難  
則易近難則險需卦九三近坎險也初九遠險易矣  
內外

者出處之象也初上者始終之象也  
內卦是處外卦

是出初為始上為終是故雖遠而可以動者得其應也

雖險而可以處者得其時也  
上下雖遠而動者有其應也革六二

去五雖遠陰陽相應往者无咎也雖險可以處者得其時也需上六居險之上不憂出穴之凶得其時也弱而不

懼於敵者得所據也憂而不懼於亂者得

所附也  
師之六五為師之主體是陰柔禽來犯田執言往討處得尊位所以不懼也遯九五嘉遯貞吉處遯

之時小人浸長君子道消逃遯於外柔而不憂於斷者

得所御也雖後而敢為之先者應其始也

體雖柔弱不憂斷制良由柔御於陽終得剛勝則噬嗑六五噬乾肉得黃金之例初爻處下有應於四者即是體後而敢

爲之先則泰之初九拔茅茹以其彙征吉之倒是也

物競而獨安於靜者要

其終也

物甚爭競已獨安靜會其終也大有上九自天祐之吉无不利餘並乘剛競其豐富已獨安靜不處

於位由居上極要其終也

故觀變動者存乎應察安危者

存乎位

又有變動在乎應有應而動動則不失若謙之九三勞謙君子有終吉之例又之安危在乎位得位

則安若節之六四安節亨之例失位則危若晉之九四晉如鼫鼠貞厲之類是

辯逆順者存乎

承乘

陰乘於陽逆也師之六二師或輿尸凶陰承於陽順也噬嗑六三小吝无咎承於九四雖失其正小吝无咎也

明出處者存乎外內

遯君子處外臨君子處內

遠近終始各

存其會

適得其時則吉失其要會則凶

避險尚遠趨時貴近

之

上九肥遯无不利此尚遠也觀之六四觀國之光利用賓于王此貴近也

比復好先乾壯惡

首

比初六有孚无咎上六比之无首凶復之初九不遠復无祇悔无吉上六迷復凶乾上九亢龍有悔大壯上六羝羊

觸藩不能退不能遂  
无攸利之例是也

明夷務闇豐尚光大

明夷彖云利艱貞晦

其明也豐錄云勿憂宜日中是也

吉凶有時不可犯也

時有吉凶不可越分

輕犯動靜有適不可過也

動靜適時不可過越而動

犯時之

忌罪不在大失其所適過不在深

若夫之九三壯于頄

有凶得位有應時方陽長同決小人三獨應之犯時之忌凶其宜也大過九四棟隆吉有它吝大過之時陽處陰位爲美九四

陽處陰位能隆其棟良由應初則有它吝此所適違時也

動天下滅君主而不可

危也

事之大者震動宇宙弑滅君主違於臣道不可傾危若離之九四突如其來如焚如死如棄如之例是也

侮妻子用顏色而不可易也

事之小者侮慢妻子用顏色若家人

尚嚴不可慢易家人九三家人嗃嗃悔厲吉婦子嘻嘻終吝是也

故當其列貴賤之

時其位不可犯也

位有貴賤爻有尊卑職分既定不可觸犯

遇其憂悔



吝之時其介不可慢也

吉凶之始彰也存乎微兆悔吝纖介雖細不可慢易

而不慎也

觀爻思變變斯盡矣

明象

夫象者出意者也言者明象者也

立象所以表出其意

作其言者顯明其象若乾能變化龍是變物欲明乾象假龍以明乾欲明龍者假言以象龍則象之意也

盡意

莫若象盡象莫若言

象以表意言以盡象

言生於象故

可尋言以觀象

若言能生龍尋言可以觀龍

象生於意故可

尋象以觀意

乾能明意尋乾以觀其意

意以象盡象以言

著

意之盡也象以盡之象之著也言以著之

故言者所以明象得象

而忘言象者所以存意得意而忘象

既得龍象其言

可忘既得乾猶蹄者所以在兔得兔而忘蹄

意其龍可捨蹄得兔以喻象存

也求魚在筌然則言者象之蹄也象者意之

筌也蹄以喻言是故存言者非得象者也存

象者非得意者也未得意者存言言則非象象生

於意而存象焉則所存者乃非其象也存

者在言生於象而存言焉則所存者乃非

其言也所存者在象也然則忘象者乃得意者也忘

言者乃得象者也忘象得意得意在忘象得

象在忘言棄執而後得之故立象以盡意而象可忘

也重畫以盡情而畫可忘也

盡意可遺象盡情可遺畫若盡和同之意

忘其天火之象得同志之心拔茅之畫盡可棄也

是故觸類可爲其象合

義可爲其徵

徵驗也觸達事類則爲象魚龍牛馬鹿孤鼠之類大人君子義同爲驗也

義

苟在健何必馬乎類苟在順何必牛乎

壯大

九三有乾亦云羝羊坤卦无乾亦云牝馬

又苟合順何必坤乃爲牛

義苟應健何必乾乃爲馬

遯无坤六二亦稱牛明夷无健六二亦稱馬

而或者定馬於乾

唯執乾爲馬其象未弘也

案文責卦有

馬无乾則僞說滋漫難可紀矣互體不足

遂及卦變變又不足推致五行

推廣金木水火土爲象也

一失其原巧愈彌甚

一失聖人之原旨廣爲譬喻失之甚

縱復或



值而義无所取蓋存象忘意之由也失魚兔則空守

筌蹄遺健順則則空說龍馬

象以求其意義斯見矣

辨位

案象无初上得位失位之文陰陽居之不云得失又繫

辭但論三五二四同功異位亦不及初上

何乎問其意也唯乾上九文言云貴而无位陽之居也需

上六云雖不當位陰之居也若以上為陰位邪則

需上六不得云不當位也若以上為陽位

邪則乾上九不得云貴而无位也陰陽處

之皆云非位而初亦不說當位失位也論不

當位失位凶吉之由

然則初上者是事之終始无陰陽

定位也

初為始上為終施之於人為終始非祿位之地也

故乾初謂之潛過

五謂之无位未有處其位而云潛上有位

而云无者也歷觀眾卦盡亦如之初上无

陰陽定位亦以明矣夫位者列貴賤之地

待才用之宅也

宅居也二四陰賤小人居之三陽貴君子居之

爻者守

位分之任應貴賤之序者也

各守其位應之以序

位有

尊卑爻有陰陽尊者陽之所處卑者陰之

所履也故以尊為陽位卑為陰位去初上

而論位分則三五各在一卦之上亦何得

不謂之陽位二四各在一卦之下亦何得  
不謂之陰位初上者體之終始事之先後  
也故位无常分事无常所非可以陰陽定  
也尊卑有常序終始无常主四爻有尊卑之序終始无陰陽之常主也  
故繫辭但論四爻功位之通例而不及初  
上之定位也然事不可无終始卦不可无  
六爻初上雖无陰陽本位是終始之地也  
統而論之爻之所處則謂之位卦以六爻  
爲成則不得不謂之六位時成也

略例下



凡體具四德者則轉以勝者為先故曰元

亨利貞也元為生物之始春也亨為會聚於物夏也利為和諧品物秋也貞能幹濟於物冬也乾用此四

德以成君子大人之法也其有先貞而後亨者亨由於貞也

離卦云利貞亨凡陰陽者相求之物也近而不相得

者志各有所存也比之六三處二四之間四自外比二為五貞所與比者皆非已親是

有所存者也故凡陰陽二爻率相比而无應則近

而不相得隨之六三係丈夫九四隨有獲是无應而相得之例也有應則雖遠

而相得既濟六二有應於五與初三相近情不相得之例然時有險易卦

有小有小大否險泰易同救以相親同辟以相疏

睽之初九九四陰陽非應俱是睽孤同處體下交字相救而得恤亡是同救相親困之初六有應於四潛身幽谷九四有應於

初來徐徐志意懷疑同  
避金車兩相疏遠也

故或有違斯例者也然存

時以考之義可得也

或有情偽生違此例者存  
其時考其驗莫不得之

凡

彖者統論一卦之體者也象者各辯一爻

之義者也

彖統論卦體象  
各明一爻之義

故履卦六三為兌之

主以應於乾成卦之體在斯一爻故彖敘

其應雖危而亨也

彖云柔履剛說而應乎乾  
是以履虎尾不咥人亨也

象則

各言六爻之義明其吉凶之行去六三成

卦之體而指說一爻之德故危不獲亨而

見咥也

六三履虎尾咥人凶彖言不咥  
象言見咥明爻彖其義各異也

訟之九二亦同

斯義

訟彖云有孚窒惕中吉剛來而得中注云其在二乎以  
剛而來正夫羣小斷不失中應斯任矣九二不克訟歸

而通其邑人三百戶无眚也

凡彖者通論一卦之體者也一

卦之體必由一爻為主則指明一爻之美

以統一卦之義三三大有之類是也卦體

不由乎一爻則全以二體之義明之三三

豐卦之類是也凡言无咎者本皆有咎者

也防得其道故得无咎也

乾之九三君子終日乾乾无咎若防失其道則

有過咎也

吉无咎者本亦有咎由吉故得免也

師貞丈人

吉无咎注云興役動衆无功罪也故吉乃免咎

无咎吉者先免於咎而後

吉從之也

比初六有孚比之无咎終來有它吉之例也

或亦處得其時

吉不待功不犯於咎則獲吉也

需之九二需于沙小有言終吉



注云近不遠難遠不後時履健居中以待其會雖小有言以吉終也

或有罪自己招无

所怨咎亦曰无咎故節六三曰不節若則  
嗟若无咎象曰不節之嗟又誰咎也此之  
謂矣

卦略

三三屯此一卦皆陰爻求陽也屯難之世  
弱者不能自濟必依於彊民思其主之時  
也故陰爻皆先求陽不召自往馬雖班如  
而猶不廢不得其主無所馮也初體陽爻  
處首居下應民所求合其所望故大得民

也

江海處下百川歸之  
君能下物萬民歸之

三三

蒙此

一卦

陰爻亦先求陽夫陰昧而

陽明陰困童蒙陽能發之凡不識者求問  
識者識者不求所告闇者求明明者不諮  
於闇故童蒙求我匪我求童蒙也故六三  
先唱則犯於爲女四遠於陽則困蒙吝初  
比於陽則發蒙也

三三

履雜卦曰履不處也又曰履者禮也

謙

以制禮陽處陰位謙也故此一卦皆以

陽處陰爲美也

九五夫履貞厲履道惡盈而五  
越尊位三居陽位則見嗟也

十三  
三三臨此剛長之卦也剛勝則柔危矣柔  
有其德乃得免咎故此一卦陰爻雖美莫  
過无咎也

三三觀之爲義以所見爲美者也故以近

尊爲尚遠之爲吝

遠爲童觀  
近爲觀國

三三大過者棟橈之世也本末皆弱棟已  
橈矣而守其常則是危而弗扶凶之道也  
以陽居陰極弱之義也故陽爻皆以居陰  
位爲美濟衰歟危唯在同好則所瞻褊矣  
九四有應則有它吝九二无應則无不利



也

大過之時陽處陰位心无係應為吉陽得位有應則凶也

三三遯小人長難在於內亨在於外與

臨卦相對者也臨剛長則柔危遯柔長故

剛遯也

遯以遠時為吉不係為美上則肥遯初則有厲

三三大壯未有違謙越禮能全其壯者也

故陽爻皆以處陰位為美用壯處謙壯乃

全也用壯處壯則觸藩矣

三三明夷為闇之主在於上六初最遠之

故曰君子于行五最近之而難不能溺故

謂之箕子之貞明不可息也三處明極而

征至闇故曰南狩獲其大首也

達難藏明  
明夷之義

三三睽者睽而通也於兩卦之極觀之義最見矣極睽而合極異而通故先見怪焉

洽乃疑亡也

火動而上澤動  
而下睽義見矣

三三豐此一卦明以動之卦也尚於光顯宣揚發暢者也故爻皆以居陽位又不應陰爲美其統在於惡闇而已矣小闇謂之沛大闇謂之蒙闇甚則明盡未盡則明昧明盡則斗星明微故見昧无明則无與乎世見昧則不可以大事折其右肱雖左


肱在豈足用乎日中之盛而見昧而已豈  
足任乎


豐之也後貴在光  
大惡於昧也



唐書

卷十







#811.2  
1017

嶺英中學暨附設小學圖書館書卡

書名.....  
第.....冊

書名.....  
第.....冊

登記號.....

借者姓名	借書日期	還書日期

#811.2  
1017

(2)

6489

#811.2  
1017  
(2).